

**მე-20 საუკუნის ავსტრიული ლირიკა. მასალები**  
**ÖSTERREICHISCHE LYRIK DES 20. JAHRHUNDERTS. MATERIALIEN**



**თბილისი**  
**2007**

# ანტონ ვილგანსი

## ზევიტ ატყორცნილი მზერა

შეაჩვიე შენი მზერა ზეატყორცნილ შორეთს,  
სად ღრუბელი აღმოსავლეთს უერთდება მდორედ  
ანდა – სამხრეთს, სად ცეცხლისფერს ამოაფრქვევს ყვავილს...  
მაგრამ როცა თვალს შეავლებ ვარსკვლავთ მხარეს, მბზინავს,  
გაიხსენე ისიც, რასაც არასოდეს სძინავს,  
გაიხსენე დედამიწა, ჩვენს ფერხით რომ ყვავის.

სიახლოვის განცდა ტკბილი და სიშორის ვნება  
მიწიერად გარდაქმნილი არის ნეტარება –  
ამ ორთაგან ერთი გიჟის ჩაგვაცმევდა ხალათს.  
მას, რაც არის, დაჟინებით ჭვრეტს გამჭოლი მზერა,  
მერე, უცებ, არსებულსაც დაგვაცილებს ხელად  
და შეხედავს ცას და მიწას, მზე რომ გადარკალავს.

## მარტოობის ბედნიერება

სხვების გვერდითაც მარტო იყო, როცა ენება.  
როგორ ნატრობდა სხვასთან ყოფნას და დაწყვილებას!  
ახლა იხსენებს “მე”-ს უდიდეს გამოცდილებას  
და მარტოობას ცნობს ერთადერთ ბედნიერებად.

იღვიძებ. დგები. დილას, უცხოს, აცილებ ზღუდეს.  
ირგვლივ მოწყალე სიჩუმეა, პირშებურვილი,  
შენს პირველ მზერას არ ეხლება უცხო სურვილი,  
მაგ შენს სურვილთან შეერთება კიდევ რომ სურდეს.

დაგცდება სიტყვა – ხმას გამოსცემ მჟღერსა და ამოს.  
გულს მოუსმენ და... “ბარაქალა!” – გინდა, რომ უთხრა.  
ამოისუნთქავ – შენ გემონვის ისევე სუნთქვა.  
თვალს გაახელებ და... მზერა მზისკენ გაფრენას ლამობს.

შენ შეეჩვიე ყოველივეს მორიგ დღესავით –  
და, შესაძლოა, ფიქრის ღირსად არც ჩაგეთვალა,  
მაგრამ დღეს მართლაც სხვანაირად იგრძენ ქვეყანა,  
რადგან ნამდვილი საოცრება სწორედ ეს არის.

ნუთუ, ამ გზაზე ეს პატარა ბუჩქი არ მდგარა  
სხვა სურვილებში, სხვა კანონში ანდა სხვა “მე”-ში?  
ნუთუ, გუშინ არ ნეტარებდა სხვა სიმწვანეში?  
ნუთუ, ზამთარიც გასულა და თოვლიც დამდნარა?

შენ მას უეცრად აღმოაჩენ და გტოვებს იჭვი,  
ეფერები და მის რტოებთან გინდება შერთვა.  
ამ ციციქნა ბუჩქში გაგილიმა, თითქოსდა, ღმერთმა

და გისახსოვრა მარტოობის მოწყალე ნიჭი!

გახსოვს, მღუმარეს, მრისხანედ რომ მოსთხოვე შეველა,  
ითხოვდი, დღეს რაც გერგებოდა და არა – ხვალ-ხეგ...  
ხელავ, ბუჩქიდან გამოსულა, გეხება მხარზე  
და მის გარშემო ანგელოზი დაფრინავს ყველა.

დაწყველილ გრძნობებს სათნოების სინათლე რკალავს,  
სისავსეს ჰმატებს ფერდაკარგულ სტრიქონებს, მწარეს,  
ძერე კი, თავის ზედროულ და წარუვალ ბწკარებს  
იმ ხელს მიანდობს, ამ წუთშიც რომ აწვალებს კალამს.

## SuadRis dasveneba

ქუჩის კიდეზე – მთლად გასხლული და კანგაცლილი  
ყრია ხეები და არცა ვარ მეტის მსურველი.  
ჩემს გვერდით ისევ აწოწილა ბულის აჩრდილი,  
ფისის და ხვატის მოსდებია ქუჩას სურნელი.

აქ არის ჩემი სასთუმალი – დავწვები ჩუმად,  
თითქოს, სიზმრებიც დამინურავს მსუბუქ ნაბდებად.  
ზევით – უჩუმრად მირონინობს ღრუბლების ქულა,  
ქვევით – ვნებების ნაკადული ჩქეფს და ქაფდება.

გაორებისგან ვერც ჩემს ფიქრებს ვერასდროს ვიხსნი:  
გონს ათრობს ჩუმი აღმაფრენა, აზრთა გალობა,  
თუმცა, სიღრმეში ბინდისფერი ბობოქრობს სისხლი,  
ქვევით მეწევა მიწიერი დაღმავალობა.

იქ ბედისწერის სიმღერა ჟღერს, კუმბტი და მტრული  
უფსკრულზე, ხალხი რომ აქცია მტრებად, მსტოვრებად,  
იმ სიცოცხლეზე, მთლად მუქთად რომ გაყიდა სული,  
სულზე, რომლითაც შეიგრძნობა მაინც ცხოვრება.

ბგერა სასულე ინსტრუმენტში ვერ დაეჭია –  
მსმენელისათვის ნათელია ყოველი ახლა:  
კვლავ რომ ბობოქრობს, ეს მაცთური ელემენტი,  
დაბლა – ვნებებს რომ აბატონებს და ღუმილს – მაღლა.

## sayvareli midamosadmi

აი, უსაყვარლესი აიზიდნენ ბორცვები,  
შორეულ სილურჯეში თავს კვლავ ჩემს წინ დახრიან.  
ცის კიდეზე ღრუბლები, მრგვალები და მორცხვები,  
იმდენს ინავარდებენ, რომ ერთმანეთს დალიან.  
ეტლს აჩერებს მეეტლე და გახედავს ოცნებით  
მხარეს, სადაც ნაცნობი სარკმელი და სახლია.  
მგზავრი, სტუმრად მოსული, მასპინძლობას ვთანხმდები,  
მოწიწება შემიპყრობს, სხვა ვიყავ და სხვა ვხდები.

გუშინ სულ სხვას ვფიქრობდი. სხვა მტანჯავდა სახმილი –  
გუშინდელი ვაება ღღეს არაფრად ითვლება,  
გუშინ, გზებით დამღლელით, მოლოდავდა მარხილი,  
ღღეს კი, აწმყოს წყალობით, ცრემლი შვებად იცვლება.  
თქვენი იყოს სიცოცხლე, საათებად დათვლილი,  
ღღეს, რაც მაკლდა, პეშვები სწორედ იმით ივსება.  
გული, მხნე და მღელვარე, თავისად დაიგულებს  
ამ საყვარელ ხმასა და ამ მშობლიურ ფიგურებს.

მაგრამ ქროლვა ჯერ ისევ ქარზე უსწრაფესია!  
თვალი ამჩნევს სურათებს ტკობის სიხალვათეში,  
ეფერება მღელვებს, რომ აკურთხა მესიამ,  
ბებერ ქვაზე ისვენებს გაზაფხულის ნათესი.  
გამოარჩევს ღრუბლებში, რაც მზეს დაუკვესია,  
ჩიტის ფრენა იტაცებს შორს, უანდამატესი.  
ის მოვლენებს განმარტავს, თითქოს, იყოს მისანი,  
რადგან აქ ყველაფერში განცდაა და ნიშანი.

აჰა, სველი ქუჩები, იქვე – გრძელი სკამები,

წისქვილები – ფიჭვების ფსკერზე ჩაშენებული...  
მოვარდნილო წყარო, გრძნეულ აკამკამებით  
აქაფდი და დასჭექე სიმღერა შენებური;  
სიხარულო, მაჩუქე ბობოქარი წამები,  
რამო, კვნიტე სადავე, ვერცხლით დამშვენებული,  
აჩუხჩუხდი, კრისტალო, ახტი, როგორც გორგალი,  
ოღონდ არ დამიმსხვრიო მარჩენალი ბორბალი.

ახლა მალლა მივიწვევ! წიწვებით მოფენილი  
მიწა ფესვით იმაგრებს ბრვე ბოძების სიმძიმეს.  
მანლობელი ბუჩქიდან ჩანს აბრა, ვით წერილი,  
შველი კრთება, ხეთა შუქს ისიც ვერ აიცილებს,  
გაგაბრუებს ხეების სუნი, თაფლად დენილი,  
ისტორია გვიყურებს – დააკვირდი იმ ძირებს!  
თოვლად გადმორეკილა ჩრდილოეთი სრულიად,  
მიწაცა და მწვერვალიც უკვე დალაშქრულია.

კლდე ვარ გაქვავებული და სიცილად არ მყოფნის  
ქვის სამტეხლო მანქანის ურჩი შემოტევები  
და ხუმრობით ვიფიქრებ: მწვერვალი ვარ ამ სოფლის,  
რადგან ჩემი სიმაღლით მთის კენწეროს შევები.  
თავს ატლასად დავსახავ, გორაკებით დახორკლილს,  
დგანან ჩემი მოძმენი, ვით შავტუხა დევები.  
ეს შიშველი კისერი, ჯერაც გაულუნავი,  
ცის თალივით მყარია, ვარსკვლავით მბრუნავი!

ო, ამ ძალას, ამ სურვილს ვერასდროს დავუხსნლტები,  
მათ ემონვის ნერვი და კუნთი თითოეული;  
აქ ფიქრს, როგორც ფალავანს, გამოებმის მუშტები,  
აზრთა მწვერვალისაკენ მიისწრაფის გრძნეული.  
ღვთაებრივ **მოთამაშეს**, ყველგან უფლის რუს ხვდები,



როცა გუშინ იყავი მორჩილი და ეული.  
რა გინდ, მიწას მოწყდეს და ღმერთი ჰყავდეს თავლებად,  
სულის მარადისობა მიწიდან იბადება.

ადრე, მიწავ, შენს ძახილს ზურგს ვაქცევდი პასუხად.  
მშლიდა, ისე მხიბლავდა, ქალაქი დიდებული –  
რაც მან მოძღვარს წაართვა, სწავლის ძებნელს აჩუქა  
და მოედო ქვეყანას შეგირდების კრებული.  
არემარემ, ახლა რომ ჩემთვის გამოაშუქა,  
მყობადით განკურნა ჩემი სული, ვნებული,  
დაამარცხა იოლად სცილაა თუ ქარიბდა,  
მისი ნაბუტბუტარი ლოცვად ჩამოყალიბდა.

ბინდლება და სიბნელეს აწყდებიან ჭოტები,  
მერე მათი ჩრდილები ხიდან ხეს ეფინება.  
ბილიკები სოფლისკენ ისე მიაბოტებენ,  
ბაღს აფხიზლებს მათი ხმა, სიმღერა და გინება.  
რეკს საათი, თავის დროს ჩუმად დანალოდები,  
სულს შინის გზა ეძახის, მიდის და ელიმება!  
თვალი ახლა თავის თავს უმზერს და უღრმავდება.  
ყველაფერი იწყება. არაფერი მთავრდება.

## მე ქალაქის შვილი ვარ

ქალაქელი ვარ. სხვებზე მეტად მიყვარს ქალაქი.  
არსად მაქვს ქვეყნად სხვა ყურე და ძვალთშესალავი.  
მკილავს მაგანი, მაგრამ, განა, ძალმიძს არ ვაქო  
ცხელი ქუჩები, შავ ასფალტად მდნარი კარაქი –  
დამცინის კორტოხს შეფენილი მტრული ბანაკი –  
ჩემთვის შენ მაინც სიმღერა ხარ, ჩემო ქალაქო!

უშენოდ ალბათ ვერ ვიცხოვრებ და ვერ ვცხონდები,  
შემიპყრობს შიში, როცა გტოვებ, როცა გმორდები –  
ასე ნანატრ შვილს ვერ თმობს ხოლმე სადგურზე დედა...  
გიახლოვდები, ვაგონს აღნობს ცრემლის ფანტელი,  
დამივლის ჩუმი სიზარული და ჟრუანტელი,  
როცა ბინდბუნდში შენს სინათლეს მწკრივებად ვხედავ.

გაზაფხულობით, როცა ფიქრით შორეთს გავცურავ,  
ვიღაც ქალაქის განაპირას მიხმობს მაცთურად –  
იქ ჩემი სკოლის შენობა დგას – მყარი, მაგარი.  
იქნებ იმ ქუჩამ იღუმალი რამე მაჩვენოს,  
ოდინდელივით, იქნებ, ახლაც აღმოაცენოს  
ძველი განწყობა – კურთხეული, ლოცვისმაგვარი?!

აი, ადგილი, დრო რომელსაც ვერ ასწეულებს –  
ფარდული, სადაც ვყიდულობდი კალმებს, რვეულებს,  
ტყავის ჩანთით რომ მივძვრებოდი, აი, ვიწრობი;  
აგერ ტაძარი, სადაც შობა რეკდა ზარებად,  
სადაც პირველად სიცოცხლეში ვთქვი აღსარება,  
აი, ის პარკიც, ტოლებთან რომ ვმამლავინწობდი.

მერე კი, ძველი გარეუბნის სიბნელეს უცებ  
დავუსხლტები და მივაშურებ საყვარელ ქუჩებს,  
რომლებსაც მუდამ ლამპიონთა კრთომით ამკობდი...  
გზას უნათებდი მაგ სინათლეს მინდობილ შვილებს –  
მამ, მოუსმინე შენს ერთ ნაწილს, მცირეზე მცირეს:  
ჩემს გულში ყვავის შენი ბაღი, შენი წალკოტი.

ამ ჭრელ ნაკადში, შენს ქუჩებს რომ ყიჟინით ავსებს,  
თავს ვერ ვაკუთვნებ მოხუცებულთ, ჭაბუკებს, ბავშვებს –  
მე წერტილი ვარ, წაშლას ძლივს რომ გადარჩენია;  
გზა-გზა ყიალი უცხოობის ჩემის მაცნეა –  
მე შენს მიწაზე ერთი გოჯიც არ გამაჩნია,  
დავეპატრონო, დავეუფლო და ვთქვა: “ჩემია!”

## ავსტრიული სიმღერა

იქ თოვლია და ტბა აღპებს ირეკლავს,  
იქ ჩანჩქერი კლდეს ეხლება უშავესს,  
მტვრადქცეული, ლამის ქიმზე მიეკრას –  
იხუვლებს და ქარხნებს აამუშავებს.

იქ ბორცვები უგრძნეულესს ჰგვანან მთებს,  
მათი გული რკინის მადანს ანათებს,  
იქ მთის ქანებს ჩაქუჩები ესხმიან,  
იქ ორთქლია, იქ მარადი ცეცხლია.

იქ, ვაკეზე, დიან მდინარეები –  
და წყლად მხოლოდ ოქროა და ვერცხლია.  
იქ, ნაპირზე, ხილის ჭამით ერთობი,  
იქ ვაზივით ღვლარჭნილია ფერდობი.

ვალი ახსოვთ, ქედს იქ ფუჭად არ სრიან –  
იქ ძელქვა და ღონიერი ხალხია –  
მოთმინებით გადიტანეს რა დრონი!  
იქ სუყველა არის სიტყვის პატრონი.

ქალაქელი საქმეს უფროთხის აღარა,  
იქ მეგუთნემ თავის ოფლი დაღვარა.  
ბედისწერის იქ არავის სჯეროდა,  
მაინც ყველა ელოდა და მღეროდა.

როცა ღმერთმა მას ავსტრია უწოდა  
და თავისი ხელი გამოუწოდა,  
შექმნა იგი, შექმნა და გაუხარდა –  
იმიტომ, რომ იგი უფალს უყვარდა.

## ავსტრიული მრწამსი

მე თქვენ გიმღერით, მომავლიდან მოდიხართ ვინც კი,  
წარსულს ვეკუთვნი, ამით მხნე ვარ და ძლიერი ვარ...  
მე თქვენ გიმღერით, მაგ სიფიცხით, სიმართლით, რისკით,  
მე ჭეშმარიტი ვენელი და ავსტრიელი ვარ.

ჩემო ქვეყანავ, დარდი გაწევს პატარა გულზე,  
დროთა გრიგალმა შენს ხეს თითქოს დაატყო დაღლა,  
შენ აღსავლის და ჩრდილოეთის კვლავ საზღვრებს უმზერ,  
შტეფანის კოშკის გუშაგევით ირჯები ახლა.

აქ რაც დაცვივდა, ის ფოთლები შეაკვდა ღამეს  
და მათთან ერთად ჩამოსხებილ რტოებსაც ვტირი.  
შენ მაინც გულად უფეთქავდი გერმანულ მამებს,  
მთელი აღარ ხარ, მაგრამ ისევ მტკიცე გაქვს ძირი.

ასეთი იყო, ვუწოდებდით რასაც “ავსტრიას”  
და იღუმალად გულის სატრფოს ვსახავდით შორად.  
ვინც ჩვენ შეგვეკრა, ზავს გვიდებდა, თითქოს, ასწლიანს,  
სინამდვილეში, არ მივაჩნდით მისსავე სწორად.

ჩვენ შენს ძველ სახელს აღვიქვამდით ისე სათუთად,  
ფსალმუნად, ლოცვად იღვრებოდა ყოველი წამი –  
მილიონების ამოსუნთქვამ მიგისაკუთრა,  
მილიონების წმინდა ბაგემ შესძახა: “ამინ!”

მათი გულიდან ეფინება არეს ერის ხმა,  
თუნდ, ეს სიტყვები ჩამითვალონ შეშლილის ბოდვად,  
წარსულის ყველა შეცოდება ღმერთმა შერისხა,

ხომ იცით, ცოდვა ყველა დროში დარჩება ცოდვად.

მათ რომ შეხედავ, უზრუნველი გგონია ჟამი,  
ისე ილხენენ, კელარც მწველი ფიქრისთვის იცლი,  
მათ სიბუღვილის არასოდეს შეუსვამთ ჯამი,  
არც ძალადობით გალეშილან არასდროს, ვიცი.

მთლად ბავშვებივით ენდობოდნენ საკუთარ სმენას,  
კაცად რჩებოდნენ, ღალატობდნენ, როცა – თვითონაც –  
მათ ერთგულების სიყვარული ასწავლეს ყველას,  
მათი სიმღერა ყველამ იგრძნო და გაიგონა.

თავისუფლების ძიებისას ჰყვიროდნენ ნაკლებს  
და მაშინ ჰპოვეს, იმედიც რომ დაჰკარგეს, თითქმის,  
მათ მოთმინებას დღეს ყოველი მეორე აქებს,  
თავისუფლადაც მათნაირი მორჩილი ითქმის.

იარაღს ნებით აჟანგებდნენ, ელოდნენ – ვიდრე  
თვითონ უფალი და ხელმწიფე არ აკურთხებდათ,  
სადაც კი იდგნენ, თურმე, ყველას გუშაგად იდგნენ,  
მაშინაც, როცა დამარცხება შემოუტყვედათ.

სწამდათ სიცოცხლე – თავისი და შთამომავალთა  
და შეჰხაროდნენ, მოპოვებულს ოფლით, ქონებას;  
ბევრჯერ სიცოცხლის დასაცავად ტყვიაც გავარდა –  
ქებათაქება მათ მოთმენას, ტანჯვას, გონებას!

უსრული იყო მოლოდინი – რა არ ხდებოდა –  
ავი მდევარი რამდენიმეს სდევდა თაობას:  
ითხოვდა, სწამდა, იმარჯვებდა თუ მარცხდებოდა,  
თურმე, საკუთარს ამარცხებდა ის გულზვაობას.

## მცირე ყოველდღიურობათა გამო

1.

არაფერია გარდაცვლილთა ნივთებზე მეტად  
გულისმომკვლელი. ყოველივე ხდება სხვაგვარი:  
მათი სამოსი, თეთრეული, ყველა საგანი,  
მიყრილმოყრილნი, სამუდამოდ შთენილნი კენტად,  
კვლავაც ელიან, რომ გაათბობთ თითები სათნო.  
გაციებულნი, მზად არიან, ყოველი დათმონ,  
ოღონდ კი ჩვენი მოწყალება დაიმსახურონ.  
მაგრამ მერე კი, მათ პატრონად სხვა ხალხი მოვა,  
რათა გაიყოს დარჩენილი ტანსაცმლის გროვა –  
უვარგის ნივთსაც მარჯვე ხელი სხვაზე გადაცვლის –  
აი, სათვალე, რომ შვენიდა გუშინ გარდაცვლილს!  
მის საფულეში ჯერ ისევ დევს ორიოდ მარკა  
და სივარებსაც მის უჯრაში ნახავს მსახური,  
ტკბილ ღამეთათვის რომ ჰქონია გადანახული.  
მისი მემკვიდრე ერთ იმათგანს მზერას აყოლებს,  
მერე ასანთით მოუკიდებს და გააბოლებს.

2.

ნეტავ განახათ, საყიდლებზე როგორ დადიან  
წვრილმობხელეთა სევდიანი მეუღლეები:  
კალათა მკლავზე წამოუცვამთ, ფარდულთან დგანან,  
ბოსტნეულიდან უიაფესს ამოარჩევენ  
და მემწვანილეს ამ გროშებზეც ევაჭრებიან.  
სანოვაგისთვის სიარული გრძელდება დიდხანს.

ხშირად უხდებათ სიმწრის ფასად, პაწია ხელებს,  
რომელთაც ისევ შერჩენიათ ქათქათა ფერი,  
იმის დათმობა, რასაც ერთხელ შეეხნენ უკვე...  
რა ქნან – ძვირია... მაგრამ თვალს კი ძლივს აცილებენ!  
აჰა, მოდიან მზარეული ქალბატონები  
და სქელ გავათა ქნევა-ქნევით გზას მოიკვლევენ.  
სხვისი ფულებით ყიდულობენ უახლეს სურსათს  
იმ ხალხისათვის, არასდროს რომ არ ყვარებიან.  
ამ ხორცისაგან, ამ ხასხასა ბოსტნეულისგან  
მოუშადებდნენ თავიანთ ქმრებს გემრიელ კერძებს  
და დამაშვრალებს მთარმევედნენ თავდახრით, ნაზად –  
ჭრელ გაზაფხულზე – მხოლოდ ერთი ღიმილის ფასად.

3.

ღარიბი ხალხი კვირაობით სიმწვანეს ელტვის.  
მდელოზე შლიან ცივ საუზმეს, პურსა და ღვინოს.  
მერე მზის სხივებს მიუშვერენ გაძარცულ სახეს  
და შეიგრძნობენ, დედამიწა როგორ ეხებათ.  
ისმის სიხლნაკლულ გოგონათა ჩაკისკისება.  
ქალები ქსოვენ და დღიურ ხარჯს ანგარიშობენ.  
ძილს ეძლევიან საღამომდე მამაკაცები.  
მერე კი, ბალებს ჩაუვლიან. ციმციმებს შუქი.  
კერძთა სურნელი მათ მაცთურად თავისკენ უხმობს.  
ბალებში მსხდომთა მზიარული ისმის ზუზუნი,  
რომელსაც გარეთ მშვიერ ბაღთა ჩივილი ერთვის:  
“გვშია, გვშიაო”, – დასძახიან, ეკვრიან მესერს,  
ყელგამოწეულთ, ენთუზიაზმს ჩაუხშობთ მამა:  
“წავიდეთ ჩქარა, აქ საჩვენო არაფერია!”



4.

ქუჩას თხრიან და იღვრებიან ოფლად მუშები.  
ხოლო ზარები გვაუწყებენ შუადღის მოსვლას.  
ნიჩბთან ერთად, ერთხელ კიდევ ეშვება მკლავი...  
და ყველა მიდის ფერგასული ქურთუკებისკენ,  
გროვად დაყრილნი მაწანწალებს რომ მიაგვანან.  
ღარიბულ საგზალს ფეხზე მდგომნი შეექცევიან,  
ეყუდებიან ზურგით ჩრდილში მოქცეულ კედელს.  
ზოგი ძირს წვება, ნეტარებით აბოლებს ჩიბუნს.  
ღანარჩენები, იმათ გვერდით, თვალს ატყუებენ.  
ღუმს ყოველივე. ხოლო მზე კი აცხუნებს ძლიერ.  
ნიავი ზოგჯერ თუ შეარხევს გაზეთის ნაგლეჯს;  
ქუჩის კუთხეში დაძინდილი კრთება მოხუცი,  
მიმოფანტული ნაფლეთებით აავსებს კალათს,  
სათუთად კეცავს უძვირფასეს სახსოვარივით...  
ყოველთვის არის ვიღაც – ჩვენზე უფრო ღარიბი.

## მსახურები

მთლად უსურვილოდ არსებობენ, თავს ხრიან უხმოდ,  
არვინ იქცევა მათი ნატვრის თანაზიარად,  
სანამ მორჩილნი იქნებიან, არავინ უხმობთ,  
არც ვინ ეპყრობა უცხოსავით თავაზიანად.

ჩვენთან ცხოვრობენ – ამ ბინაში, აქ მიმოდინან,  
მათ სამყოფელზე, რა თქმა უნდა, ვნალვლობთ ნაკლებად.  
პირუტყვისაზე მათი ფიქრი მეტი როდია,  
მათ პირზე კლიტედადებული მძიმე ლოდია –  
არავინ იცის, რა აწვალვებთ, რა ენატრებათ.

მათ, ხელებივით, მადლობასაც არასდროს ვეტყვიით...  
სასწრაფოდ შეეცვლით, როგორც ბორბლის გალუნულ ღერძებს.  
თუ დასნეულდნენ, ჰოსპიტლებში მივათრევთ ეტლით,  
მათ დავიწყებას გული, ალბათ, ადვილად შეძლებს.

სანუგეშებლად იკმარებდა სიტყვა კეთილი –  
გაზაფხულობით, როცა სუნთქავს ბუნება ხარბად,  
მათ გამხმარ ყვავილს მოუსწრებდა წვიმის წვეთივით,  
განათლებოდა მათი სული, გამოკეტილი,  
და სასწაულსაც ვიხილავდით იმ წამში, ალბათ.

თუმც, მათი ფიქრი დროის სამანს ვერასდროს სცდება,  
უფსკრულის პირას დარჩენილნიც არ გთხოვენ შველას.  
და ეს დილემაც მათთვის ისევ მარტივად წყდება:  
ან უნდა გატყდნენ, ან შესძულდნენ ამ ქვეყნად ყველას.

ზოგიერთები სიცოცხლესაც დათმობენ უმაღლ,

სხვისი ვაჟისთვის ათენებენ ღამეს მთვარიანს.  
სიძულვილისგან განძარცულნი, ჰმონებენ გუმანს,  
გვირგვინმოსილნი, იდუმალი ღიმილით სდუმან  
და წააგვანან ამ ღიმილით ქალწულ მარიამს.

## **ახალგაზრდა მოსამართლისადმი, რომელიც ფიცს დებს**

ჯერ ისევ ყრმა ხარ, ჯერ ნორჩია შენი ხელები,  
ფიცის სათქმელად შეგიმართავს მკლავი თავნება.  
ჯერ მას ციებად არ შეჰყურია ამპარტაუნება  
და გულზვიადად შენ ჯერ კიდევ არ იხსენები:  
მაგ ხელით ქვეყნად ყოველგვარი დაგაქვს უფლება –  
ძალა გერჩის და გაქვს უზღვავი ძალაუფლება.

ბავშვი ხარ ისევ,  
გაუმცდარი წიგნის მშრალ ფურცლებს,  
რაა სიცოცხლე ან ტკივილი, არ იცი ჯერაც.  
ჯერ ნედლი ხე ხარ, ქარის ქროლვას ძლივსდა რომ უძლებს,  
ძალაუფლება გეზმანება მემკვიდრეს უძლებს,  
შენს “მედ” ქცეული სამართალი პარიკს შეარხევს  
და წითელ კრებულს ფიცის ნიშნად თითებს შეახებს.

ნუ დაივიწყებ, შენც კაცი ხარ, ადამიანი,  
ეგ სამართალი ჩვენიცაა, რადგან შენია –  
შენი დუმილი ჩვენთვის უტყვი განაჩენია,  
ხოლო ცხოვრება ეს ბაღჩები და ყანებია,  
სარეველა რომ ერთიანად მოსძალებია,  
კეთილი ნერგი, ლამისაა, გადაითელოს.  
გიყვარდეს იგი, ჰპოვე ეკლად, ფითრად, იებად  
და როცა დასჯის შეგეყრება მტრული ციება,  
სცადე, არავინ ჩაგითვალოს შურისძიებად,  
იმედის სხივი ადამიანს რომ არ გაუქრეს.

ნუ დაუჯერებ, ვინც კბილის წილ ისევ კბილს ითხოვს,

სიყვარულის წილ ვინც იშურებს ღიმილს და სიტბოს,  
ეს სიგიჟეა და შავ-ბნელი დროის ნარჩენი –  
შენ სხვა სამართლის განჩინებად გიწვევს გამჩენი,  
კანონის ერთგულ აღმსრულებლად გარდასახული  
თუ არ გახდები  
დაწერილი სიტყვის მსახური –

რაც დაწერილა, განმება და გაცამტვერდება,  
თუ უსულგულოდ წაიკითხავ, გონდანისლული.  
გთხოვ, უანგაროდ დაეხმარო ყოველთვის იმას,  
ვინც თავის სისხლით ვაზის ფესვებს აპოხიერებს.  
სხვაგვარი გარჯა არის ქარის ამაო დევნა,  
უსაგნო ბორგვა, ყალბი ვნება, დაცინვა მტრული...  
გაიდე, შვილო, თბილი სისხლი და მთელი გული –  
**ამას** გთხოვს ფიცი,  
გაიმეტე, არ არის რთული.

## ტუსაღები

ჩანს სამხარეო სასამართლოს ბნელი ტალანი,  
ხოლო იქიდან ტუსაღების შენიშნავთ სახეს...  
გაფითრებულებს, წამოზრდიათ ჟღალი ბალანი,  
მათ თავზე ქარი უხილავი ნათურას არხევს –  
გისოსებს მიღმა კრთება ზღვები და გზამარანი.

ქვემოთ, ეზოში, დაწყვილებულთ უხდებათ გარჯა –  
ბუჩქთა ოთხკუთხედს მხეცებივით უვლიან გარს და  
მათ ფეხქვეშ კვდება ეზოს მწვანე, მწუხარე ფარჩა;  
თვალების საკანს, რა ხანია, სინაზე გასცდა,  
თუმც, მათთან ერთად ისიც ღადის, რაც გარეთ ღარჩა.

ვინმე მწკრივიდან არ გაიქცეს, გუშაგი ფხიზლობს,  
ხოლო ზმანება, ტუსაღებს რომ დაჰყვება უკან,  
ამ ეზოშია, ამ ცასა და ჰაერში ხიზნობს;  
ორი გუშაგის მზერამ, თითქოს, დაჰკარგა რუკა,  
მთავარს ვერ ხედავს, თუმც, ერთგულად ასრულებს მის როლს.

შინ რაც დატოვეს, თან ციხეს ჰგავს და თანაც არ ჰგავს,  
ახლალა გრძნობენ, რას ნიშნავდა ის სილატაკე,  
თავისუფლება შარავანდად რომელსაც ადგას,  
მას ახლა მხოლოდ იმ თმასთან თუ მიასადაგებ,  
რომელიც წამში გადაპარსეს სუყველა მათგანს.

ერთიც არ არის ისე შლეგი და თვითგუნება,  
თავი ანგელოზს შეადაროს, ამტკიცოს რამე,  
უფლის წილში მოისურვოს კვლავ დაბრუნება –  
მხოლოდ მდიდრების ნუგეშია მზიანი ღამე,

ღარიბებისთვის ღმერთს ყოველთვის მოაქვს ცთუნება.

ყველა მათგანში თრთოდა ერთხელ კეთილი სული,  
რალაც უყვარდათ და რალაცის რცხვენოდით, ალბათ,  
ვიდრე ზღვასავით იხუვლებდა ქაოსი სრული  
და ცხელი ჰეშვით შეასმევდა ამღვრეულ შარბათს,  
ერთს სისხლის ვნება გათანგავდა, მეორეს – ფული.

ახლა ისინი კვლავაც ეზოს სიმწვანემ იხმონ.  
დაწყვილებულნი ბუჩქთა კვადრატს უვლიან გარს და  
ცხოველებს ჰგვანან, ჩაირბინა მდუმარე რიგმა,  
მათი თვალები უმზეური ყლორტივით გაცვდა,  
თუმც, მათთან ერთად ისიც დადის, რაც **ღარჩა** მიღმა...

## წმინდა ზემოდგომა

1.

მაშინ ერთმანეთს ხელს ვუწვდიდით, თუმცა, დროებით, მზერას გვტაცებდა ბილიკები, მთები, კლდეები, ციხე-კოშკები, ქონგურები, კარიბჭეები, აღმოდებული გვიზიდავდა კენწეროები.

გაწოლილიყო ზემოდგომის პირმშო – სოფელი, ვაკე სინათლეს ვერცხლის ძაფით მიმოექარგა, მთვარეს ჩვეული ბზინვარება არ დაეკარგა, დუმდა მდინარე, შლევ ტალღათა უარმყოფელი.

მე შენი ნორჩი დალალების მწყუროდა დათვლა, თოთო სიცოცხლე თბილ შეხებას ისე უფრთხოდა, გაათმაგებით ცახცახებდა ათივე თითი,

ხოლო თვალები, გაპარულნი ამ საწუთროდან, ბნელ შორეთიდან მაცნობებდნენ საყვარლად, ნათლად, რომ ყველაფერი, რაც ხდებოდა, მე მეკუთვნოდა.

2.

მაღლა სახლობდა ნიავექარი ლალი, თავხედი, გალაგნის ჩრდილში მიმაღულებს, ჩუმად გვიცდიდა, ბალახებს ნთქავდა, მწვანე ფოთლებს ხარბად წიწკნიდა, ჩვენც ვიხუტებდით და ყმაწვილურ აღში ვახვევდით.

რუხი ქალაქი მოჩანს, შორით ნისლმობვეული,



მალალ გუმბათებს, მბჟუტავ ფანჯრებს გასვლიათ ყავლი,  
მათ წინ მდორე და ყავისფერი ირევა კვამლი,  
გაუმაძლარი მილებიდან ამოფრქვეული.

დიდო კოლოსო, აღარ მათბობს შენი სიცივე,  
გზაბნეული მოყმების ნუგეშო ყალბო!  
შენგან ნაჩუქარ მწარე ტკივილს, საყვედურს მართალს

მე მომჩვარული ნილაბივით ჩამოვიცილებ.  
შუბლს, თავისუფალს, მადლიერი ცრემლებით ვალბობ  
და ახლა ბავშვურს და დედობრივს მივანდობ კალთას!

3.

დიდხანს ვიწექი და სიმშვიდე სუფევდა სრული.  
ჩემი სხეული ახლაც თრთოლვას მაშინდელს ბაძავს.  
ვხედავ, შენს მკერდზე წამომართულ დიდებულ ტაძარს  
ვით უბრუნდება აფრენილი ზეცაში სული.

რა პატარა ვარ – კაცი ვარ თუ ატომი ერთი?!  
შენში დანთქმული, მიხლა-მოხლით, ოხვრით, წვალეებით,  
შენი სხეულის უხილავე სადინარებით  
ცხოვრებისეულ მდინარეებს რუსავით ვერთვი.

მოსაღამოვდა. ძირს დავეშვით ბნელი ხეობით.  
ჯერ არ გვენახა დღე, ამგვარად დანასრულები!  
ერთურთის სუნთქვას მინდობილი ჩვენი სულები

ზარივით რეკდა. ჩვენ მის ძახილს ძლივს ვეწეოდით,  
ვიდექით ასე – ამ ქორალით დანავსულები  
და სიყვარულის წმინდა ვახშამს შევექცეოდით.

## კამერული მუსიკა

კვირასადამო. მზეს ყინულის ადევს ხუნდები.  
ახლა მუსიკა ამოავსებს სულის ნაპრალებს.  
ამოაწყობენ მეგობრები მზინავ საკრავებს.  
დღეს მხოლოდ ვუსმენ, მხოლოდ ვნატრობ, მხოლოდ ვჩუმიდები.

სარკმელი მედგრად ერკინება გათოშილ ტოტებს.  
ღუმელში შეშა წამოიწყებს მიმწუხრის ლოცვას.  
ისინი ახლა დაუკრავენ ღვთაებრივ მოცარტს.  
უფროსი შვილი ჩემს მაგივრად შეარხევს ნოტებს.

როგორ უჭირავს ვიოლინო! ნუთუ მე სხვა ვარ  
და ეს ბგერები მეც **მასავით** დამემგვანება?  
ჩემივე თავის მომზირალი, ბრიყვივით ვდგავარ.

გრძნობს **ამას** ბავშვი? არ ჩამოჰგავს რადგან ზმანებას,  
მუსიკა რჩება. სხვა ყოველი აჩრდილებს წავა.  
სისხლი თუ მღერის, შეიძლება გარდაცვალებაც.

## მეშუტავი ჟამი

ხანდახან რაღაც გვემართება: ვემონვით ვნებას  
და გვეჩვენება, რომ ცხოვრება ხელიდან მიგვდის,  
რომ ველარასდროს დავუსხლტებით ავბედით სიკვდილს,  
ჩვენი ვალისკენ უზეშთაესს მივყავართ ნებას.

ეს არის მხოლოდ (არა თრობა და დანაქადი)  
ჩვენი ცხოვრება (რის არ მეთქმის მე სამღურავი) –  
პატარა ნავი, ორ არაფერს შუა მცურავი,  
კვლავ არაფერში რომ გადაჰყავს საგანთ ნაკადი.

იგი ძლიერი სტიქიაა, მარად სხივდება,  
რომ არეკვლისას ზედაპირზე დარჩეს მხოლოდ ის,  
რაც ალის მსგავსად, თიხანარევ ხორცს მოსცილდება...

ქმნადობის ტკივილს დამარცხება ძალუმს ბოროტის  
და მომავეალიც ემსგავსება ძალუმ მოლოდინს:  
მას, რაც ანათებს, წვაც არასდროს არ მოსწყინდება.

## შპანასკნელი აღსარება

გსურს, რომ მაგ შრომის საზღაური ახლავე ნახო?  
ვინ არის, ნეტავ, ვინც უმწიფარ მოსავალს გაყოფს?  
ჯერ მისი ცქერით დაიღალოს ბებერი ახო,  
ჯერ იმუშავე, მერე მიწვდი სანუკვარ ნაყოფს!

ნუ დააჩქარებ, თვითონ დაჰკრავს ერთხელაც ჟამი –  
სუყველა ნათესს კანონი აქვს თავისი ქვეყნად,  
ტკბილი ლოდინით აღსავსეა ყოველი წამი,  
წინ გელოდება სათიბები და ძნების შეკვრა!

თუ სხვა მეგუთნემ სავარგულის მოგასწრო დახვნა,  
გულმედრად შეხვდი ვნებების და იჭვების ხანას,  
ნუ შეგშურდება, ნურც მაშინ და, მით უფრო, ახლა,  
არ უთვალთვალო ჩასაფრებით მეზობლის ყანას!

ეგებ, ის გაკრთობს, რომ ბეჩავი, მოკვდები რთვლამდე,  
დაილუპება, ჩანაცრდება მწიფე ნაყოფი –  
მოსავლის ბედი, მოდი, თვითონ ბუნებას ანდე,  
ის გაირჯება, გაუჩნდება საქმე სამყოფი.

შურსა და დრტვინვას ხორბლის სუნით დაფარავს ხვაკი,  
სულიერ შრომას რადგან მუდამ თავისი მოაქვს,  
ვინც შმაგ ბრძოლაში იმარჯვა და დასძლია თავი,  
მას შეუძლია, დაიცადოს, ჯერ ბევრი დრო აქვს.

## კიდევ ერთი დღე მიიწურა

აჰა, გავიდა, მიიწურა ერთი დღე კიდევ,  
მე ჩემს გარშემო ძველ კედელთა აჩრდილებს მივდეკ.  
თურმე რა აღარ შეუძლია ღამის ავგაროზს!  
არავინ იცის, სულ არავინ, ხვალ რა იქნება,  
ცაზე ვარსკვლავი ვისი თვალით გადაითვლება,  
ხვალ, შესაძლოა, აღარ იყოს სულაც სამყარო!

ძველი გაქრა და არ მოსულა ახალი ჯერაც.  
ყველა სიყალბე გუმინწინდელს გადაჰყვა მზერას.  
დღეს თუ კი ფასობს – მხოლოდ ნაღდი, მხოლოდ მართალი.  
ფხიზლობს სიავე, თუ სიკეთეს მოჰგვრია რული,  
ამ ძველ ყალიბში ჯანმრთელად ვერ იძგერებს გული.  
თუმც, ვერ შობს ახალს და გრძელდება ძველი ზამთარი.

ჯერ ვერ გაბედავს, შეაჩეროს მომწყდარი ზვავი  
ან ახლის ფეთქვას საკუთარი მიუძღვნას თავი,  
ჯერ რწმენისათვის თუ ეყოფა გამბედაობა.  
თუმც, მის კისერზე ჟამმა ყულფად გადაიარა,  
ადამიანი მაინც რჩება ადამიანად –  
ცუდია, მაგრამ არ იცვლება მისი რაობა.

ოღონდ კი, ხელი მოუმართე, ქვეყნის გამჩენო,  
რომ იტრიალოს საკუთარი ღერძის გარშემო,  
აღზარდოს გული, თითქოს, ფეთქვით სხეულს ეცლება.  
ის მხოლოდ ამით განათდება და სრულიყოფა,  
მაშინ ადვილად სხვისი ტვირთიც კი გაიყოფა,  
მაშინ სხვაგვარად უკვე თვითონ არ შეეძლება.

ამდენი ტანჯვით სულის ცაც კი დაიღრუბლება,  
რადგან უფლება ვერ იქცევა თავისუფლებად,  
ბედნიერებად ტანჯვა ველარ გარდაიქმნება.  
კაცობრიობას, თუ გსურს, ბნელში გაუძღვე კვართით,  
მოყვასს მოყვრულად შეაგებე გული და მხარი,  
თორემ ყოველი ამოსუნთქვა ფუჭი იქნება.

აჰა, გასრულდა დღე, წყვილით განათენები,  
მაშ, სალოცავად გადააჭდე შენი ხელები,  
რომლებსაც ჯერ არ დასცემიათ სიბილწის ჩრდილი.  
ვერ მოასწარი ვნების კერძის დაგემოვნება,  
ამ სიწმინდეში გაატარე მთელი ცხოვრება,  
დაღამებულა, გელოდება საწოლი თბილი.

## **ლექსი, მიკლვნილი იარაღასსმულ ხალხისადმი**

მაგრამ, როდისმე, როცა ისინი  
ჩვენი გმირების საფლავებზე დარეკენ ზარებს  
და გულწრფელად იზეიმებენ „დედამიწაზე კაცთა მშვიდობას“,  
მაშინ ჩვენ სიტყვას ვითხოვთ იქ და მწარედაც ვიტყვი,  
რომ არ გვინდა ეს ფიცი და ვალდებულება,  
რაც მსახურება ზოგთა ფლიდობას.  
სჯობს ვულაღათო მათ ან დავგმო ეს ყოველივე.  
ჯარისკაცებად გაჩენილები, ჯარისკაცებად დავრჩებით მუდამ,  
თუმცაღა მერე მტრებს მაინც ყველგან  
მოვძებნით, ყველას, და თავზედაც დავატეხთ დელგმას,  
სადაც ისინი პურის ყანებს გვიწამლავენ სისხლით მორწყულებს  
და ცხოვრებას შევეშველებით  
ჩვენ – გუთნები და გუთნისდედები,  
ჩვენ – სოფლები და ქალაქები  
და ფაბრიკები, ღრუბლებივით რომ ვიქუფრებით,  
ჩვენ – ბობოქარი პროტესტები და დატბორილი წყალსაგუბრები,  
ჩვენ – ზღვები და მდინარეები,  
ღროის გვალვას და ცეცხლს რომ შევებით,  
და ჩვენ, ვენივე გულებიდან და ხელებიდან  
და ცისქვეშეთში დასახლებულ თეძობებიდან –  
ენერგია შეუწყვეტელი,  
და მახვილებიც – ჩვენ – მრავალი ისტორიისა  
და ჩვენ – მიზეზი დიდი ლექსების  
და ჩვენ – დიდება და ღროის ქარი  
და ჩვენ – მუღმივი ქვეითი ჯარი.

## ოფში მიმართვა ღვთისადმი

ცა სომ კვლავ დარჩა ქვასავით უტყვი! –  
გვეყო, ბატონო, ეს ბათქაბუთქი!

სინათლე ქრება მირიად თვალში –  
იქნებ წკვარამქვეშ მიტომაც დავრჩით!

მრავალ გულს სისხლი ყინულად ექცა,  
მრავალს – სიცოცხლით აღავსებს ეგ ცა.

ბევრ ველს და ქალაქს დანგრეულს ვუფლობთ.  
სამყარო მაინც დიდია უფრო.

მწარედ დის ცრემლის ყოველი წვეთი,  
მარილი მაინც ზღვაშია მეტი.

ხოლო შენს კანონს იგდებენ მასხრად,  
ამის შესახებ რა იცის კაცმა?!



## ჩემი ბავშვის თვალსაზრისით

არსებავ, ღვთისგან სულჩადგმულო, დავცქერ შენს თბილ ტანს  
მე, ვინაც შეგქმენ. ვარ დახრილი შენს უტკბეს ძილთან  
და მეგობარი ქალის მაჯას ვეხები უნმოდ,  
მისი კალთიდან გადმოგორდი, ბატონი უყმო...  
ჩვენი ხალისის ხორცშესხმულო, მხურვალე ძალავ,  
ჩვენ შენ გვინდოდი. შენ აქ მოსვლა გემართა ვალიდ.  
ჯერ მხოლოდ შენივ ბედისწერის დაწყება ხარ შენ,  
ვის ჩაწვდომაშიც მე თავს ვიმტვრევ ჩემსავე თავში.

შენი ნაკვთები გაურკვეველ, ბუნდოვან ფონზე  
მსგავსებას ვხედავ და თანდათან მოვდივარ გონზე:  
ეს ჩემგანაა, ეს კი – ძვირფას ქალისგან არის,  
ცოლო, ეს შენ ხარ – მოგყვა შენი წვიმაც და ქარიც.  
ისე იღიმი, თითქოს ხედავ შენს წილხვედრ ნიღაბს...  
ღელის ბავშვობის ალიკვალდი, ბედნიერ იყავ!

ეს ტკივილი კი, პაწაწინა ტუჩ-პირის გასწვრივ,  
მეცნობა მამის გარდაცვლიდან – ტკივილი მკაცრი...  
გაურანდავი მადლითა ხარ მოსილი ჯერაც  
და არაცხადი სურვილები მზესავით გფერავს.  
აი, კრთი ძილში, თუმცა გიძღვნის სიმღერა ჩიტებს,  
და განა მარტო კრთები ძილში, ოცნებობ კიდეც.

*(პირველი სამი სტროფი)*

## ჩემი კველი ვიოლინო

ერთხელ, როდესაც მიჭირდა და ვიყავი ცუდად და არეული ჰქონდა თავი საათს, სამაჯურს და ბეჭედსაც კი, სხვა რამესაც, თითქმის ყველაფერს მე მაშინ ძალზე ნელად სავალ გზას დავადექი: ის ჩემი ძველი ვიოლინო სახლის სხვენიდან ჩამოვიყვანე და მიმყავს ის ფულის საშოვად, თან გულმოდგინედ ვაკვირებდებოდი, ამ დროს მას ვილაც უცხო კაცმა მოაკაკუნა და თქვა: ეს დიდად ვერ გაგიმართავს ხელსო და მერე მწუხარე სახით დასძინა: მასზე არ დაუკრავს ძველი ოსტატი! – და ტკივილი და წინაღობა გამიასკეცა და მე დავჯერდი მის მოცემულ მცირე საზღაურს.

ზოგ მძიმე წელსაც ჩემი საქმე არ მიდის ცუდად, მაინც ჭკუაში მომდის ხშირად იმ კაცის სიტყვა, რაც ხსოვნით ძველი ვიოლინოს ჰანგს მისწეულებს, ის მისახსოვრეს მე ოდესღაც ჩემმა მშობლებმა. მამა, ჯაფისგან დაღლილი და ქანცგაწყვეტილი, მიუჯდებოდა ხოლმე თავის ღარიბულ სადილს და იღიმოდა, როცა ჰქონდა მცირედი სარჩო. დედა კი, ძვირფას ზოგ წელიწადს გააცობდა ისევ იგივე ახალით კაბით. და უკეთესი დღის იმედი ჰქონდა უბრალოდ. ორთავემ ჩემთვის შეინახა ეს ვიოლინო.

ხოლო ის ძველი ოსტატიც რომ არ ყოფილიყო, მას ჩემთვის მოაქვს საამო და წმინდა ნათება,

მის ხმაში ჩემთვის სულ გაისმის,  
რასაც ითმენდა დედა და რაც მამას ტანჯავდა  
და დღეს პირველად ვხვდები, ტკივილს თუ რატომ მგვრიდა,  
რაც მითხრეს: ეს შენ ხელს დიდად ვერ გაგიმართავსო!

## ნაირ-ნაირი სტუმარი მისტუმრა

ნაირ-ნაირი სტუმარი მსტუმრობს ბაღში მე, სახლის მახლობლად –  
აქ წელიწადის ყველა დროსა ჰყავს შესაფერიანი სტუმარი,  
აი, გვამცნობენ თავს ეს-ესაა სტუმრები გაზაფხულისა –  
ნაზი პეპლები და ფარვანები, ყვითლები, როგორც ლიმონი,  
ზოგიც თეთრია. გაჩნდებიან და მთის ქვა-ღორღს დაჰფარფატებენ,  
მერე ფუტკრებიც მოგვიანებით მოვლენ და სწოვენ ყვავილთა  
წვენს სურნელების ფიალებიდან, რასაც მე ცაცხვი დამაფრქვევს,  
ხოლო სთვლობაზე, როცა სამყაროს თივის და ძირს დაცვენილი  
ხილის სურნელი ასდის – ზღარბები იქექებიან ლანდებად

ღამის ფოთლებში. ჩიტუნები კი ზამთარ და ზაფხულ წივიან.  
ბელურებს აღარ დავასახელებ, არ ვასახელებ სკვინჩებსაც,  
მაშვებზე ვიტყვი და უგზო-უკვლოდ მოხეტიალე ბუებზე  
და მოლალურებს დავასახელებ, ოქროსფერ სტვენიტ გავესებულთ,  
შევაქებ ბულებულს, თავის ფლეიტით, ტკბილად მგალობელს ჟსმინზე.  
ოჰ, მძარცველები ჩემი კენკრისა, შოთხვს და ალუბალს კენკავენ,  
ხოლო გარგარს და თხილს, ჯერ უმწიფარს, ციყვი დაღრღნის და ჩამოყრის.  
გავგულისდები და ხელსაც დამრევს მე მათი მოსპობის  
და ფენაკრეფით, დატენილ თოფით მივეპარები ბაცაცებს,  
ვიღებ მიყანში და იარაღა გამოვარდება როდესაც  
გრაციოზული სუსტი არსება უძღურს მხდის მშვენიერებით.  
შენი ჩაქრობა რომ მსდომებოდა, დაისის მზეო წითელო,  
სიცოცხლეს რომ ჰკვრი ხის კენწერობს, მიმწუნრისაგან მოწყენილთ!  
ან დამუნჯება რომ მსდომებოდა მე შენი, ოქროს ნისკარტო,  
საეჭვო მგალობელისა, ან შენი, წრფელო სიმღერავ,  
გრძნობებს რომ მიტკობს საღამოობით! თქვენი სიცოცხლე მაცოცხლებს...  
მაშ, გაიხარეთ და ჩიჩაყები გამოიტენეთ ჰანგებით,  
რასაც უთუოდ გამოვისყიდი მე ჩემი ბაღის მოსავლით.  
ასე ვფიქრობ და შეჩერდებიან ჩემ თვალწინ, რადგან იციან,  
რომ მათი მტერი სულაც არაა საწყალი ადამიანი.

## შედეგი

მე გამუდმებით ვიცვლიდი ნიღაბს,  
იმართებოდა მეჯლისი როცა.  
შევციცინებდი ბევრ ვინმეს მორცხვად,  
იმათ კი ჩემთან არ სურდათ მოსვლა,  
ვისგანაც უკვე დახსნილი ვიყავ.

ყოველ სანუკვარ მიზნისგან დამრჩა  
მწკლარტე ნალღელი წარსულის ნამჯად.  
მაინც საქმესთან აჯობებს ვიყვე,  
მაგრამ საქმენი თავიანთ მპენტავ  
სიცოცხლეს აღარ ტოვებენ ჩემთან,  
იქნებ უფრთხოდნენ ჩემს უცხო ნიღბებს!  
და ჩამივლიდნენ ყოველთვის გვერდით  
და მათგან, თითქოს, არ მცნობდა ერთიც.

## ციკლიდან სონეტები ელის

\* \* \*

ისინი სადღაც, სოფლის ბოლოს აგებენ სახლს და  
ამოყვანილი აქვთ მაგარი ცოკოლი უკვე.  
მშენებარ სახლთან შეიგრძნობა ზველაზე უკეთ,  
რომ შემოდგომა მოდის ლურჯი ოცნების მსგავსად.

სახლის მფლობელო, ეს ცხოვრება ნუ დაგცემს თავზარს,  
მადლი ჰქენი და შენი სახლი უცხოვსაც უქე,  
ნუ დაუფრთხები დღესასწაულს – ნუ იკლებ ნუგეშს,  
არ თქვან: “სუფრასთან თავის ჭერქვეშ არასდროს დაგვსვა”.

შენ არ შეგაკრთობს, რომ ქვეყანა ფართოა ასე  
და რომ ამ სახლის ქვის კედელსაც, ვითარცა ციხეს,  
ფრთები არასდროს გაემლება ცხოვრების გზაზე.

ხოლო ჩემ სახლში ეტევა და ოცნებას მასვეს  
უსასრულობა სიახლოვით და კარსაც მიღებს  
და იღიმება მიმტევებელ გრძნობებით სავსე.

\* \* \*

ის შემომხვდება მე **ერთხელაც**, კარგად თუ ავად,  
როგორც მავანი უღიმღამო ჟამსა თარეშის,  
ყრმობის სიმღერა თავს აცხრება სიმწუხარეში,  
მას შემდეგ ბევრი რამე ჩაკვდა, ის კაცობს კვლავაც.

და ბედნიერი არის იმით, რომ ძალუდს თავად,  
არ დაემონოს ცდუნებას და ხორცის მდარე ჟინს.  
მის სულში ზოგი სიმი გაწყდა კვნესის გარეშე,  
ის შემომხვდება მე ერთხელაც, კარგად თუ ავად.

და არა მკითხავს თუ საიდან საითკენ მივქრი,  
შემომეჭრება იგი შიგნით, რომ ჰპოვოს შვება –  
მხოლოდ ჩემნაირ კაცს აქვს შენში სტუმრობის ნება.

და გაიზრდება ის თავისი მორჩილი ფიქრით,  
როგორც ის, ვინაც მეშხანივით გასცემს სიყვარულს,  
ანუ ვინც ხარობს იმისათვის, რომ გაიხაროს.

\* \* \*

ერთადერთია, ერთადერთი, ვინაც სურვილებს  
სულ მიიზიდავს მაგნიტივით, რათა რაღაცა  
არ დაიფანტოს, არ დააკლდეს კაცთა ნაღვაწარს,  
ის ძველია და თვალს ახალ ცრემლს დააწურვინებს.

ის თავს ივიწყებს და აბრუებს დღეებს ბურვილებს,  
რომელთა შემდეგ მწუხარება ყველას დააცხრა,  
ის მეძავია და ერთგული, მისებრს აღარსად  
ნახავ, რაც უნდა ქმნიდე ძეგლებს ოქროცურვილებს.

ის ხალისია, რაშიც სული იცრება ლაღად,  
მსუბუქდება და ძლიერდება, მიტომაც დაქრის  
ქედბე შორის ხმის თრთოლვა მისი იალქნის აფრით.

იგი რაღაცის სიზმარია, რომელსაც აღარ

უარსებია, ზოლო სატრფო სიზმრად თუ ნახა,  
და მას შეეძლო, რომ ამქვეყნად ეცხოვრა სხვაფერიც.

\* \* \*

მე ვარ მდიდარი, მაგრამ რა მაქვს, გარდა საგნისა,  
რომელსაც საზღვრის მიღმა ჩავთვლი ჩემად საკუთრივ:  
ესაა ხვატი, რაშიც ვიწვი და ვარ ნაკუთი  
და რაც ჩემს არსში აბურცული იყო ნაღვლისგან.

ეს უკვე ახლდა სიჭაბუკეს, რამაც დამიხსნა  
და განვლო და რაც ერთადერთი არის საბუთი  
სიხარულისა, ო, ეს ხვატი, რისგან დახუთვით  
ვიწვი და ირგვლივ მაფარფატებს და მთვლის თავისად.

სწორედ მას უნდა, რომ მე ნათელ გზაზე ვიარო,  
სული გავულო იმ ერთადერთს, კაცთა გასაგისს,  
რომელსაც უნდა სიყვარულის მზეს მაზიაროს,

როგორც მებაღემ მე, ველური სიშლევის ფსკრიდან  
მოსულს და დამწვარს ღვთის წყურვილით, რომელსაც ვიტან.  
შეხე ჩემს სახეს – მადლს რაიმე თუ სცემს მასავით!



## წარუმატებლობის ელემბია

ფასეულია ეს დღე მზიანი, ეს – გაზაფხულის დღე სექტემბერში.

ვაკე-დაბლობთა ვიწროებიდან მე მწუხარება მიმერეკება  
იქითკენ, სადაც სრულიად ქორფა არყებია და ლარიქსებია.

ო, დაბუჩქულა კვლავაც ჯაგნარი და განივრცობა ხე დაღრეცილი.

მაგრამ გზებს როდი ვირჩევ, სხვებისგან უკვე ნარჩევს და განვლილს, არამედ  
მაღალტანინან ხეების უღრანს მივიკაფავ და ვაწვენ ირიბად

და თალიც უკვე გარს მოძვლება ერთურთში შესულ კენწეროების –

ჩამწკრივებულნი დგანან და მწუხრის მუონავ ოქროსფერ ნათელს ერწყმიან  
და ტყის ნაკაფი ზოლი პატარა ჩნდება ფენილი ბალახეულით...

სდის სოკოსი და ნამის სურნელი ხეების ხაოს – ხავსს ზურმუხტისფერს,  
შეხედე, აი, თვითონ არიან თავიანთ თავის წარმოქმნელები...

ერთადერთია ღამე, რომელიც სინოტივისგან ბადებს რაღაცას,

რაც თეთრ ფეხებზე ოქროს ქოლგებად უცებ გაშლილი სოკოებია,

მთლად კვერცხებივით ყავისფერნიც და კვერცხის გულივით მოყვითალონიც,

და ეს ზღაპარი არაა განა! როგორ ჩნდებიან ელფები, სუფრას

სულ რომ უშლიან ხალხს ბალახებში სახელდახელო ნადიმისათვის!

ჩხიკვილა ჩხავის მშვიდად და ახლა უფრო ღრმად შევალ მე ამ უღრანში:

ისედაც ვიწრო გზა, საცალფეხო, გაჩეხილ ხეებს ჩაუხერვიათ.

ეს შინაგნობა გახლავთ ამ ტყისა, რომელიც თავის ფუძეს მომწყდარა

და სელის ბოჭკოს ნახლართებივით ღრმად გასჯდომია თავის ნიადავს.

მეხთაცემულთა ლპობა ურჩხულობს და ნარჩენები მათი ტოტების,

თეთრად ნადებნი, ხავსისგან, როგორც საზარელ ხრწნისგან – იფარებიან.

და კვლავ გრიალი – დაცემა მეხის და ამოგლეჯა გიგანტურ ფესვთა,

ჯავარიანნი, გაქვავებულნი, სადარნი პირველყოფილებისა.

პრეისტორიულ დიდ ცხოველების უძველეს ძვალთა მთად აჩონჩხილნი –

ემენი, ხორთუზნი, თავზარდამცემად რომ დაფარულან დროთა ქერცლებით,

სიკვდილის მგვანი თავის ქალების მსგავსება მყინავს და სულს მიხუთავს.

სიცოცხლის არსად არის ნიშანი, ჩქამიც არ ისმის არსებობისა,

მხოლოდ ფარული სიღრმეებიდან წყალნი მოჩქეფენ თვალთუხილავად

და მოკვნესიან წყვილად თავზარში, როგორც სამყაროს უღრმეს კალთიდან.

## გაზაფხულის ბალადა

რანი არიან მაინც კაცნი! – ფიქრობენ, ხვალ-ზეგ  
რა მოვლით და – არა კაცთა ჭეშმარიტ ვალზე,  
ამიტომ სულისთ ღარიბნი და ბრმანი რჩებიან.  
გვერდს აუვლიან, ხეტიალით, ბაღებს და სკვერებს  
და ქარში ბუჩქთა შლევ გისოსებს, რომელთა მერე  
მათი სულები მწუხარებით აღივსებიან

და რომ იქმნება სასწაული ღამეში ახლად  
და რომ შეშლილთა სახლებიდან, იდუმლად, მალლა,  
ბავშვის ღულუნის ნორჩი სიო აკრთობს თენებას  
და რომ ჰაერში თეთრი ბლონდი იშვება ნისლის,  
(ფორთოხლისა და სიგარეტის სუნისგან ისიც),  
ანდა სუნამო, როს ჩაივლის ქალის მშვენება –

ისინი ამას ვერასოდეს იგრძნობენ ცისქვეშ,  
ვერც – საღამოთა ფერხულს, როცა მშობლიურ წრისკენ  
მიმავალ ღატაკ ხალხის გრძნობა ქუჩებს მოიცავს,  
ვერც ყმაწვილ ქალთა გაზაფხულის ღვთაებრივ სურნელს  
გრძნობენ და ვერც მათ ფერმკრთალ ლოყებს ხედავენ, თურმე,  
და არაფერი გაეგებათ ღუხჭირ დროისა...

ერთ სნეულს ვცნობდი ქვეყანაზე, კოჭლს ორთავ ფეხით  
და აზრებით და სურნელებით, ის იყო გლეხი  
და ის ჯანსაღ სულს სასწაულთა მიმართ ავლენდა,  
უნარი ჰქონდა ღიმილისა: როს პირველ ლიცლიცს  
გაზაფხულისას, მწუხარ ჭერქვეშ, ნახავდა, მისთვის  
მაშინვე ღხენად იქცეოდა ტანჯვა-წვალება.

ყველა ყვავილის დანახვაზე შეეძლო ისე  
გაეღიმა, რომ ეს ღიმილი ხალისის მიზეზს  
მოგვრიდა თავად მომაკვდავის თვალთა დანისვლას.  
და მას შეეძლო, რომ ეტირა პარატა ბავშვის  
სიმღერის ხმაზე და უფრო ღრმად ესუნთქა მაშინ,  
როს ეწვეოდა სურნება იასამნისა.

ის ღიმილი და ის ცრემლები არ სცნობდნენ წუხილს,  
სასწაულების მიმართ იყვნენ ესეოდ უხვი  
და სულ ჯანსაღად განიცდიდნენ ყოველ საკვირველს.  
იმ კაცის ხელი მე მეკავა, კვდებოდა როცა,  
შთამომავალი მე გავუხდი მის ღიმილს მლოცვარს,  
როს მკრთალ პირიდან სულს აფენდა, როგორც ყვავილებს.

## მითი შამოღომისა

ის დადგა ისევ წყნარად და მშვიდად  
და ვინც კი შეხვდა დაღლილი ლოცვით,  
ყველას მოჰგვარა თავიანი ციდან,  
როგორც თავისი სული და ხორცი.

რა ლამაზია მდინარე მკის დროს!  
ნამგალიც საქმეს რარიგად ავლენს!  
ზვინებიც, ყანა ოქროდ რომ იძრობს,  
როგორა ჰგვანან დაღალულ მგზავრებს!

მადლობას სწირავს ყოველი ჭიქა  
ბოლო ლხინს, ზვალე ბნელია რაკი,  
და საფლავები ფოთლების ნიღაბს  
აცქერინებენ როგორღაც აქით,

ხოლო ოსტატი გასცქერის ლოცვით,  
როგორც ექიმი საქოლთან ქალის,  
ვინც წევს ტკივილში თავისი ხორცის  
და მიწის პუღსს გრძნობს მილეულ ძალით.

შემობრუნდება შემდეგ ერთბაშად  
და ნორჩ სიცოცხლეს ეტყვის სამძიმარს  
და მომაკვდავი დედის ხელთაგან  
გაზაფხულს ბავშვად გამოაბრწყინებს!

## ღრმა გამოხედვა

მარტოობ, ვინძლო შეგებრალოს მაღალმა ღმერთმა!  
და ბუზანკალთა შუაგულში უეცრივ, ერთხმად  
ადამიანთა მოდგმაც თავზე დაგეცეს ვინძლო.  
სარკის წინ, ზოგჯერ, შენც გაივლი და როგორც ღვთის შვილს,  
შენსავ ანარეკლს იმ სარკეში შეხედავ შიშით,  
რომ იგი, ვინც გცნობს ასე კარგად, შენც კარგად იცნო.

შენ ძალგიძს გყავდეს მეგობრები, შვილი და ცოლი  
და მაინც მარტო იყო, როგორც ხე – ხარში მძრწოლი,  
მთრთოლვარედ რომ დგას უსახელო ტრამალში სადღაც.  
შენ მეგობრებთან მიმოფანტე მრავალი რამე  
და მეუღლესთან ერთად წევხარ კვლავ ყოველ ღამე  
და ყველა ბავშვი გისაზრდოებს სულსა და ნატვრას.

მაგრამ ისინი ძლივს იგებენ ლაპარაკს შენსას,  
თითქოს მეტყველებ მცდარ სიზმრიდან და ენით კენწლავ  
სიტყვებს, რომლებსაც მნიშვნელობა არა აქვთ მათთვის,  
და გულცივთ ყველა შენი ხალისის მიმართ  
და შენი ჭირი არასოდეს აღელვებთ იმათ,  
მათგან ყოველი – შენთან მუდან ყოყმანით დადის.

უკვე შენც შენი თავისთვისაც უცნობი ხდები,  
ხარ, ვით პატარა კომიკოსი, რომელიც წლების  
მანძილზე, დღემდე, იზებირებს გრიმასებს, ჟესტებს;  
მხოლოდ ხანდახან გესმის ჩქამი იღუმალ ზმათა  
და კანონს იცავ: ეს მე ვარო, წარმოთქვამ, რადგან  
ღმერთის წინაშე მარტოსულად სიცოცხლე შეგწევს.

## აღაჯიო ჩელოსათვის

ყველა მოთხოვნას დღისას  
ჰქონდა სიმშვიდის ვიზა  
მიწის ლალისფერ ბუკში...  
არყის ტოტებში მთვარეს,  
როგორც თევზს, ბადის ხიზანს,  
ამაღლებს სიღრმე ცისა,  
ზე იწევა და არე  
ჩანს, როგორც სხვითა ბუჩქი.

აბრეშუმები მინდვრებს  
თეთრად მოსავენ ვიდრე –  
ძილში ჩხრიალებს წყარო.  
თივის ზვინები ღვანან  
და გოლიათებს გვანან,  
ძაღლები ირგვლივ თარეშს  
აგრძელებენ და მთვარე  
ანათებს უანგაროდ.

## შუა ქალაქში

შუა ქალაქში, წარმოჭიმულ სახლებთან, ცათა  
მკვიდრებს სწვდებიან გუმბათები მრავალი ტაძრის,  
აყვავებული შრიალებენ ხეები სადაც  
და თითქმის ყველა მოკლე-მოკლე ნაბიჯით დაძრწის.  
ქალაქში, რომლის ქუჩებს ძრავა თუნთუნით გალევს,  
აბრეშუმი და ბრჭყვიალები იზიდავთ ქალებს  
და ღამეებში, ოქროსფერად ნახატებიან  
ჭერქვეშ, გააუდრულ ნაოჭებზე,  
კივილი ისმის  
და გათენებაც, როგორც ვხედავთ, არ მოვა მალე,  
და ქალაქის ქვეშ წყალთა ჩქარი ნაკადებია!

ნარეცხი წყალი მოწვეთავს  
და დამჭრელთა ხანის,  
წამლვს პულსსა და ოცნებას,  
ავობს შიმშილის დაღი,  
ჭუჭყს მალავს სუფთა ჰაერი,  
შიმშილის გრძნობას უკლავს  
მრავალ კუჭს. ასეთნაირი  
ნანატრი გახდა სუფრა:  
პური, ფაფა და წუმპეზე  
მოხდილი ქაფი მყრალი,  
მუდმივ ღამეში უკეთესს  
ვერაფერს ნახავს თვალი...  
საჭმელი არ აქვთ ვირთხებს —  
შიათ, ომია ვიდრე!

ნერვების ლორწოვანია

ამ ჟონვასა და ტბორში;  
მიაზმებს, დიდი ხანია,  
ასდით სიმყრალე ბორშის,  
იფანტებიან, მსჭვალავენ  
ტიფოზურ, ბოროტ ჰაერს,  
სადაც აქვთ დასამალავი,  
იქ მკვიდრებიან მალე,  
ციებ-ცხელებად ქცეულნი,  
ამოგიჭამენ თვალებს.  
დაგვისნეულებს სხეულებს  
ჭისა და გრუნტის წყალი.  
ნაგავი სწვდება ღრუბლებს,  
ეპიდემია სუფევს.

მაგრამ მდინარე, სუფთა,  
ღროს, როცა გვიჭირს მაშინ,  
აღიქვამს კაცზე უფრო  
თავის ვერცხლისფერ სვლაში,  
რომ შიშმა, ძლივძლივობით,  
წვიმად, თოვლად და ქარად,  
მარადი, ყველგან მყოფი სახენი გაიარა  
და მოქმუის და ღრუბლის  
ქაფებს ირეკლავს ზღვად.  
ეს სიზმარია თუკი,  
ნეტავი, ვნახე სად?!



## მხოლოდ მსურს მაინც

მხოლოდ მსურს, მაინც არ ვიცხოვრო, როგორც აქამდის,  
მივბაძო იმათ, ვინც მიზანში ხედავს ყველაფერს,  
რაშიც არ ყრია არაფერი, მაგრამ მაგათთვის  
ბევრს ნიშნავს, რადგან ის მაგათ შიშს გააკელაპტრებს.

ჩემი სამყაროს ყოველ საგანს ხელში ავყავარ –  
მაიძულებენ, მათ მათ მივდიო კუბოს კარამდი,  
რომ ვზიდო მათი აზრი ბნელი, არა კამკამა,  
ბრიყვი მქვია და საფუძველში დავრჩი წარმართი.

## ერთ უცნობს

ამ წუთისოფელს, სხვაზე უფრო დიდად საწუნხარს,  
გვინდა თუ არა, ჰქვია სიცოცხლე,  
იქნებ ზოგს ლამპის შორი ბჟუტვა ესმის პასუხად  
მისალმებისას, რაც ცაში სულს სულმა აჩუქა,  
რომლებიც ერთურთს ცის ქვეშ იცნობდნენ!

ადამიანი, სწორედ იგი, ვინაც ამქვეყნად  
ვერ გავიცანით კარგად აქამდეც,  
იქნებ შემძვრელი იყოს, როგორც ლექსის ხატება  
და განუგეშოს, როგორც წყნარმა, ნაზმა ნათელმა,  
შებინდებისას ძლივს რომ ანათებს!

# ალბერტ ერენშტაინი

## დილის ღოცვა

ამ დროისათვის დაღლილია ყველა მეძავი  
და უძინარი საბრალო ქალი  
სუფევს ცარიელ საროსკიპოში  
და ხელით იფშვნეტს მიბლუტილ თვალებს.  
ღრუბელთა ზემოთ მდგომო მამაო,  
შენი ჩვეული სიმაღლიდან საკუთარ მრევლს რომ ათვალიერებ  
და გვიბიძგებ საზიზღარი ავნორცობისკენ,  
დაგვიფარე სიფილისისგან!

## **მე დავიღალე სიცოცხლითაც და სიკვდილითაც**

და მანქანები უზარმაზარი დაჰქრიან, როგორც ბუზანკალები,  
აეროპლანებს დაუპყრიათ მთელი ეთერი,  
ადამიანს კი სად შესწევს ძალა მარადიული,  
ეს სამყარო შეატორტმანოს.

ადამიანი ნახველია, ლიანდაგზე დაფურთხებული.

უნდა, დაეხსნას შორით შორიდან შემოჭლობილ მკაცრ

მარწუხებს დედამიწისა,

დღემდე რომ მაინც ვერ ვეთმობით დასაკარგავად,

მოაწევს ჟამი და კუთხეს მდგომი

სამყაროთა წმინდა გუშავი

თვით მიგვასწავლის სავალს უმოკლესს –

უახლოესი ნისლოვანი ვარსკვლავისაკენ.

არის ყოველგვარ მოგონებაზე გულგამგმირავი –

ერთი ქალღმერთი მტვრისმწმენდავი:

რა მშვენიერი ხის ბაყაყები წამოზარდა გაბრუებულმა,

მაგრამ უკლებლივ დაეხოცა.

რარიგ უძწეოდ იხრჩობიან უსაზღვრო ზღვაში ბობოქარი

მდინარეები.

ვერ შეიგრძნობენ დიად გოეთეს

გასაოცრად მოცეკვავე მეომრები სიუს ტომისა,

ვერც ქრისტეს ვნებებს – სირიუსი,

უძოწყალოდ მარადიული.

გრძნობიერებით განუმსჭვალავნი,

თუმც ერთმანეთის პირველქმნილად თანამგრძნობელნი,

ზემოიწევენ შეუპოვრად და ეშვებიან დაბლა-დაბლა

დაუსრულებლად

მზეებია თუ ატომები: სხეულები სივრცით მოცული.

## ეროსი

ვარვარებს წითლად მშვილდოსანი ღმერთი ეროსი,  
თავის კუნძულზე დიდებულად მოუღხენია.  
დასრიალებენ მოშვეებული ბაგირებით  
ტალღოვან ტბაზე მამაკაცები  
ბედნიერად, ბაგემდუმრიად.  
და ბანაობენ წყაროებში მშვენიერ ქალთა,  
ალერსის ღირსთა,  
თეთრ ნათელში მოელვარეთა;  
გარემოცულან, ატლანტიდავ,  
ღვთაებრივი ვნების მომძღვნელი,  
საიღწეოვანი შენი მზიური სასძლოებით  
და საძოვართა მწვანე მინდვრის სხეულებითაც.

მაგრამ ბოროტო ქარიშხალო!  
ღლე დამდგარა ღონემიხდილი.  
უებრო სევდის ქრისტიანი შავი ბერები  
უკვე აღძრულან მეშვიდე ცის ნეტარების დასამარცხებლად.  
ო, ნუთუ, მოკვდა ბობოქარი?  
თუ წარიტაცა მრისხანებამ დედამიწისა?  
მის საკუთრებად გარდაქმნილი მონა-მხევალის  
ხარბ ოცნებებში გრაფებს ოქროს დაელო ფასი,  
აღფრთოვანებულ საღამოს ცაზე  
ძილს ეძლევიან სამუდამოს ვარსკვლავები აფროდიტესი.

## მეზღვაურული

მკვდარი აგდია სანაპიროზე,  
მეზღვაურების მონატანია.  
ნეტავ, ვინ გდია სანაპიროზე?  
მეზღვაურების მონატანია.

გაჩნდა თოლია სანაპიროზე,  
თავი ჩაჰკიდა, სული დალია.  
ნეტავ, ვინ იყო სანაპიროზე?  
თავი ჩაჰკიდა, სული დალია.

ორი თოლია სანაპიროზე  
ბუდისთვის ბუმბულს დახარბდა როცა,  
სხვა მეზღვაურმა სანაპიროზე  
ნახა, ორივე იქვე დახოცა.

ცეცხლზე შეიწვა, ცოცხლად ლეჭავდა,  
ლიღინით ჩანთქა ორივე თოლია,  
მკვდარსაც წააძრო მერე ბეჭედი  
და შვილებისთვის წაიყოლია.

მკვდარი კი ეგდო სანაპიროზე,  
ზღვა ხმელეთისკენ მოიქცეოდა.  
იპოვა მკვდარი სანაპიროზე,  
გახელებული მოიქცეოდა.

მკვდარს რა უნდოდა სანაპიროზე,  
ეჰ, თოლიებო, ვის მიაბარეს?  
თქვენ უნდა თხაროთ სანაპიროზე  
მეზღვაურული ჩვენი სამარეც.

## ომის ღმერთი

რა უდარდელად წანწკარებს წყალი!  
სისხლი სდის მინდორს, რაც ყოველთვის ხდება მიმწუხრზე.  
მაგრამ, იცოდე, შეიმუხრება  
თავი მხეცისა, ბანჯგვლიანის, ზეშემართული.  
უმწეო ცხვირ-პირს გადაეუპობ  
კაცთა მოსისხარს,  
გაგიცამტვერებთ დედამიწას მე, არესი, უძმვინვარესი.  
ამაოდ უხმობთ ღმერთს, რომელსაც არ ეყურება!  
ნუთუ, ვერ ხვდებით:  
ქვეყნიერებას განაგებენ ეშმაკები – მსახურნი ჩემნი,  
რომელთაც ჰქვიათ მძვინვარება და უგნურება.  
ქალაქთა ირგვლივ,  
ყველგან ძელებზე გადავჭიმე კაცთა ტყავები.  
ეს მე ვზიდავდი ციხე-ქალაქთა მიმორყეულ კარიბჭეებს  
დემონურ მხრებით.  
მე გადმოვანთხევ გამოფიტულ ომის დროებას  
და მთელ ევროპას ჩავტენი ომის ტომარაში;  
ჯალათურ მკლავზე თქვენი სისხლის  
წითელ-წითელი ნიაღვრები მედგაფუნება.  
ო, ყოველივე რა საამო საცქერალია!  
თავსხმაწვიმიან ღამით მტერი აბრიალდება,  
და დაგიფლეთენ ჭურვები ქალებს,  
დედამიწაზე  
კიტრის თესლივით მიმოიბნევა  
ძეთა თქვენთა  
სათესლეები,  
ხოლო სიკვდილი, თქვენი შვილების ხელთამკვეთელი,  
თქვენც, წყება-წყება, ყველას თავებს დაგაყრევინებთ.



სიბინძურის წილ ყველამ სისხლი უნდა გაიღოს,  
გაჭირვების წილ მთელი თქვენი მონაგარია!  
უპვე არწყვევენ  
ჩემს ნადიმზე დამძლარი მგლები.  
უხვი აქვთ სარჩო -  
თქვენი ლეშით დასივდებიან.  
ვინ გადარჩება?  
ბოლო მტერია შავი ჭირი,  
ო, როგორ ღმუის ჩემში წადილი –  
ნეტავი მალე ნატამალიც არ დაგიტოვოს!

## კასტილიელი ბერნალ დიასი

კასტილიელი ბერნალ დიასი  
გამოეთხოვა ძვირფას სიცოცხლეს.  
მისი თმა, როგორც ჟღალი ღრუბელი,  
ფრიალებს ქარში, შეშლილ ქარში, გამორჩეული  
სხვა საავდრო ღრუბლების ქუფურში.  
ქარიშხალიც მისი ხმით კივის:

“ვარსკვლავებთან და ცხოველებთან სიამოვნებით  
მოთამაშე, მინდვრის მხენელი, ვიკვებებოდი  
ხნულებში უხვად ჩამარხული, ნედლი, სათესლე  
კარტოფილებით. ღვთისმშობელი შეაკვდა ზეცას  
და ვხვდებოდი მხოლოდ ცოცხალ, ბებერ მეძავეებს;  
როგორც მამალი, მე ვიყავი მათი ერთგული.  
როცა მათ გული დამიფლითეს,  
მე მოვახრჩე გლისპი ვენერა.

გაზაფხულის ფრინველი და დილის ყვავილი,  
ყველაფერი მიიძალა გაღმა ნაპირზე.  
მე აქ სამყაროს ღმერთად ვიქეცი,  
ზანგი ბავშვების მრისხანე ღმერთად.  
მაგრამ აქაც კი მოჰყვება ჩემს კვალს  
თეთრი ძაღლი: ბერების სროვა,  
ადამიანზე დაგეშილი, ჯოჯოხეთის მრისხანე გმირი.  
ჩემი ზანგი მათ მოსპობას ველარ აუდის,  
ჩაწვავს ბარდებში – გემებიდან სხვები ღმუიან,  
მიაქვთ ოქრო და გვიტოვებენ მხოლოდ პირობებს,  
მიჰყავთ მონები, სულელებს ძიძგნიან:  
შემოიჭრება ჯადოსნური სამყარო და უდაბურდება.

კურთხეულო მაღალი მზის დიადი ძალით,  
დააბრმავე ეშმაკები, გამჭოლო სხივო!

უკანასკნელად, კიდევ ერთხელ ავიმართები  
ცეცხლთან ერთად. იწვიან და იბუგებიან  
წყალმცენარეთა ნაკადებში ჩემი კოშკები.  
ჩემი სული უკვე იცნობს მათ ბოროტებას,  
დავიმორჩილე უკვე ხორცი – მე ის დავსაჯე,  
გაზაფხულზე მარტოობა ვასწავლე ჩემს თავს.

მაგრამ დამალა ჩემივე სევდის  
ქოხმა, დამალა ნებისმიერმა  
კლდემ, ტყემ, მინდორმა, ყველაფერმა როგორ დამალა!  
და თქვენ, ქვეყნებო, მთელი თქვენი მდინარეებით,  
ქალაქებო, მდელოებო, მთის კიდეებო,  
მოგესალმებით კიდევ ერთხელ – უკანასკნელად!  
საცოდავო ჩემო თავო, საით მიდინარ?  
ვიდრე ბებერი, ბრმა და სნეული,  
ჯონხს დაყრდნობილი, მივლასლასებ, შენ შემეწიე,  
წყალქვეშა გზები მომაგებე შენი ზღვების,  
მარადისობავ!”

ბერნალ დიასმა,  
კასტილიელმა რაინდმა, შუბლში  
დაინახა ტყვია და მოკვდა.

## გმორბ თრაკლი

ხე მიისწრაფის მაღლა და მაღლა,  
ზარი **საღამო** ინთქმება ხეში,  
აღწევს ფესვების მოლურჯო ჩრდილში  
და სულს სიმღერით ეხმიანება.

ცეცხლი თანდათან ბნელდება შენში.  
სხეული ელის ნათელ მგზავრობას  
და, მოქვითინე, ირწევა წყალზე,  
სიცოცხლის მკვდარი სამშობლოს იქით.

და შენ, ახალი ზიარებით წამონთებული,  
მსუბუქად მიფრენ ჩუმი ცეკვისკენ,  
და ქვემოთ რჩება ყველაფერი, ნებისმიერი  
“სად” და “რატომ” და “როგორ” და “როდის”.

## დედა

გრძელთა ღამე.

შენ ხარ ჩემი საშობაო თეთრი ნაძვის ხე,  
უცოდველი ვარსკვლავებით გაბრწყინებული;  
მშვიდად ციმციმებ, თოვლი მოდის, დროის სიზმარში  
ზამთარია, ისევ ზამთარი.

შენ ერთადერთი სამშობლო ხარ!

ჩემი ქალი ხარ:

ღმერთიდან და სამოთხიდან –

შუასივრცის გადამსერი –

ემმაკამდე, ჯოჯოხეთამდე, –

შენ ხარ ჩემი ადამიანი.

უკეთეს დროში ეშვება თესლი;

წმინდაა და ნეტარია მსხვერპლის სხეული:

გაიპობა გოგონას ტანი,

ჭრილობიდან გამოვა დედა.

ღიაღია ყოველი გობი,

ყველა აკვანში სძინავს მესიას

და, მძინარე, ბრწყინავს,

ანათებს.

## ღამის ღოცვა

უფალო ჩემო, შენს წინაშე მე ვარ პროკავი.  
ირველივე ყოველი იფურჩქნება, მე ასე ვრჩები.  
უძღურებასა შინა უძღურმა  
როგორ დავძლიო სიზმარი ჩემი.  
ერთხელ მამდერა ნეტარების საგალობელი  
და მერე თუნდაც მომელოდეს სამარე ბნელი.

ვენდათა დარნი, ავის მხარშავნი, თმათა შრიალით,  
გავათა ქნევით მიმოდიან დედაკაცები.  
ო, დედამიწის სამარცხვინო მოდგმა წყეული!  
თავის მუცელზე ფიქრობს მათგან თითოეული  
ან სარკით ხარობს.  
ო, როგორ მინდა, ჩავიწიხლო  
ეგ სახე, ქალო,  
მახვილით ჩაგწვდე  
მედიდური კისრის ბოლომდე!

# ქახილი

## ი. ზ.-ს

შენ უმანკო ხარ იმგვარი,  
ჯერ სულიც არ გაგაჩნია.  
სულიც კი არ გაგაჩნია,  
შენ უმანკო ხარ იმგვარი.

არ შეფაკლულა შენი დღე  
ჯერ, ვერცხლისფერო აისო,  
გამჭვირვალეც და ფხიზელო,  
წყალო ცივო და ცინცხალო,  
ზღვის - მოცეკვავის - შრიალში  
ოქროსფრად მონარნარეო,  
ყინულოვანო ასულო,  
შენ, შამპანურის ქაფიდან  
შობოლი აფროდიტესი.

ვით სამეჯლისო დარბაზი  
ხალხით, ზეზეულ მთვლემართ,  
სავსეა მთელი მაგიდა  
რაინულ ღვინო-არყებით.  
დაე, დაძველდნენ ისინი!  
ამ ზღვაში წვეთიც მეყოფა -  
წყალი ნაკურთხი, შესმული  
მაგ შენი მკერდის თასიდან,  
რარიგად დავითვრებოდი!

ნეტავი, მერცხლად მაქცია  
და შენი მუხლის ფოსოში

მაჭიკჭიკა და მამლერა  
მე უაშესი ჰანგები!  
გიცქერ და მესალბუნები.  
ნეტავ, მე დამავარცხნინა  
ეგ თმები სანეტარონი!  
ეგ შენი ორი პოლუსი,  
დღემდე აღმოუჩენელი -  
სამყაროს დასაბამია.

მიბოძე მკერდი! იცოდე,  
ჩველი როდი ვარ, მწაღია  
მე მთელი შენი სინაზე.  
მოწყალე და საყვარელი  
უფალი-ღმერთი მკვდარია.  
რა დაგვრჩენია, ვიწამოთ  
ჩვენ ღმერთი სიყვარულისა.



vercxlis qorwili

დაუნანებლად მყვარობს ჩემი ხელისმომკიდე,  
მომაწოვინე, ნუ მეურჩები.  
ჩემი კერტების ერთგულება შემოგრჩა კიდევ?  
ჰა, კორძი ჩემი!

## სურჰილი

ნინველებსა და ქალებს მხურვალეხს,  
ქალწულებსა და საროსკიპოებს, შიშს ბაცილათა  
და სარეცელში აღტყინებას, მერე – ერთობლივ აბაზანას  
მკლავმონხვეული უმღეროდა ზღვის შემოქცევა.  
ვუალერსებდი ბეწვს ბოცვერთა,  
თეთრსა და ფაფუკს. და მკვრივი იყო ქორფა ხორცი.  
ვიცი ჭაბუკი გენიოსის ჭეშმარიტება,  
ვიცი, ვით ცრუობს ბერი – ქალი კომედიანტი.  
ვგრძნობ გემოს მკერდის; ყურების, შარდის,  
გავის და ნდომის, ლალი სიმრერის,  
და ვიცნობ ჟინის საბოლოო ბრძოლის ყიჟინას.  
კვლავაც ვისუნთქავ ბოშა ქალის ოფლიან სურნელს  
და ნეტარებით მაგონდება  
ველური ქალის ბუნებრივი მოთხოვნილება  
და მელანდება შტაზი, ექსტაზი  
და საყვარელი ფისუნიები.  
არას ვინანებ სიკვდილისას, თუნდაც მახსოვდეს,  
რომ როზენასტონ არ ვწოლილვარ მე არასოდეს.  
თუმცა დღეს უკვე არაფერი აღარ მაღელვებს,  
არას დავეძებ,  
თუ ეს ლექსიც არ დამთავრდება.  
ერთს ვიტყვი მხოლოდ:  
ადამიანებს ერთმანეთი ეგემრიელათ  
და გემოვნებას ვინ დაუდგეს, აბა, თავდებად.

## SekiTxva

თქვენო უდიდებულესობავ, მთვარევ დიადო!  
ნება მიბოძეთ, შემოგკადროთ სავსე ღრუბელი:  
მოიერიშე უმამაცეს მებრძოლთა შორის  
უეცრად ნაღმი რომ იფეთქებს დამანგრეველი,  
ნუთუ არავის შეეწევით გადასარჩენად?

ო, სახიჩარი არმიები, მიმოფლეთილი,  
და იმათ თავზე გაწოლილი ტყე უდარდელად!  
დაე, ჯარებმა ერთმანეთი გააცამტვერონ,  
უკვე ირყევა ტყე, სახმილში დაწვის წადილით.

უმწუხროდ დგება შავი ღამე,  
აწ საუკუნო.

ო, საყუდელნო, თქვენ, ქცეულნო უკვე ტაძრებად  
და შენ – შორეთო ჯერ უშობი განთიადისა –  
- ადამიანის განკაცების - ,  
თქვენ გეკითხებით: ამ სისხლისფერ ღრუბელთა თავზე  
ნანატრი ლურჯი ყვავილობა როსლა დადგება?

## საყდარი მინდვრად

მთას მობეზრდა ქარიშხალი; ფუგების ქარი  
დანგრეულ სახლში შემოიჭრა, ბალახებში დიდხანს ნაფრენი.  
შიშველ საყდარს საკუთარი აშინებს ზარი,  
რომელსაც სცვივა დღე, საღამო, და ყველაფერი.

რა უნდა ვიგრძნო,  
ყველაფერი შედის ღამეში,  
აღარსად მოჩანს პირველქმნილი სინათლის სხივი.  
თოვლის კედელი ჩამოინგრა, ზვავად დაეშვა,  
ქარი კი არა, სიკვდილი კივის.

მგზავრს მერყევ ქვებზე უსხლტება ფეხი.  
მისი ყელისკენ იხრებიან მახრჩობელა, ხმელი ტოტები.  
თავისქალაზე ფუთფუთებენ ბუზები ნესვის.  
ვაზიდან ისმის ხმა სიკვდილის, მისი გოდების.

## RmerTis sikvdili

ზღურბლი – სურომ, ხოლო თოვლმა – სუროც და ზღურბლიც  
გადაფარა. მოვარვარე ლითონის ღრუბლით  
დაიფარება თქვენი ნორჩი სიცოცხლეს. უფლის

ხმა არ გეგონოთ ეს გუგუნი, რომელსაც ერთვის  
გამარჯვების დამღუპველი ზარების მკვეთრი  
ხმა, რომელიც დაგაყრუებთ, რომელმაც ღმერთი

მოგტაცათ. ეს ღრო რკინის ღროა, და სწორედ რკინამ  
შეცვალა ღმერთი, დაძიბენილი, ნატანჯვი, ვინაც,  
რკინის მატლებით გამოლრღნილი, ჯერ კიდევ გმინავს,

რკინის რელსებზე მიგდებული. რჩება გოგონა –  
ბოლო იმედი, მაგრამ მისკენ უკვე მოგორავს  
რკინის ქვეშეხი: ის მას გასრესს, არც მის მომგონად

არვის დატოვებს. ღმერთი კვნესოდა,  
დიდხანს კვნესოდა: “კკვლები, მიშველეთ!”  
მაგრამ მისი ხმა არვის ესმოდა, მისი ძახილი ვერ გაიგონეს.  
ახლა კი ვღია, მკვდარი, შიშველი  
და ჩვენ ვკითხულობთ ომის ამბებს: შავბნელ სტრიქონებს.

და ყოველი ხე, ნებისმიერ კუნძულზე მდგარი,  
მიხვდება, რასაც გულისხმობდა მტირალი ქარი:  
მამა, სამყაროს ძველი მამა, მკვდარია, მკვდარი!

## ქალაგება

ტყე ვერ დაიმსახურეთ  
მრავალკენწეროვანი,  
ვერც შორეულ მწვერვალთა მკრთალი გამოდარება.  
მიწყვივ თავდადრეკილნი ყველა ქარის წინაშე,  
ყვივით, ვით თოლიები, ძელზე შემომსხდარები.  
რა ღირსი ხართ, იცეკვოთ ველზე ცეკვა ველური,  
ნახოთ მთა დაფარული, გქონდეთ თვალთა ნათელი.  
მიწყვივ მორკინალები ჯოჯოხეთის გზათათვის,  
უფალს ნუ შეავედრებთ შემოქცევას ვაების,  
თორემ გამძვინვარდება მიწისქვეშა ვულკანი,  
დაინთქმება ლავის ქვეშ კაცი ხელკეტიანი,  
მოვა სისხლის ღრუბელი, ჩანთქავს მქუხარ საყვირებს.  
ქვეყნები ჩირქმდინარი: ტორფიანი ჭაობი –  
დრო დამდგარა, იხრწნება გველეშაბთა გვამები!

## ხორცი

ღამემ დაბურა ჩემი ტვინი, დაობებული  
ძილი – ქვადქმნილი – მინგრევს სახეს და  
გარდაცვლილი მეგობარი, მივიწყებული,  
ძილისძილში მესაუბრება:

“ღაუმარხავო, ნუთუ ხმაზე ველარ მიცანი?  
მე დამარხული მეწოდება,  
ადამიანი.

ვარ კაცთა მიერ მიწისპირის ახლოს დაფლული,  
ეს შენ დამფალი.

ყეფენ, მყნოსავენ მე ძაღლები გარსმობვეული,  
გამართეს ბანქო ამ გერმანულად გონმახვილი ყელისა გამო.  
საქმე ხორცია! ვიდრე ძვლისძვლამდე დამიყვანენ,  
მე, მეგობარი ძველისძველი, სახელად მაქსი,  
სიზმარში მოვალ  
და შენც გარგუნებ მცირე ნაწილს, რათა მიგემო.”

## გამარჯვება

გადირბინა ტყეთა ნიაგმა,  
წყალქვეშა ნავის გზას გაჰყვა შარად,  
წამილო ნავთან და გედთან ერთად,  
ბავშვად მაქცია და გამახარა.

ომზე ზმანება მიუკარები,  
ირწევა სული ტალღების ქიმზე,  
შემოიკრიბე ზღვის დუმფარები,  
ლერწმის ფოთოლთა მაგიერ გიმზერ...

გადაიფრინე, ნუ იგვიანებ,  
როგორც ჭრიჭინამ ჭალა მზიანი,  
მცდარია: გერქვას ადამიანი!  
გასწი, ჭრიჭინავ, ლალად იფრინე!



## საშველად ხმოვა

ბაგე, რომელსაც მალე მიწა ეამბორება,  
ხომ ვერ ილოცებს დაუსრულებლად,  
ვერ ააკენესებს ანგელოზი რკინისფრთიანი  
ძველისძველ საყვირს –  
მოგრუნუნე ხმების სალაროს...  
სად იმალება რკინისჯავშანშემოსილი  
მღუმარე ძალა,  
ჯუჯა მეომრებს მუსრს რომ ავლებს  
და აღიადებს თავის მდაბალ ამპარტაუნებას?..  
მოწამლულია შხამიანი გაზით ნისლები,  
სისხლის ჭაობში იძირება  
მთელი სამყარო  
და ყაშყაშებენ ლეშის ახლოს  
ხარბი სვაეები  
და ფრთებით დააქვთ  
ცოცხალთა ზიზღი.

## სიკვდილს

ჟანგიან ცელით ფუჭად მოხველ დედამიწაზე,  
შავი ჭირის ბებერო მაცნევ,  
წავიდა შენი ზეობის ჟამი,  
გაძვალტყავებულ ჯაგლაგით რომ დაჯირითობდი,  
შენ ძველი ნამგლით ამ მიწაზე  
ვერ მოიბკი უკვე მოსავალს,  
იყავ მთიბავი საპატო ლეგიონების –  
წყალქვეშა ნავთა,  
ტანკების და ღრედნოუთების  
და ვერაფერი ერეოდა შენს ძლიერებას  
და შენი იყო გამარჯვება მარადიული.  
მაგრამ დღეს უკვე  
გყავს მეტოქე უძლიერესი:  
ხელყუმბარებით, რაკეტებით, ტყვიამფრქვევებით  
უტევს სამყაროს გველეშაბი ცეცხლისმფრქვეველი.  
აირწინაღით ემალება მოწამლულ სივრცეს,  
ნიღაბს იფარებს უხორცო და მიუკარები,  
ის სატანაა – გენერალი წმინდა მესიის,  
მკვდრების მკვლელია  
და აღარ მსურს უკვე სიცოცხლე,  
მოდ, ქოფაკო, და მიიღე შენი არჩივი!

## უპლ ურება

სიტყვის შავ ბურუსში მთვლემარე სამყარო –  
ფერმიხდილი სუროს ფონზე  
ემმათა სისხლის საწებელში მოფართხალე ყვავი და ზარნაშო.

გარეთ კი სულს ღაფავს მკბენარებით ტანდაკენილი  
მტარვალი, - ქვეყნის მძარცველი ომი, ძვალში და რბილში  
სიკვდილივით ჩაბუდებული, რკინის მუშტის წინაშე კი  
საცოდავად შეშინებული.

ჩვენს მეგობრებს, მწვანე მდელოზე,  
ჭრიჭინობელას სიმღერებმა დაუგო მახე,  
სადაც ტყვიების თავსხმა წვიმის  
ბოლო წვეთებს აშხეფებდა კაციჭამია...  
ჩვენ ცრუ მსაჯულებმა და  
აუჩქარებელმა შურისმაძიებლებმა  
დავივიწყეთ თოვლით გაბრწყინებული  
ცისფერი მთების მწვერვალების  
დანაღმული საშიში გული.  
ავხორცი სიზანტით უგონოდ მთვრალეებმა  
გადავიარეთ საღამოს ტკივილით მოცახცახე ტბა,  
რომელსაც ჩვენი მეგობრების დაღვრილი სისხლი აფერადებდა.  
ჩვენ დავბრუნდებით ჩვენს მშობლიურ სიბინძურეში,  
მაშინ, როდესაც ქვის ხერხემალს გალოკავს წყალი,  
ვერ ველირსებით სინათლის წვიმას,  
რადგან ვიხრწნებით ლოგინების თბილ სამარეში...  
ვიდრე იერიშს მივიტანდეთ მტრის ციხე-კოშკზე,  
და გადავუმსხვრევთ ხერხემალს მტარვალს –  
გაგვუუჟავს ღამე.

## მომავლავი მხროვა

მზე ზეიმობდა: საკუთარი თავი დაბადა,  
მთვარეს აჰყარეს ამ ყველაფრით თითქოს ღირსება,  
ვარსკვლავთა ვერცხლის ბურბუშელის ჩუმი წკრიალი  
ღრუბლებს ავსებდა.

კვალად კი ოთხი ქარბორბალას უკაცური ლაბირინთების  
უსახო ჩრდილი დაჰქროდა წყლებზე და ირწეოდა.  
რატომ და რისთვის? კითხვა ჩნდებოდა.

ვინც ამოზიდა შიშის ქვები ველურ ნადირთან საკუთარ მხრებით,  
ის იყო ქვეყნად პირველი კაცი,  
ვიდრე სიკვდილმა თავისი ხელი გაუწოდა და თვალები  
ამოუსრუტა.

ჰო, და სულელი მეფეების ყოფილა მიწა  
მათაც შემოჰკრეს რისხვით დაფდაფებს,  
მსხვერპლად შეწირულთ დაავიწყდათ საკუთარი კეთილი ღმერთი,  
გაკადნიერდნენ, შეუჭამეს თავის ღმერთს კვერთხი.

და აყეფდნენ მეომრები, როგორც ძაღლები.

“გავსრეს ყველაფერს!“, გაისმა სამჯერ ხმა შემზარავი,  
ეს გაჰკიოდა მძიმე სენით შეპყრობილი ახალშობილი,  
მათზე შეფენილ უღრან ტყეში თითქოს ღვთისაგან მიტოვებული,  
პირქუშ თელების ხანძრისაგან შეჩვენებული და განწირული.  
მრისხანე შუბლი – თავდახრილი და მღუმარე,  
როგორც ცხედარი, შემოსილია სახელოვანი  
ბერძნული ღმერთის გმირულ ჩაჩქანით და  
მას მკვლელობა ჰქვია სახელად.

შავი შაშვების ჩრდილი გაფრინდა,

მელოდიის მაქმანებით შემოსალტული,  
ეს ტბილი ხმაა, შავი ჩიტის მუსიკაა ნისლგარეული,  
მე თქვენ მოგმართავთ: უკიდევანო და უნაპირო  
დროების მკაცრო სიმაღლეებო: შენობებო და გორაკებო,  
ბულბულის ხმით მოჟღერტულენო,  
ვერცხლისფერი ქალაქის წიაღს ჩაბუდებულო მწუხრის ჰანგებო.

შიშნარევი ძილბურანიდან კვლავ გამომარკვევს  
ტანჯვით გაღებულ ფანჯრებიდან  
ფლუიდივით მომდინარე ქალების ნატვრა:  
უკვე აღარ ჩანს ის გოგონა, ტოროლასავით მოჭიკჭიკე,  
შენს სარეცელზე, მეომარო, გმირო ჭაბუკო, და მებრალები.  
მარადიულად ჰყვავის ქვეყანა, მაგრამ კვლავაც მეორდება  
მკვლევლობის სცენა: აბელი – კაენს,  
გოლიათი – დავითს,  
ნესტორი – მემნონს,  
ქრისტე – იუდას,  
თითოეულს კი მკვლელი ჰქვია ადამიანის.

მარადიულად ლალი სიცოცხლე – ეს არის წყალი მოლივლივე,  
ბედნიერების განცდას ბადებს მისი ტალღების ოაზისში  
განავარდება.  
მრავალი მსხვერპლად შეეწირა წლობით შიმშირებს,  
ეს მომხიბლავი მკვლელი ზღვებია,  
უცნობ წყალქვეშა ღმერთისადმი წარმოთქმულ ლოცვით,  
რისხვით, ღრიალით მოსულებს რომ ეგებებიან.

ეს ლოცვებია, ხმლებით დაჩეხილ, ცეცხლმოდებულ მხედრიონთა  
თავზე რომ ისმის,  
როგორც ჰიმნი გამარჯვებისა,  
არწივის მსგავსი, თვალშემართული მფრინავები

თავზე თამამად დასტრიალებენ გადაბუჯულ ქალაქებს, სოფლებს.  
ჩინგის ხანის წითელი დროშის  
ფერადოვან სისასტიკეს, ამოებას.  
თქვენ სინათლის სხივით თამაშობთ, მას ისე ისვრით, როგორც  
ცა – ელვას,

რისთვის გჭირდებათ საპასუხო ცეცხლი-პაროლი,  
სიგნალი თუ კითხვის ნიშანი?  
ვის სწირავთ მსხვერპლად საკუთარ თავს,  
ჭექა-ქუხილი ვის აძლევს სიგნალს,  
ხელებს ვინ ითბობს კაცობრიობის განადგურებით?!

საფლავებიდან თუ ქვესკნელიდან,  
სანგრებიდან წამოსული ყრუ არსებები  
ზეცას ღალადით შესთხოვენ შველას,  
ტყვიებზე ზევით ადის მათი ხმა, იმოსება ნაცრისფერ-ლურჯად,  
ბრმად შეერევა ქინქლების გუნდებს.

მიწავ, ბნელეთის მბრძანებლო, ო, შენს სხეულზე  
მიცვალებულნი გვამთა მტვერით იმოსებიან,  
შენში დაგუბდა ყველა სიმწარე ამქვეყნიური,  
სიკვდილის ცაო, რა მძიმე ხარ და კეთროვანი,  
შენ შემოგბდავი მე საბრალო, როგორც ტყიური:

“მქუხარ ზარბაზნებს, მიწის ღმერთო, ვერ გაექცევი,  
საკუთარ წვერში ვერასოდეს დაემალები,  
რა პასუხს გასცემ ბინძურ წყლებით,  
ტურების ლეშით დაწყლულებულ ადამიანებს.  
ქარიშხალში ელვარებენ ქარბორბალას გველის თვალები.

უცხო ღრუბელი, ალბათ, მალე ახალ მთვარეს შობს,  
და ნელ-ნელა აგავსებს შხამით.

შენ არ ხარ ღმერთი,  
რადგან მატლებით, ჭაღარა თმით ხარ შემოსილი,  
მკერდების ლეწვით მიმოდიხარ –  
შენ ხარ სიკვდილი.

წმინდა ვარსკვლავთა ზღვების გუშაგნი  
კარგა ხანია არ არსებობენ,  
მათგან დღეს უკვე ფერფლილა დარჩა,  
ისინი ხომ დარდმა და სევდამ გაანადგურა.  
მზე სირცხვილისგან იწვის, ხოლო შენ?  
შენ რაღას გვეტყვი?!”

## სმა ბარბაროვას თავში

მზეო, მნათობო, შენ სიშიშველეს სიმწვანით მოსავ,  
ჯეჯილის კაბას აცმევ გარემოს.  
გახარებული ბელურები ნათელი სულით კენკავენ მარცვლებს,  
ლუზას ჩაუშვებ ადამიანში, ყველას თანაბრად მოეფინები.  
ხოლო ჩრდილების მომფენი ჯუჯა სიბნელეში ცდილობს არიოს  
შენი ცხოვრების დღიური თესლი.

მას, ვინც ზვალინდელ სიბნელეთა სრულყოფილებას  
პირველქმნილი ნისლი შთაბერა,  
მზის ბურთად შეკრა ნაკადი ცეცხლის,  
და იქვე თანავარსკვლავედთა შექმნა ტანდემი,  
მას არაფრად მიაჩნია თავის ცელქობა.  
არად აგდებდა მუცელმერთა კაცს,  
მტვრის ტილს და ველურს,  
ვინც ტრამალში თუ ზღვის ნაპირზე  
ხორცს საკუთარ ხელით დაფლეთს და,  
კლანჭმომართული, ღრიალით ეძებს გამოქვაბულში  
სიკვდილისთვის გამეტებულ თავის თანასწორს.

მზის შუქით მოვარაყებულო სალამოებო,  
გეზმიანები, ოქროს დაისო! სად არის ხიდი მდინარეზე?  
უძილო ღამის ნისლი ფარავს ნაცრისფერ ქუჩას,  
მომძლავრდნენ ისევ ნიაღვრები  
და გადარეცხეს მეჩჩები ლიანდაგებით.  
სისხლის წვიმები უკვე ზღვად იქცნენ  
და ჩვენც ვფართხალებთ ძილის ჭაობში  
და შეუპოვრად დავეძებთ ნაპირს.



უკანასკნელი ბრძოლის ჟამი როდის დადგება?  
ბარბაროპის და ევრაზიის გამაყრუებელ  
მკვლევლობის ღამის დასასრულით?  
თქვენ საკუთარი ჭებიდან თვრებით,

ქანცგამოცლილი ეშვებით დაბლა –  
სასმელში რომ დაიხრჩოთ თავი.  
სისხლის ნიაღვრებს ახალისებენ  
შავი გედები ფრთების ტყლაშუნით.  
ცას შეჰღალადებს ბინძური წყალი,  
პირდაღებული ქვიშა გიმზერს  
ამოსუნთქვის ბოლო აკორდით.  
ტირილი დედა-სამშობლოზე  
მხოლოდ ტკივილს შობს:  
ძვლებამოშვერილ მინდვრებს ბრძოლისას,  
ეს ნიშანია, ანუ –  
ბრძოლის გამოცხადება.

სამშობლოსათვის ბიბინებს მიწა,  
მწვანე მინდორი –  
ხავერდის ფარდა;  
იქ, ხმაურიან დარბაზებში, ნადიმობისას  
თავს იწონებს მეფე ტანჯვისა.

ლეშს ლეში ჰქვია ყველგან სახელად.  
დემონს, რომელიც მშვიდობაზე ურცხვად გაჰკივის,  
ომის გვირგვინით მოურთავს თავი. მოდით, მოფრინდით, არწივებო,  
ჩაასვით თქვენი ბასრი ბრჭყალი მის პირქუშ სხეულს!

## მოკლულ ქმას

ჰოი, ყმაწვილო, არაფერი გინახავს ვისაც!  
შორს ჩანდა ფრონტი,  
ახლოს მხოლოდ ექიმი იყო.

იმ შეხუთული შენობების სივიწროვიდან  
მასწავლებელთა ხუმტურები გიბრუნდებოდა,  
თავს ისიზმრებდი გმირად მთევარს საგუშაგოში,  
ომის მაცდურ და დაუნდობელ აბლაბუდაზე  
ფრთებშერჩენილო, მოფრთხიალე სუსტო ფარვანავ!  
ჩამოიფერთხა მტრედისფერმა ცამ ვარსკვლავები,  
შენს ფეხსაცმელს კი ექსკურსიის მტვერი შემორჩა.  
შენ დამშეული მუშაობდი, იწყებდი ხველას  
და მტვრით მოსვრილი იჩქაროდი ქუჩის ბოლოსკენ,  
სადაც სევდიან და უსასო სადამოისას  
გიწილადებდნენ ჯარისკაცთა სარგო შაფართხელს.

შემდეგ მოჯარდნენ ტკივილები,  
არ წუწუნებდი,  
მეგობრებისთვის არ გეწადა ტანჯვის გამხელა.  
იმ საშინელ დროს არაერთი გახლდათ მსურველი,  
დანიან მკლავს რომ სთავაზობდა  
ჯანმრთელ ბრმანაწლავს.

შენ ცნობამიხდილს,  
სასიკვდილო სნებით დასერილს,  
სიმულანტობას გაბრალდებდნენ ველის მკურნალნი.  
და ბოლოს, უკვე სასიკვდილო ჟამის მოსვლისას,  
როცა დღეები საავადო ჩირქივით დიან,

დანა მიუსჯის ყასაბ-ექიმს მკვლელის ხელობას.  
შენ ამ ჯოჯოხეთს ცრემლდაცლილი უცქერდი, ბალო,  
ვენის სამხედრო ჰოსპიტალში სიხლამდინარეს  
სხვათა სიკვდილის თვალდევნება გერგო სასჯელად.  
კეთილ მომვლელ ქალს შენ აჩუქე ანდერსენის ზღაპრების წიგნი,  
ხოლო ერცპრინცებს შენს ასაკში თავში უქრით და  
მაგიდის ჩოგბურთს ეძლევიან ყოველცისმარე.  
ომი? ომი ხომ ბრწყინვალეა! ფეოდალთა ბუტაფორია!  
შენი წილი კი ინექცია და ფუტკარაა,  
ქაფური, დოზა კოფეინის, სუფრის მარილი.

საშინელ ტკივილს ახლავს ურჩი სიცხის მატება  
და მონატრება მშობლიურ სახლის.  
შეიღო უკვე ის ჭიშკარიც უკანასკნელი.  
ო, რა ამოდ გადაწყვიტე გესვა ბევრი რძე,  
და წაგერთმია ეგ სიცოცხლე სიკდილისათვის...  
არადა, თურმე,  
იმ დახოცილ ჯოგთა შორის  
ეგ უღვოდათ შენი ალაგი.

„ნუთუ, არა გსურს რძისფერ ნისლის შესმა, უფალო?!  
- მე, შეშლილთა მწე, ჩურჩულს ვანდობ ღმერთს, შემძლეს ყოვლის.  
- შეხედე, ცაზე მრავალია რიცხვი ვარსკვლავის,  
საწყალობლად რომ ღალადებენ ქვეყნის საჩივრებს.  
ბოლოს და ბოლოს, დაამშვიდე შენი შვილები,  
შესაქმისეულ ახირებებს შეეშვი ახლა  
და შეუდექი უკანასკნელ შემოვლას, ღმერთო.

მზის ღამედ მქცევო,  
მასპინძელო ციურ ტატნობის,  
კაცო, მთვარეში მოვლენილო, გადათელე ვარსკვლავნი ფეხით!

გამოაცალე უდრტვინველი ჟამი დიდების,  
ომის ვაება და სიკვდილი წაჰგვარე მალე.  
ჩემს ძმას ხომ მხოლოდ ზღაპრის წიგნი ჰქონდა, უფალო,  
და – ჯარისკაცთა სასიკვდილო ცოტა სახვევი.  
ყმაწვილს ჯერაც ხომ არაფერი ენახა ქვეყნად,  
შორს ჩანდა ფრონტი,  
შენ იყავი ძალიან ახლოს!”

## didi qalaqi

საითკენ უნდა აღვიმართო?

როგორ გავექცე ამ ქალაქის უშქარ შენობას,  
ჩვენ ვცოცხლობთ მხოლოდ და ცხოვრებას ვეძახით ამას,  
ჩვენ არ დავდივართ, ჩვენ, უბრალოდ, ასე ვბერდებით...

კივის ქალაქი, იტოტება უამრავ ქუჩად,  
ყრუს დაანარცხებს პლაკატების ავი გინება,  
შუქრეკლამები იქცევიან საპნის ბუშტებად  
და სადღაც, შორი ვარსკვლავისკენ, მიიჩქარიან...

ემშვიდობება ბერიკაცი განავალს ნაზად,  
ვით უკანასკნელ პირმშოს თავისას.  
ახალშობილი კი სხვა თვალთ უცქერს სამყაროს,  
სხვა სიმკაცრეა მის მზერაში  
და მის სალამში.  
„შე ქაქო!“ –  
ამას შესძახებს და უმაღვე კვდება.

## მელანქოლია

უკაცურია ჩემი ქუჩები,  
ვერ უსაღბუნებს მათგან ერთიც ჩემს მტანჯველ სევდას...  
ჩემი სიმღერა ბინდისფრად ითქმის,  
ხრწნას შეუპყრია ჩემი გული მიტოვებული.

აღარ მიველტვი სოფლებსა და ქალაქებს უკვე,  
არც – სიველურე სამსრეთის ტევრთა,  
აღარ მინდება ზღვისპირ წასვლა და ხეტიალი,  
არც – მთა, მთვლემარე მწუხრის ნაცნობ  
ვარსკვლავთა ჩრდილქვეშ.

მე უკვე მოგკვდი მრავალი წლის წინ,  
გვამი კი მძიმე, ცარიელი, ეს ჩემი გვამი, ჯერ ცოცხალია.

## გამოთხოვნა

ეს ჰაერია, ყოფის სუნთქვად რომელიც მყოფნის,  
ცეცხლი, რომელიც გამოძახობს და ფერფლად მაქცევს,  
წყალი, რომლითაც მე ვრწყულდები,  
მიწა, რომელიც დარწყულდება ოდესმე ჩემით,  
ის ცხოველები, მომელტვოდნენ რომლებიც ადრე,  
კაცნი, რომელთაც მიმატოვეს, დამამარტოვეს...  
მოლულუნე ქალთა სიცილი  
ანდა კივილი შეძრწუნებულ მშობიარეთა...  
სისხლი, რომელიც ბორგავს ჩემში,  
სული, რომელიც ჩემში ქვითინებს,  
და ქარიშხალი, ჩემს გარშემო რომელიც ბორგავს,  
მწუხრი, სიჩუმედ ჩამოდგება ჩემში რომელიც,  
გონი,  
რომელიც აგემოვნებს ყოველგვარ ენას,  
დადუმება ყველა ენისა,  
მზე, წითელი გზის შემოვლისას,  
მთვარიანში ვარსკვლავთა კრთომა,  
ბალახების მწვანე სიცოცხლე;  
ეს თქვენ მგვრით ცრემლებს –  
კეთილ სავალს გისურვებთ ყველას,  
თუმცა, მე არვინ შემეწევა ჩემს ობოლ გზაზე,  
არც შინ ვბრუნდები, იქ ბრბოს ავი მომელის ღელვა,  
საწყისის მიზეზს ვერ დავარქმევ ზვიად სინათლეს  
და ის არც ბოლო დაბინდების მიზეზი არის,  
ეს სიზმარია, ჩაეძინა რომელსაც უკვე,  
ჩრდილი უჩუმრად დაფარფატებს უსიერ ტვერში  
და დღე ზვალისა დღევანდელ დღის სამარედ სუნთქავს,  
კვდება იმედი, დამღუპველი არის ცხოვრება!  
ცოცხლობს სიკვდილი არსთა მარად მოსაკვდინებლად.

## მეგობრეთა სიმღერა

### ერნსტ როვოლტს

შეხე, ვარდება ის იუნგა ანძიდან წყალში.  
გემი კი მიდის, გემი ისევ ისე მშვიდია,  
და კაპიტანი – ეს ბებური სელაპი ზღვათა –  
მიაპობს ტალღებს უმფოთველი მოხუცის სახით.

დიდი სახელი გაგვეარდნია ამ წყეულ ზღვებზე,  
მაგრამ მეგობრებს ამ ცარიელ სახელზე მეტად რომი გვიტაცებს.  
სიმთვრალე და გემის რყევა ერთნაირად გვემზურვალება.  
ვინც ვერ აიტანს, ვერ დაითმენს ცხოვრებას ამგვარს,  
შუა ზღვაში პირის საქმებაა იმათი წესი.

თუ მტრის ხომალდის ზარბაზანი ჩვენს ქვემებს მეტობს,  
დღეს უსათუოდ დაგვახლიან ცეცხლოვან ტყვიას.

საროსკიპოში გამოვკრიყავს  
ხვალ ავი ტალღა,  
ნისლში ვიცურებთ  
და – დუქნების თამბაქოს ბოლში.  
თუ ჩვენი დანა გაიხსნება –  
დამშვიდდება ზღვასავით ზოგი.

და ჩვენი სისხლი დუღილს იწყებს სანაპიროსთან,  
სადაც მეძაგებს არ ეძებენ ღამეში სანთლით.  
ჩვენს განძს ღრმად სძინავს საიმედო მიწის საბნის ქვეშ,  
რადგან ბევრია ბენტერა და ძილისმოყვარე



უძირო ზღვისპირ მიმოფენილ ნავსადგომებში.

რაში გვარგია ოქრო-ვერცხლი,  
მარგალიტები?

ვსვამთ არაყს,

არაყს გამოხდილს და გამოუხდელსაც,

ვთამაშობთ მერე, ვჩხუბობთ მერე,

და გიჟ-მაჟად საღამოვდება

თვალგაუწვდენელ, მშფოთვარე და ვერცხლისფერ ზღვაში.

თუ ამის მერე, წყალმცენარეთა ნაცნობ ეშმაკს ჩვენი დასჯა მოესურვება –  
შუალამისას, უძილო ზღვაში,

საკუთარი ჯოჯოხეთის ნატიფ სალონში

გაკუპრავენ და გაპუტავენ

იმ ეშმაკის საყვარელ ბებოს.

ჩვენ არ გვექნება, როგორც ვირთხებს, საფლავები სანაპიროზე,

ჩვენ ქარიშხალში მიგვაბამენ გამლილ აფრებზე

და „ჰობლა” მერე, მეგობრებო, კურთხეულ ზღვაში,

თუკი ზვიგენი არ გამოტყვრა და არ შეგვსანსლა,

მე მტკიცედ მჯერა, იქაც ასე ვიცოცხლებთ მკვდრები.

## საწყისი

ჩვენი სიცოცხლის წინაშე სცოდა  
ვეება მზემ – ამ უგნურმა საწყისმა ნულმა.  
უკეთურების ნიშანი იყო  
მისი შორი და წითელი გრგვინვა,  
ყაყაჩოების მბზინვარე ტალღა,  
კაშკაშა ფრთები  
და სინათლის სასიკვდილო სამართებლები.  
ო, წინ გვისწრებენ საათები იმის მერე,  
რაც ბედისწერის ბრმა გუშავს გახრწნამ  
გამოსძალა ჩვენი „სიცოცხლე“.  
მას მერე, რაც რომ ფულის გუშავმა  
გამოიგონა ჯადოქარი – სახელად შრომა.

# ფელიქს ბრაუნი

## მკითხველი

ერთი მითხარი: არ გაკვირვებს, რომ შენ, რატომღაც, წუთისოფლიდან უცნობების წასვლა გაკვნესებს და, მარტოსული, რომ ოცნებობ ისეთ საგნებზე, რომელთა ყოფნა რახანია იქცა არყოფნად?

საიდუმლოა და არ იცი ავანჩავანი – რატომ დაჰყურებ სიტყვებს, როგორც რაღაც სურათებს და გამწვავებულ სიჩუმეში რად აყურადებ, თუ რას განიცდის, ანდა რაზე ფიქრობს მავანი.

კითხულობ, ფრაზის უკან მხოლოდ ფრაზა გეგულვის და, სავარძელში ღრმად ჩამჯდარი, კითხვის უწყვეტად, მკლავებს ტირილით ჩამოაყრდნობ სახელურზე და მომდევნო ფურცელს შლი ბავშვივით აღტაცებული.

და ბოლთის ცემა, მწუხრის მზეზე თვალის შევლებით, და სტრიქონების ჩამღერება ზარის რეკვისას; მიხვედრა, მათით რომ ირკვევა ძრო ცხოვრებისა, თუმც ქარში მაინც იპნევიან – გაურკვეველები.

# მარადისობა

## ექვნება ემილ ლუკას

ვარ დაქანცული ათასწლოვან სახით და გემით,  
უხსოვარ დროის დასაბამი მავლია ალყად.  
ჩემი ბედია: ზღვაზე ვიყო ყოველი ტალღა.  
ჩემი ბედია: ვიყო ყველა ფოთოლი ტყეში.

მე გაჩენიდან გაჩენამდე შემომაქვს მზე შინ  
და სხვის სუნთქვაში ვემალები არყოფნის ბალღამს,  
სიკვდილს კი გზების არევაში ბადალი არ ჰყავს  
და ყველაფერი აჰასფერობს მიწიურ წრეში.

ამ ცხოვრებაში ფესვგადგმული, ვილტვი ახლისკენ,  
აღსავსე ბნელი წინათგრძნობით და შუქს მადვრის მზე –  
ვარსებობ ასე მოლიველივე: არც აქ და არც იქ.

მანც შევიგრძნობ სულს და სხეულს და ვამბობ: მე ვარ.  
ვთრთი, რადგან თავი დამიკარგავს მრავალჯერ, მძლეკარს,  
მაგრამ ყოველთვის მიპოვნია ის თავის არსით.

## ზინაბანი ცხოვრება

ვინც დიდხანს დაჰყო ქვეყნად სულის შუშისებრ სახლში,  
მას აქვს უფლება, ახლებურად ყოველი ჭკრიტოს,  
ის შეუმოსავს ფერად ლანდთა სიცოცხლის ქიტონს,  
მისი სხეული ათინათობს სიბნელის დახშვით.

მზერას უშიშრად მიმოავლებს ქვასა თუ ნახშირს,  
როგორც ფუტკარი – ნამის ფიფქის მკოცნელი ზვითო,  
როს, მოსაძღვნელად თაფლიანი თასისა, თვითონ  
მინდვრის ველური სურნელების იზიდავს ნაყში.

ყუჩდება, როგორც მორჩენილი სნეული ყუჩობს.  
იკვლევს ბაღს, ხეებს, შეიმეცნოს უნდა ყოველი –  
შემგერძნობელს არა სიცოცხლისა, არამედ ხატის.

თავის თავს მწუხრის ვარსკვლავად რომ ხედავდეს – უჯობს:  
ასე იზარდა. ასე მყოფობს მიუწვდომელი,  
თუმც მშვენიერი მისი სხივი ღმერთამდე ადის.

## მე

“მე“, ამბობს სული, მაგრამ სახეს შეხედე მანამ.  
ასევე, საწყალ ქალს შეხედე, რომელმაც გმობა.  
იქ ჩაიძირე, სადაც სუფევს მშობლების ტკობა,  
მამრის ტკივილი, მღელრის ჟინი შენშივე წვანან...

საკუთარ სქესში ჩაიძირე, ასევე შენსავ  
შეფვარებაში, რომლის სისხლის ყოველი წვეთი  
მიწაში ყურბს – ან ცხოველის ძარღვებში შედის  
ან სულაც მოჩქევს ღმერთებიდან და ბზარებს კემსავს.

– უკან! რა სავსე ხდები ღამით! შუქს მთვარე გახვევს.  
მძიმედ ირხვეა თავი შენი და შენსავ სახეს  
ათასმაგს ხედავ იქ, ბალახში, ქარაფში, ხეში.

შენ კი გსურს იყო ერთადერთი და შიში გმუსრავს:  
ებლაუჭები საკუთარ ლემს, საკუთარ სულსაც, –  
კვლავ შენთან არის სიზმრად შენი სული და ლეში.

## იმედი

როგორც კი ნახავს ამოყვინთულს, იმედი მყისვე მას მიაშურებს და ჰგავს ვარსკვლავს, წრიულად მოძრავს, და – დაჩოქილი – ჩალუნულ თავს უწევს და მოძღვრავს, რომ ფლობა სუნთქვის ხელოვნების ჭირდება ისევ.

ასევე უხსნის იმასაც, რომ ნებივრად, ცისფერ შუქში, ადრიან დაეწაფა ცხოვრების ძროს და დატკბა იქ, მაგრამ ძალზე გვიან იგრძნო, რომ დროსთან წარმავალია ცხოვრება და შეერწყმის ნისლებს.

იმედმა რაც არ უნდა უთხრას, წმინდაა მისთვის: “გაზაფხულდამო, მოწყვეტეო ყვაველი მალე!” – ის ხელს გაიწვდის, იქ კი ფუყე ადგილი იცდის.

იმედი ამბობს: “სთველი არი და ნაყოფს მისწვდი!” და ძირს ვარდება, ზეციურ გზას წამიერ გალევს და, ბალახებში ჩავარდნილი, მილულავს თვალებს.



wminda eqo

სიყვარულის ბნელო ქნარო,  
სული ტკბილი ზმებით მოსე,

ის ყმაწვილი არსად არი —  
ვინ გაუღერებს საღამოზე?!

იქნებ — ბერი, ლანდის დარი!  
იქნებ — ქარი, რამდი-დარი!  
იქნებ — მთავარანგელოზი!

იქნებ — ღმერთი, ტკბილო ქნარო,  
შემოქმედი სამყაროსი!

## ასტროლოგია

იქნებ ძლიერმა სიყვარულმა გაუძღლოს ტკივილს  
და გადალახოს ვარსკვლავითი შუქით ფარულით,  
რაც ბედისწერას ქმნის თავისი პირველი სხივით.  
– ეჰ, რომელს ძალუძს განადიდოს მზე სიყვარულის!

ვერა, ის ლომის სიამაყეს ვერაფრით მოხრის,  
ლომისას, რასაც შესცივინებს თავად ვენერა.  
ასეთი სული მარტოოდენ მოთქმის და ოხვრის  
მახლობლად ანუ ტანჯულთ შორის მოისვენებდა.

მაგრამ როგორღა შეძლოს გულმა ამოდრავება,  
ირიბი მზერით სატურნი რომ ნაზად გარინდავს?!  
ვეჭვობ, გავლენა განიცადონ ამ ვარსკვლავებმა  
ჩვენი, ვისზედაც ბატონობენ დასაბამიდან.

რომ აღდგომოდა წინ განგების ძალას, იესო  
უფალს უნმობდა ზეთისხილის მთაზე ვარამით,  
რათა დაეხსნა მტრის ხელიდან ყოვლადძლიერს და  
ცისკრის ვარსკვლავით გასხივოსნდა ირგვლივ წკვარამი.

მაგრამ შენ მაინც გაგებედა გსურდა, ბრიყვულად,  
მეტოქეობა უძლეველი ვარსკვლავებისთვის,  
შენ, ვისი რწმენა ეჭვითაც კი შორს გარიყულა.  
შენ, ვისაც ქარი სუნთქვასაც და გზასაც შეგიცვლის.

გსურს, ღრიანკალმა არ გიკბინოს ყოფნის ბინადარს,  
ვერძს კი გაექცე და იმედით ფრთებსაც ისხამდე,  
ისინი მშვიდნი კი არიან, მაგრამ ვინა თქვა

ლომის სიმშვიდე, რაც უღმერთოდ არის მრისხანე!

სულების შემძვრელ ენერგიას ვერ იგრძნობ სამყოფს —  
მათ ბედისწერას უცვლელობა აქვსო მოსჯილი.  
თუმც ავდრებით და წყვდიადებით უფალი ამზობს  
იმ სულს, რომელსაც აღარ უნდა იყოს მორჩილი.

ვარსკვლავი მართავს ჩვენს სულსა და მისივე ბუნავს  
და უძლეველი მზეც გვმბრძანებლობს კუბოს კარამდის,  
რაც ზოდიაქოს ბორბლის მიწყივ მოქცევით ბრუნავს  
მარადიული ჯვრის გარშემო აწ და მარადის.

## ლოცვა

თუკი შენი ვარ, მაღალო ღმერთო:  
სული – შენს სულში, არსი – შენს არსში,  
დღემდე რად აღარ განმკურნე, მაშინ,  
მე, სნეული და უძლური ერთობ,  
ანდა ძლიერი რატომღა არ მშვი?!

ვიცი თუ არა გზა ხსნისა კარგად,  
აღარ მწყურია, რაც არის ამო –  
მაღლის მოხვეჭა არაფრის გამო,  
ოღონდ რაც შენკენ სწრაფვისთვის ვარგა,  
იმით სირცხვილი არასდროს ვჭამო!

შენ მონადირეს იმდენი ძალა  
მიეც, რომ შეელი არასდროს მოკლას  
და ნუკრი არსად დატოვოს ობლად.  
ვის როგორ სწამხარ, იმგვარად ძალუძს  
თავის თავისთვის სიამის მოგვრა.

## მუზის დამფვიდობება

ნუ ძრწი: ეს ნაძვი ხედ დარჩება და მოხვალ მასთან.  
ამ მიხაკს ზრდიდა, თესლთან ერთად, ფესვები თვისი,  
როგორც ესტუმრა დროს სიცოცხლე შენი თუ სხვისი  
და ჰაერითლა ხდება სივრცის გავსება, გაზრდა.

ვერ ძლებ უსიზმროდ? – ის ხომ ძილში გეძლევათ კაცთა?!  
ამ დედამიწას, არა ღამით, არამედ დღისით,  
ხან – კაცის, ხანაც ქალის თვალთ იხილავ მიწყვივ,  
ბავშვის თვალთ კი, არასოდეს – კავშირი გაწყდა.

ვისაც ვშორდები, იმას, დღემდე, ყოველი ნივთი  
უცრუებს იმედს. გულებს ვსტაცებ დარდსა და სწრაფვას,  
ენას კი – სიტყვებს, როგორც ჭალი, იტაცებს ძაბვას,

სიტყვას აქვს შუქი, როგორც პეპლის – ჰაერში – ტივტივს.  
და შეეცადე, როცა სიტყვის ყვავილებს პენტავ,  
სიღარიბემაც იგალობოს შენში ან შენთან!

# ჯალცბურბული სონეტები

## I

შობა რომ მოდის, ბავშვებს ჟინი მოუვლით უცებ,  
ეს მაშინ, როცა გარეთ თოვლის ეშვება ფარდა,  
შინ კი ღულუნებს ღუმელი და ოთახის კართან  
ლაძა სიმშვიდეს ჰვენს და თანაც სინათლეს უწევს

(მეც ვიყავ ბავშვი, მაგრამ მოვწყდი იმ დროის ფუძეს  
და მერე აღარ მსიზმრებია იერი ვარდთა,  
ძვირფას საგანთა და საყვარელ ცხოველთა – მართალ  
ადამიანთა სახეებად... და ამას ვუძლებ).

და როგორც ბავშვი ზამთრის ასეთ საღამოს წყნარად  
ჯდება თავისთვის და წერს ღმერთთან გასაგზავნ წერილს,  
რომ ჩამოწეროს საშობაო სურვილთა სია,

მეც, იმ ბავშვივით, სიყვარულო, კერაფრით ვფარავ  
სურვილს და მინდა გამოვეყო ტოლებს და მზერით  
გელოდო, ვიდრე საშობაო დღეები ვლიან.

## II

მე ამ ქალაქში, ობოლივით, მარტოკა დავალ.  
ო, უდარდლო ყრმობავ, ნუთუ, შენც უცხო გახდი?!  
ბეჭდით დაწყვედილ თვალს ვატარებ, რომელიც ნაღდი  
ჯადოა, რათა ვერ ველირსო სიხარულს კვლავაც.

ტკივილი ყუჩობს – ეს უძლური მშვიდობა თავად  
გერტყმება შუბლზე რკინის ქაძრად და ყველა ნაკვთი  
გეცვლება და ვინ უნდა მოგხსნას ტკივილის ლახტი,  
ტანთ ვინ გაგხადოს, დაღლილს, მიტკლის პერანგის ლავა?!

ვიღაცა ღმერთს რომ განარისხებს და ამით ხანგრძლივ  
უბედურებას დაიტეხავს და ისე დაძრწის  
მანამდე, ვიდრე შეიყვარებს ნეტარი ვიღაც –

ისე ვარ. მაგრამ სიყვარულის როგორი მაცნეც  
არ მსტუმრებოდა, ვიბურავდი მე თავს და გამქცევს  
ვგავდი, რადგანაც ვერ ვუძლებდი მას, როგორც ნიღაბს.

### III

ამდენს რად ვამბობთ სიყვარულზე, ანდა ტკივილზე?!  
შეხეთ სამყაროს, გამრავლებულ ტანჯვა-ვნებიანს...  
ნუთუ, უფალი არა გვწყალობს?! რა დღეებია?!  
ალბათ, ვარსკვლავნი გემართავენ და არც მზე გვივიწყებს...

და ზარალ-ნაკლით საით მივალთ დაშლილ ტივისებრ,  
როცა, როგორც კი გვშობენ ცისქვეშ, შუქ-ჩრდილებიან  
მცნებებით უცხო ღმერთები მყის დაგვაცხრებიან,  
თითქოსდა ტროას ასაღებად მათ წინ მივიწვეთ.

სიავეს, რაც კი მარსს და მერკურს, სატურნს, ურანოსს  
დაუთესიათ ჩვენთვის ქვეყნად, საძილ-ბურანოდ,  
მხოლოდ ღვთის გვიან მოვლენილ ძის მადლით გაუუძლებთ.

მაგრამ ვენერამ ვისაც ღამით სასიყვარულო

ამბორით სისხლი აუღულა, იმას ფარულად  
უხმობს კი დილა იმ აღდგომის დღესასწაულზე?!

#### IV

როგორი არი, როცა ფარდა, ორივე მხრიდან,  
მოიწვევს სცენის დასახურად, ნაკეცთა გაშლით,  
და ჯერ ხედავ და აჯილდოებ, გულწრფელი ტაშის  
დაკვრით, სახის და კენარ ტანის მშვენიებით, დიდად

მომხიბვლელ ქალწულს, ვისაც ეტრფი და ჟრჟოლა გიტანს  
იმაზეც, რომ ის, ოვაციის მქუხარე ხმაში,  
თავს მაყურებლის წინაშე ხრის, რადგანაც მაშინ  
ნაღვლიანია და ციმციმებს თვალების ცვრითა!

მაგრამ დარბაზი მხიარულობს და ლხენით სახე  
შენც გინათდება მათებრ, ვინაც სავსეა რწმენით,  
რომ ფარდის გახსნა გაუხარებს გულს, თვალის გარდა.

მეც მის ლოდინში გული ნატვრით ამოდ ვალე:  
ვერ ვნახავ მის ხიბლს, აუწერელს კალმით და ენით –  
ჩაქრა შუქი და ჩემ წინ რკინის დაეშვა ფარდა.

#### V

უზომოდ უყვარს ღრმა სიყვარულს ზეცაში ფრენა,  
ძლიერ სიყვარულს ნატვრა ართობს ასმაგ და ასწილ.  
ამღვრეულ სიზმრებს სიყვარული ვერ იტანს მკაცრი,  
ხოლო ჯანმრთელი სიყვარული ესწრაფვის ლხენას.



სიყვარულს თბობა ძზის სხივებში უყვარს და წვენად იღვრება მისი ხის ნაყოფი დღეების გასწვრივ. ქაფად ედება ღვინის ჭიქებს და ზოგთა ხმაწვრილ ყელით კი არა, დაფდაფებით მოუხმობს ზენას.

ვინც ვერ ერკვევა სიყვარულში და ხოტბას ასხამს, გონზე რომ მოვა, მყისვე გული სტკივდება საწყალს, როცა შესცქერენ ავსულები უცოდველ სახით.

სქესი და ჟინი სულ მოგძახის ტკბილად და სათნოდ, ბავშვურად მღიმარ ბაგეთაგან: ყოყმანობ? რატომ? – აკი სიყვარულს სიყვარული სწყურია ლალი.

## VI

ვით ახალგაზრდა ევროპელი, ღამით სასტუმროს გაექცევა და მაღაიურს ხედავს სახეებს, თავთავიანთს რომ დაეძებენ, თითქოს, ნახევრებს და მზერიტა და გაღიმებით ყველა მაცდურობს.

ხოლო იქ, მროკავ ზანგ ქალისკენ ლტოლვის დასტურად ვნებააღძრული, ჭვრეტს ქალაქის იმ მოსახვევებს, ფილაქნებით რომ მოკირწყლოლან, და ის აღელვებს, რომ ეკრძალება შესვლა იქ და – ლტოლვა დასრულდა.

და ბიჭს ჰგავს, ლექსის წერით გართულს, ვინაც მაგიდას გამორდა, როცა ტროპიკულმა მთვარემ ნათურებს მიმოაფინა თავის ბრწყინვის ყალბი ბლონდები.

მეც, სწორედ ისე ნაღვლიანი, გავცქერ აქედან,

ველტვი სხვა ტკობებს, სხვა ცეკვისთვის ხელს ვაფათურებ,  
მაგრამ როგორც კი იქ დაგლანდავ, მყის შევკოვნილები.

## VII

ეს შენ ხარ, ბარის ცივ შუქში რომ სრულიად ახალ  
ილეთს ბეჯითად ეუფლები ახალი ცეკვის,  
შენს მჭვრეტელს გული გამვსებია გრძნობათა რეკვით –  
ბავშვობის მერე არ ვყოფილვარ მე ასე ლაღად.

შეგიკრეჭია თმა პაჟივით და თითქოს ჭაღად  
გაბრწყინებული გიფრიალებს და ჰაერს ეკვრი,  
ფენთა თამაშით, ლერწამივით ხარ წელში მდრეკი,  
გამოგყავს ჩრდილთა ფიგურები, იმგვარად დახვალ.

მიქადი ბებრის ყვავილობას მზერით, და ობოლს  
ვგავარ, რომელიც საფლავთან მდგარ არყის ხეს უმზერს  
და ხედავს, რომ ის დახუნძლული არის ციცრებით.

მეც ასე გხედავ, გაზაფხულზე ფარფატით მყოფო!  
ნეტავი, ყრმა თუ ვგრძნობდი სიტკბოს ამგვარად უწყვეტს?!  
თითქოს დაკარგულს ვიბრუნებ და ახლად ვიწყები.

## VIII

საყვარელ ქალის მიტოვება მოგიხდა ვისაც,  
იგრძნობდი, მთელი საქალეთი დატოვე თითქოს,  
რადგან ჩაქრობა იმ ცეცხლისა, სულს რაზეც ვითბობთ,  
ტოლფასი არის სამოთხეზე უარის თქმისა.

ბევრ ქალს ვუმღერე, მაგრამ ტრფობა ყველასი – მტრისას!  
ო, გულო ჩემო, განძარცულო და სთველის მკვიდრო,  
კვლავ დაისხამდი ვარდის კოკრებს, ოღონდაც მჭიდროდ  
ედება ბილიკს ფოთოლცვენა და ველარ გიცავ.

ვაი, პირველი სიყვარულის იღუმალ გრძნობას,  
ერთ არსებაში რომ მოაქცევს ყველა ქალს, რაიც  
გაგტეხავს, ანდა, როგორც კაენს, გადაგრევეს ისე.

მიწიერ ტკბობის ძიებიდან არცარა მოგაქვს,  
კვლავ ეძებ, მაგრამ უიმედოდ ღარჩები მაინც  
და ჟამიც, ხვედრად, სევდასა და კაეშანს გისევს.

## IX

შე უშვილძიროვ, ნუთუ ჯერ არ უღლიხარ უღელს  
და უძძიმეს და საშინელ ტვირთს მამათა ჩვენთა?!  
ვინ მოსთვლის, რამდენ დედას უთქვამს უარი ნექტარ  
დროისთვის, რაც ჩვენ გვერგებოდა და ჩვენვე ვხუხუთ!

მაგრამ დემონთა სამეფოსკენ უცებ რომ უხვევს,  
იმ გაუვალ გზის გავლით მიჰყავთ შთენილი კენტად  
ანუ – იქითკენ მიჰყავთ, სადაც ობლობით მპენტავ  
გულის არ უხმობენ არშობილი სულები უკვე.

ოჰ, მცენარეთა მაინც გწამდეს! – ისწავლე რამე  
თუნდაც ღვიისგან, რაც პატარა ყვავილებს ისხამს  
და ორი წელი ცისფერ შუქად ანთებაც ელის.

დროა, დაეშვა ქარაფიდან – მოიწვეს ღამე,  
უნდა დაბრუნდე ქონში, სადაც სითბოა ღვთისგან

და სადაც სარკმელს მოწყდომია თვალები წრფელი.

## X

მდინარე ზალცბახს თუ სწვევიხარ როდესმე მარტში,  
როცა მთის ძირას თოვლის მკრთალი და თხელი ფენა  
ჩამავალი მზის ბოლო სხივთა ცრემლივით დენას  
იასამნისფრად ირეკლავს და დღე თავის კვალს შლის!

ჰოჰენშტაუფენთ კოშკს კი ძალუძს, ნაცრისფერ ფარჩით  
გამოაჩინოს თოვლი ცაზე პატრონთა ლხენად.

ამ კუნძულს ნაღდად ამშვენებდნენ ღმერთები ზენა –  
ანათებს თოვლის ამეთვისტო მარცხნივ და მარჯვნივ.

მოდის! მოდის და გზას მოიკვლევს ზეკარი კვერთხით,  
მონაგრევს სივრცეს, კბოდეებს და ფლატეებს აჩენს  
და ცას ალპების გალავანში აქვს შესვლის ნება.

ხოლო გაიზებერგს ყველაფერი იისფრად ერთვის.  
რა დრო გაეფლანგე! ვდგავარ, გავცქერ ქედების ჩაჩებს,  
არამიწიერ არსთან ყველა ნაღველი ქრება.

## XI

სათნო სულები შემოგვცქერენ მოწყალედ, როცა  
ვეძლევეთ ტანჯვას, რაკი ტანჯვით სუფთანი ვზდებით  
და უჩინარნი მცენარენი გვიძღვნიან შვების  
მოსაგვრელ წამალს და ყოველი მათგანი გვლოცავს.

ჩაგვჩურჩულებენ: “რაო, სულო, მწუხარე ფრთოსანს

რად ჰგავხარ? ნუთუ, შენც ურჩი ხარ გამჩენის ნების?!  
იცოდე, ვიდრე ორთაბრძოლა მორჩება, მტრები  
დაგიუფლებენ, აგირევენ თავსაც და დროსაც” –

და გვაფრთხილებენ, მაგრამ მაინც შეგვიპყრობს დიდი  
მოუთმენლობა იმ ქალწულებს, რომლებმაც წმინდა  
ზეთი უდროოდ დააქციეს, ვით ტვირთი მძიმე.

ვიმოკლებთ დასჯის დროს და სუნი არყოფნის გვიდის  
და მასწავლებლის საიდუმლო ხელწერას ვბინდავთ,  
ისიც ჩერდება, არაფერს ქმნის და კარგავს იმედს.

## XII

ბიჭი იმედით სავსე მზერით ასხივებს ნდომას.  
ბიჭო და გოგოვ, რა გინდათ რომ ხელახლა სცადოთ?!  
მე ვფიქრობ: ნუთუ დამადარებს კვლავ დილის მნათობს  
ლექსი, ვარდები, სალამონი, ქალებით ტკობა!

ძმებო, მიწისკენ დახრა უკვე დარდებით გეთოფავს  
და მას მეტყველებს, თუ როგორი ოცნება გვათოვს.  
სისხლივით გაშრა თივის ხელში ყაყაჩო – რატომ?  
აწი ვინ დაწნავს მისგან გვირგვინს საყვარლის მკობად?!

ბიჭი ბაგეებს კვლავ ცეცხლოვან კოცნისთვის აპობს.  
ბიჭო და გოგოვ, მოგჭლობიათ ხელები ჯვრისებრ.  
თვალს აგარიდებთ და ერთმანეთს მაშინვე კოცნით.

შეყვარებულნო, ნუ მოუსმენთ ერთურთის ნაბოდვს!  
დააცხრით ერთურთს ტალღებივით, ისევ და ისევ! –  
ერთიმეორე ჩვენც გვისვია აქ დიდი დოზით!

## ვაჟიშვილი

დედიკო მოკვდა გათენებისას.  
არ ესიზმრება ის მამას უკვე.  
სიკვდილის ხსოვნა დაგვრჩა დედისგან  
და ერთმანეთის გვესმოდა უკეთ.

პარმალში გაველ წყალისთვის ერთხელ  
და კართან ვნახე უცნობი ქალი,  
მას გრძელი კაბა ეცვა და, ღმერთო,  
კარგა ხანს აღარ მომწყურდა წყალი.

ბოლო რომ იყო დედისთვის, ვიცი,  
ცისფერი კაბა, მრავალი ზოლით,  
იმ წლებში კაბებს იცვამდნენ ისეთს —  
ქალები ჩემი დედიკოს ტოლი.

თვალს მიეფარა იგი, და მზერა,  
გაოცებისგან, დამირჩა სახტად.  
ლამეს შეერწყა ცრემლების ჩქერად  
და უხილავიც ამიტომ გახდა.

დედიკო მოკვდა დილაზე ადრე.  
ამაოდ ვცდილობ, სიზმარში შემხვდეს.  
ვიღაც ქალებზე ვფიქრობ და ვდარდობ,  
ხოლო დედაზე — ათასში ერთხელ.

დასვრილ ხელზე კი მესხმება წყალი,  
ვიდრე მას პირთან მივიტან ჭიქით.  
ამგვარად ფხიზლობს სულეთში ქალი

შვილზე, რომელსაც არ ახსოვს იგი.

მე ხომ მუხლებზე დავეცი მაშინ  
და ხომ ჩავუდე კალთაშიც თავი!  
კვლავაც მოვიდეს უდულო ბავშვთან  
და წაიყვანოს თავისი კრავი!

## სირიელი ქალი

ლამით გამოველ უღრანიდან (ყვებოდა მეზავრი).  
მობუცი ქალი მომეახლა, გათელილს ჯავრით,  
მარჯვენა ხელით ჩირაღდანი ეჭირა მალლა,  
მარცხენით – სურა, და ეძინია უზომო დაღლა.

“დედილო“, ვკითხე და შევაკრთე ფოთლები მრეში:  
“რას ნიშნავს შენი გამოჩენა უსიერ ტყეში?!  
მარცხენით სურა რომ გიჭირავს, არა ჰგავს ნობათს,  
უშველებელი მუგუხალი მარჯვენით მოგაქვს“.

ლურჯი თვალები მონათა ჩემს კითხვას ირიბს  
და ყმაწვილქალის პირს უგავდა, ღიმილით, პირი:  
“ჯოჯოხეთს, ცეცხლზე წყლის გადასხმით, დავასვი დაღი,  
ხოლო ჩირაღდნით მთლად გადავწვი სამოთხის ბაღი,

რადგან სასჯელის შიში აქვთ და ელიან ჯილდოს! –  
მადლს არვინ შერება, ქვის გულს ყველა სიავით ილტობს,  
ხოლო დღეიდან მადლისათვის ქმნან უნდა მადლი,  
გახსოვდეს ესო“, თქვა და ტყეში შევიდა ცხადლივ.



## ომი და უცნობი ქალაქში

თოკების დარი, უხვი  
სხივები ფარნის შუქის –  
აცხელებს მწუხრის ქალაქს.  
მის ღერბს კი, თითქოს, უკვირს  
ცულის ნაჭდევი მუქი,  
სიამაყეს რომ მაღავს.

კარ-სარკმელების ირგვლივ,  
სამფეროვანი ფიქრით,  
ქარში ზეიმობს დროშა  
და სმენის მიღმა მიქრის  
შრიალი, რომლის იქით  
ღროშის ნახევი მოჩანს.

სცემს მწუხარება ზღვისა  
პორტის გაღავანს ქვისას,  
რაც უძლებს მღელვარ ზვირთებს.  
შუქურა წესრიგს იცავს.  
ზეცა იფარავს მიწას,  
თითქოს რაღაცა სჭირდეს.

ჩვენ კი ვართ ყველა ცალკე,  
ერთუროს არ ვყავართ სარკედ,  
გვაქვს სიყვარული სუსტი,  
მაგრამ ის მაინც გვარგებს,  
როგორც ქალაქის პარკებს –  
ვარსკვლავი, მზეს რომ უცდის.

## წმინდა აგათას ჟმისი

წმინდა აგათა როცა ცხენზე ამხედრდა, ერთი ქვა ისე ძლიერ ააღელვა სინორჩემ მისმა, რომ ქვამ ფორმა და შინაარსი დაკარგა მყის და დალბა წმინდანის ფეხის ტერფის უცნაურ შერთვით.

წმინდანის ტერფო, ერთო ციდავ, გიდგავარ გვერდით, ჩვილის ტერფივით უნაზესო, შეგყურებ მზის დარს. შენს სახილველად ზარმა, რომლის ხმა ცასაც მისწვდა, მიხმო, სად ესე სასწაული დამკვიდრდა ჩვენთვის.

სიამოვნებით დაგიხსნიდი, აგათავ, ოდეს შენს ცხენს მიჰყავდი საწამებლად, ვითარცა კრავი. რად არ გადმოხტი და მტირალმა ორივე მკლავი რად არ მომხვიე შიშისაგან – ამაზე ვგოდებ.

ემკრებელობ, მაგრამ ქვას თუ ამკობ მაღლობის ძღვენით, ცოდვილმა ჩემში ამოვტვიფრე სახელი შენი.

## წინასწარმეტყველება

იქნებ, მაცხოვრის გულიც დაქანცოს  
ვარსკვლავთა ძველი ნების მეტობამ!..  
სამხრეთი უკვე, როგორც საგანძურს,  
ჭკრეტს ცით მოვლენილ მეფე-დელოფალს.

იქნებ, ჰიმნისთვის ყელიც გიძგერდეს,  
არც კვერთხის წვდომა იყოს გვიანი!  
გახსოვდეს, როგორ შვენიც ცის კედელს  
ავსტრიის თავზე დროშა ჯვრიანი...

ჰა, ღვინის მეფე! – დგას და სრულიად  
სხვა თასში ღვინოც სხვა უსხია და  
ეტყობა, ეგეც, წმინდა სულივით,  
აღსდგა და ქეიფს მონებს ნიადაგ.

დაქეიფობს და, მთვრალი, გაუთლელ  
ნადირალებთან ცეკვავს მეტწილად.  
შენ რაღას იზამ, საით გაუტევე,  
გულში სიყვარულს თუ მიემინა?!

ჯვარზე მეორედ გაკვრისას თუკი  
შეგაშინებენ უცხო ღმერთები,  
ნუთუ, ღვაწლს მათაც სიმღერით უქებ –  
ყელით შიშს როგორ შეუერთდები?!

მომღერალს გლეჯენ, ქარში დაღალულს,  
ხელები, ქნარის დაკვრით დაღლილი,  
**ორფევს არს ქრისტე** და შენ ახალი

ბერძნული ერა გთუთქავს დაღვიით.

მარტო სხვა ღმერთებს არ თვლი მევალედ,  
ყელყელობენ ჰიდრას თავებიც...  
რას დავიტირებთ, საკურთხეველი  
პირველ სურნელს რომ გვიძღვის ღვთაებრივ!

გადაქცეულა მზე მზეჭაბუკად,  
ჰელიოსი კი – მარად მაცხოვრად.  
ჯერ ჩრდილოეთში ტრფობის ქარბუქი  
ქრის, მაგრამ მზეს არ ძალუძს გაძლოლა.

ციურ ნიშნებსაც ყოფნა მობეზრდათ  
და იცვლებიან სახლის ერლოთიც.  
ცა მიატოვეს ანგელოზებმა –  
ხდება ის, რასაც ასე ველტვოდით.

ვარსკვლავთა ნებამ იქნებ დაშრიტოს  
მაცხოვრის გულიც და მის საძვალეს  
ნულარ დაუწყებთ ძებნას ბავშვივით –  
ლამის ზეობა დიდხანს გვაწვალებს.

## სტუმარი

გესტუმრე შენ და თან მოვიყოლე  
წვიმიანი ღლე ჩემი ბავშვობის,  
დედის სიკვდილიც, მკვდარი სტრიქონიც  
და ყველაფერი, რასაც დავშორდი.

დაგიჯექი წინ და რიდით განახებ  
ჩემს ავტობორტრეტს, წყალში არეკლილს,  
ჩემს ხელნაწერებს, ყვითლად დანადმულს,  
ამბორს, დაჩხვლევტილს ბედის ნარ-ეკლით.

და სადაც ტოვებ ბავშვობის ერას,  
მომყვება შენგან ის მწველი მზერა  
და დედაშენის თითების ეშხი  
კლავიშებზე და კიდევ – სიმღერა,  
დიდედაშენის ნამღერი რთველში.

## შეღამება

როგორც მშობელი დედა გოგოს, არასრულწლოვანს,  
მზე დედამიწას ისე მწარედ ემშვიდობება,  
სევდით გაცეკქერი ჩავლილ დროთა მწუხრს და ქუჩებში  
ელნათურები და ფარნები ყვითლად ჰყვავიან.

მერე თავისი დახლებიდან, მაგიდეებიდან  
დაღლილი ღამე მძიმედ დგება, ხელებზე ბინდით,  
და ვილაც მგზავრის მონაცრისფრო პალტოს ეხება,  
ჯერ კარიბჭეში ვერ ხედავენ სახემებურვილს.

ადამიანებს უყვართ სულ სხვა სინათლეები,  
თვალისმომჭრელი, ანთებული საგულდაგულოდ...  
ზოგჯერ, სარკმელთან მიყრდნობილნი, თვალს ადევნებენ  
ცაზე ვერცხლისფრად მოდარაჯვე მწუხრის ანგელოზს...

მეც მას შეეჩვივლო? ჩივის იგი, ვისაც ვერაფერს  
რგებს სიყვარული, უმისოდ კი მზეს ემგვანება,  
ოღონდ – ჩამავალს: მზე ხომ მარტო ჩადის ყოველთვის,  
თუმც ვარსკვლავები ციმციმებენ მისდა ნუგეშად.

# ერთი მისტიკური შეგონების მიხედვით

მარტინ ბუბერისთვის

“შენში ვერვისი იბუღებს ბედი,  
როგორც ბულბული და როგორც მტრედი“.  
ეს შეგონება, რაც ირგვლივ ყოველს  
აბუნდოვანებს, ძველ წიგნში ვპოვე.  
“შენში ვერვისი იბუღებს ბედი,  
როგორც ბულბული და როგორც მტრედი“.

მტრედი რა არის? მტრედს რას ვუწოდებთ?  
ის, ალბათ, ნიშნავს რწმენას უცოდველს.  
მაგრამ ბულბული რაა? რას ნიშნავს?  
ის, ალბათ, გული არის ბავშვისა,  
გაჭირვებულთა მწედ რომ აღზარდეს,  
შთაგონებით და მაღლით აღსავსე:  
ყველაზე მაღლა, ყველაფრის ბოლოს,  
ღმერთის მწვერვალის გვირგვინზე მხოლოდ,  
მშვენიერების მფეთქავ ტბორებად,  
მტრედსა და ბულბულს ძალუძთ ცხოვრება.

ღრო იწურება მწირი სუნთქვების.  
და – ტყვენი მტანჯველ, მძიმე ბორკილთა –  
აქ მოტყუებას უქმად ვუნდებით  
მზის ღრთთა. ვკვნესით სულის ბორკვითა,  
კკვნესით, რაკილა ველარ ვკკვიდრდებით  
იქ, სადაც ქარნი ქრიან მდიდრები  
და ვერც – ცეცხლოვან ზეცის დარბაზში,

ვერც ზეთისხილის ხეში, ბოგირთან,  
ვერც მტრედ-ბულბულში... ხოლო ალქაჯი  
ჩნდება შურის და ზიზღის დორბლიდან,  
რამეთუ ტრფობა მავან ქალ-ვაჟის  
ჩვენთვის მტვრის როდი იყო პარპაში,  
რითაც სავსეა ყველა მორგი და  
ყველა ფიქრის და ღრღის ორბიტა.

“შენში ვერვისი იბუღებს ბედი,  
როგორც ბულბული და როგორც მტრედი“.  
აი, შევკონე სიტყვის კონებად  
და ასე ავხსენ ეს შეგონება.  
“შენში ვერვისი იბუღებს ბედი,  
როგორც ბულბული და როგორც მტრედი“.



## გამოეთხოვე

“გამოეთხოვე მზესა და მთვარეს,  
გამოეთხოვე მკრთომარ ვარსკვლავებს,  
გამოეთხოვე ქარებს და ღრუბლებს,  
გამოეთხოვე თოვლსა და ელვას.

ბოლოს კი მიწას გამოეთხოვე,  
ხოლო მიწაზე – მთებსა და ტყეებს,  
მდინარეებს და შველებსა და ვარდებს  
და უძვირფასეს ადამიანებს“.

კი, ანგელოზო, გამოვეთხოვე  
მე არსებობას, ჩემთვის ბოძებულს,  
გამოვეთხოვე სიყვარულსა და  
სინათლეს, სევდას და გაგიჟებას.

“შენ, შენს მკლავებში ვინც მანანავებ  
მე ცათა შინა, ნეტარო სულო,  
რისი ნახვა გსურს დედამიწაზე,  
მას ერთხელ კიდევ როცა იხილავ?“

ოჰ, ანგელოზო, ვისურვებ მხოლოდ:  
გლექკაცის ძველი სახლის სარკმლიდან,  
ქოთნის წითელი ყვავილის მიღმა,  
სალამოსპირის წვიმის დანახვას,  
მე კი, იმ სახლში, ხასხასა მწვანე  
ვაზით დაბურულ გრილ ვერანდაზე  
მიმოვდიოდე მოუთმენელი.

## უხილავი ძელსკამი

შენს ცხოვრებაში არი  
ძელსკამი უჩინარი, -  
შენი სახლის წინ დგას და  
არავინ მოდის მასთან...

ის აქ სამყაროს ოსტატს  
დაუდგამს მოსვლის დროს და  
ჯერ მასზე, იმ დღის შემდეგ,  
არ ჩამომსხდარან დღემდე...

შენ დღეს სახლიდან გახველ,  
ავლენ დაღლას და ნაღველს  
და იგრძენ, რომ ის სკამი  
გინებებს დღისით და ღამით.

ამ ძელსკამიდან, მკვდრის მზევ,  
ქვეყანას შეხე ისევ  
და მერე, სიზმარ-ცხადით,  
დასაძინებლად წადი!

## სიცარიელე

მე არ ვიქნები როცა,  
რაა ის, რაც მე შემცვლის?  
წვიმა, რომელმაც მლოცა,  
სად წავა გმინვა-კვნესით?

ჰაერი, რასაც ვჭრიდი,  
ვის შეუმოსავს ნიღაბს,  
ან, ვინც მიცქერდით რიდით,  
ჩემს თავს შეგიცვლით ვიღა?

სადაც ხელს ახლა ვიქნევ –  
სიცარიელე მოვა.  
ან მე დავბრუნდე, იქნებ,  
თოვად?

შესაძლებელი არის –  
იქ უვარგისიც ვარგა  
და ისე ულხინს მთვარეს,  
რომ ყველა ხდება კარგად.

როცა გეწვევით სტუმრად,  
ვერც კი გაიგებთ ამას.  
ხელს თუ შემახებთ, უმაღ  
გავქრები სიოს ჩქამად.

და ვერ მიხვდება ვერვინ,  
რომ გვერდით ვედექ, თურმე, –  
გადააბრალებს ელვის

კრთომას ან – ანწლის სურნელს.

ჩემებრ ვინ გიძღვნით ფიქრებს,  
როცა დავტოვებ ყოველს?  
სული უსაზღვროდ იფრენს –  
ყვავილის ნათელს  
ჰპოვებს.

შენ კი, კვირტს, მუხის მხარზე  
გაგშლის ქარი და თქეში,  
როცა დაყრიან, მკვდარ მზედ  
ველური ყურძნის მარცვლებს  
ტყეში.

# სული

## ედღენება ჰანს კაროსას

სული არ არის უსხეულო. იგი წვენივით  
ფესვსა და ყლორტში მოედინება.  
სულია ისიც, ხოჭოს ზურგზე, პეპელას ფრთებზე  
წერტილებად და რგოლისებრად რომ აფენია.  
ის არის სხივი, კაცს და ცხოველს თვალში რომ უდგას.  
თუმც შუბლებს მიღმა და ჩვენს ენებზე  
ზოგჯერ ცრუ სულსაც გადუქროლია.  
მან წინ გაუსწრო ღმერთის სუნთქვას ისე საოცრად,  
როგორც ნიაჲმა, მოდენილმა უფლის ბაგედან,  
ოდესღაც ჩვენში ჩასახლებულმა.  
წყლის სიღრმიდანაც იმას ხაპავს ნათლისმცემელი,  
მოციქულებსაც თავზე ცეცხლად ის ეფრქვეოდა.  
ჩვენ კი კვლავ მიწა გვეძვირფასება.  
პოეტის მზერა ყველაფერს სწვდება:  
სამების სხივის კვალის ძებნაში  
ყველა სულდგმულის ბნელ სიღრმეში ის იხედება.  
იგი დაეძებს სამების სხივს და არა იმას,  
რაც ყველა სულდგმულს ატყუებს და ამორიშორებს.  
დაეძებს იმას, სტიქიის გულში მათ რომ შეკრავს და გაამთლიანებს,  
რამაც ყოველი ყოველივედ უნდა გარდაქმნას.  
მაშ, შენც აღენტე სიყვარულის მსხვერპლის კოცნისას,  
კოცნას სიცოცხლე სიცოცხლითვე უმაგიერებს.  
ღიას: “სიცოცხლე სიცოცხლით ხარობს და ზეიმობა გულით სწაღია”.  
ტკბილად შეგერგოს ღვინო და პური.  
ქორწილი არის დასაბამიც, სიყვარულიც, სიკვდილ-სიცოცხლეც.

## ოდა წყლისპირას

ხალისიანად მოცეკვავე ახალგაზრდობის  
ხმაურიანი ზეიმიდან გამოვიპარე.  
ტირიფების ქვეშ, წყლის ნაპირას  
ჩამოვჯექი  
გაშლილ პალტოზე  
გბოდესთან ახლოს, ჯერაც ფხიზელ ბალახებს შორის.

ტბის წიაღიდან, ერთი შეხე, როგორ გადმოდის  
და მოდგაფუნებს ღამის ტრაუნი.  
როგორ ლაპლაპებს შუაწელზე,  
ვარსკვლავთა შუქით ოდნავ, ოდნავ განათებული; მაგრამ  
ტალღები ტბაში ბრუნდება, ლაჩარი ტალღა, კიდევზე ჩამუქებული.

კენწეროებში ქარი აღარ დანავარდობდა, მხოლოდ ბალახი  
ირხეოდა ქარის ქროლაზე,  
შუქის არილი სადაც ჯერაც არ ჩამქრალიყო, თრთოდა ნიავი.  
ხოლო იქ, სადაც ჩალის ღერო ჩემი ხელით  
ცვარს ისრუტავდა, ღამის სიო საითკენდაც გარბოდა ჩუმაღ.

უსახელოა, ო, მეგობრებო, მამის სიცოცხლე  
მისგანვე ქმნილში. სახელარმქონე  
არის ვარსკვლავი, სახელარმქონე არის ყვავილი.  
უსახელოა მთა და წყალი და - შუქში ზემოთ  
რომ შეფრთხილდა, ის მოფარფატე, გრძნობაგრძელი, ჰაერში მფრენიც.

უსახელოა ადამიანიც. მე აქ, ღამის ბრწყინვალეებაში  
ვსუნთქავ და ვხედავ, ხშირად მამისგან უკუვადებულს  
მკერდში ტირილი მიქვავდება მე, ანუ იმ კაცს, აღარაფერზე რომ  
არ ტირის ღიღისანია.

ჰოდა, ნუგეშად რაღა უნდა დამრჩენოდა,  
თუ არა მხოლოდ ძმადნაფიცობა იმ უსახელო  
ვარსკვლავქართან და ტალღების ჩქამთან?

## შემოდგომის ოდა

ჩიტის კვერცხივით წითელ-ყვითელი  
ჭინჭრებქვეშ ყრია ბალახში მსხალი.  
ჩაცუცქებულიან ბავშვები ხის ქვეშ,  
იტკბარუნებენ პირს მწიფე მსხლებით.  
მათ თითებშუა მოწვეთავს წვენი,  
რომელიც უკან, მიწაშივე ჩაედინება,  
როგორც სურვილი უკვე დამცხრალი.

მოტეხილ ბაღბას,  
ზაფხულიდან  
შემორჩენილს, ჯონზე ვამაგრებ,  
რათა ლაფანმა უფრო დიდხანს გააძლებინოს,  
თუნდაც დილამდე აცოცხლოს იგი  
დამსხვრეული ცხოვრების წიაღ.

ღიმილით მიმზერს  
ვინმე მოხუცი, უცხო მებაღე,  
ცელს აღარ იქნევს, რადგან ფეხებთან  
შეუნიშნავს მქრქალი ყვავილი,  
იმ ყვავილიდან სიმღერ-სიმღერით  
პეპელას სახემიღებული ჩემი სული  
მეტად აღარ ამოფრენილა,  
უნაყოფობის სამყაროში თითქოს  
ძილი მონდომებოდეს.



## წველამა

ისწავლე ცნობა საიდუმლო წერილისა,  
იმ ათას ამბავს რომ მოგვითხრობს,  
რაც თავს ოდესმე გადაგვხდენია.  
უფალი ღმერთი სიტყვებით ხომ არ ლაპარაკობს,  
ის ქმნილებებში ცხადდება მხოლოდ  
მარადიული, წინარეგონი, სულ მცირედიც რომ არ ავიწყდება.

ნეტავი იმას, ვისაც კითხვა შეძლება  
არკადიაში!  
ჩვენ კი ჭენება გვახარებდა ბედაურების,  
ქვემოთ, ჭალასთან, ბობოქარი მდინარის პირას  
ფართოდ გადაშლილ იალაღებზე,  
სადაც ღარიბი გოგონები ღონიერი თეთრი ხელებით  
ან ავლებდნენ ან მზის გულზე გასათეთრებლად აფენდნენ სარეცხს.  
ან მღეროდნენ მწუხრის სიმღერას,  
მათი მთელი ღღის ნაჯაფარი ფორნებში რომ იტვირთებოდა  
ანდა ეკიდა ხეებს შორის ღუნედ გაბმულ გრძელ-გრძელ თოკებზე.

აქ დაგვეძგერა ნაპერწკალი, ნასროლი თვალით,  
აქ მოგვჭრა თვალი მკლავების და  
კეფის კანის თეთრად კიაფმა.  
ტკბილ-მწყაზარი ხმით ეს თავისკენ მოხმობას ნიშნავს.  
მეც ხომ ყოველდღე  
გუთვალთვალებ საქმის დროს  
გახსნილ გულისპირიდან გამომკრთალი მკერდის სითეთრეს,  
აქედან მერგო ეს ბედისწერა, რომელსაც დღემდე  
მოვათრევ და მოვეზიდები.

ბრძენი რომ ვიყო, მაშინ ხომ არ გამოძრჩებოდა  
დალი, ნიშანი უტყუარი ძუნწი ტუჩ-პირის,  
რადგანაც ნლომას ამ ცისქვემეთში  
საფრთხეზე ტკბილი არაფერი მოუგონია.  
სიყვარულიც ხომ  
სიკვდილია, ოღონდ სხვაგვარი,  
არა ისეთი,  
სამუდამოდ თან რომ წაგვიყვანს.

ბევრი რამ იყო საცდუნებელი, შენ კი ხუმრობას არ იშლიდი,  
მასხრად იგდებდი ვითომ ცრურწმენას,  
გული კი შიშით გეწურებოდა  
და შენსას მაინც არ იშლიდი, ბრმა სიჯიუტით  
უკეთურებას შენ სჩადიოდი. ამაო იყო ღმერთების გარჯა -  
უკეთურებას განრიდებოდი.

მაგრამ რას იზამ, ალბათ ესეც ღვთის ნება იყო,  
თორემ გული უფრო ნამცეცა,  
უფრო ზვიადი გაგინდებოდა,  
გულზვიადობა, რაც პოეტებს მუდამ თანა სდევს,  
გარდაქმნის ძალას გიღამბლავებდა.  
გწამდეს მარადის, ყველაფერ ამას  
ღვთიური ძალა სიკეთით სჩადის,  
თუნდაც იმით, რომ ხშირად გვაფრთხობს,  
თავისსავე ქმნილს სუდარას რომ გადაგაფარებს.

ო, მე რომ კითხვა შემძლებოდა  
გვიან, როდესაც ღამის ჰაერი  
ჩაშავებულ წყლის ზედაპირზე დალივლივებდა,  
როცა ლერწამში უცხო ხმების დუდუნი ისმის,  
იქ, შიგნით ნეტავ რა მოძრაობს, რა იმალება,

აჩრდილებია თუ ჩიტები, ვინ რას გაიგებს?

ეს ყველაფერი კარგად უწყის ერთმა მოხუცმა,  
რომელიც მტკიცე ნაბიჯებით ორჩხოველისკენ მიემართება,  
პალოდან ჯაჭვს ხსნის გაუჭირვებლად,  
უნიზო ნავში გულმშვიდად ჯდება.  
ნავს არც საჭე აქვს, მაგრამ მოხუცმა  
ის ღია ზღვაში უკვე ზვირთებზე გადაატარა.

## დაიკო

სიკვდილი შთანთქა გამარჯვებამ. გამარჯვება ხომ  
სიყვარულია! მაშ, შეიძლება,  
სიყვარულიც შთანთქას სიკვდილმა!  
ამიტომ მყისვე უნდა მოკლათ ის ბასრი რკინით,  
ის შხამზე უფრო მალე კლავს და – კიდევ უფრო მალე, ვიდრე  
სიკვდილი კლავს მიწის სიყვარულს.  
შეყვარებული ქალი ხარბად სვამს შენს სიცოცხლეს  
და შენ სვამ იმის შინაგან სუნთქვას,  
ხოლო მშობლების გულისცემას ჭამენ ბავშვები  
და მშობლები შეილთა გულებს უკან ითხოვენ  
და სიბერის აჩონჩხილი თითები ირგვლივ  
მჭიდროდ ეკვრიან აკვირებულ ტოტებს, რომლებიც  
იღწევიან დაცემისას და ჩვენს წინაპრებს  
ვწყურდებით ჩვენ და მოგვიხმობენ საიქიოდან  
და ჩამომსხდარან სასთუმლებთან, თითოეულთან.

და სიყვარული, რაც სიცოცხლეს  
კი არ ანიჭებს,  
არამედ მისი ხმამაღლაა გამნათებელი. ჰგავს  
მზის დაიკო მთვარის სინათლეს, გაუთხოვრისას,  
ვინც ძმას საფლავი გაუჭრა და გლოვით დაკრძალა  
მონაზონი მწუხრის ხელებით...  
და წითელი გორაკის თავზე  
დიდხანს ეკიდა აწეწილი ლეგა ღრუბელი,  
თუმცა ტურები ჩიჩქნიდნენ მიწას:  
მზეს მშვიდად სძინავს თავის ლოგინში,  
დაიკო მთვარემ რომ გაუშალა...

და მთვარის შუქის სიყვარული მიიწევს მალღა,  
იქ, სადაც მისი უცხო ძახილი  
აპობს სხივს, რაზეც ის მძინარი დაეხეტება  
და მკლავები მზად აქვს ყოველთვის, თბილი, უმწიკვლო,  
რათა ძმა გულში ჩაიხუტოს, მაგრამ მკლავები, ეს მკლავები  
გზას უჩვენებენ სულ სხვა სიყვარულს,  
სიყვარულს არა სამშვინველისას,  
არცა – ჭრაქისას, არამედ – მზისას.  
და შენ მე ასე მაკავებდი, როდესაც ფეხზე ვერ ვდგებოდი და ვეცემოდი,  
წამოდგომას თუმც ვახერხებდი... და მალვიძებდა  
სუნთქვა მთვარისა და ზემოთკენ მივისწრაფოდი,  
ასე მივადექ სახლს, რომლის ნივნივს  
გარს ეხვეოდნენ ვარსკვლავები ფარვანებივით.

მაგრამ იქ, მალღა, ვარსკვლავეთში, ვინ გაჩერდება, როცა დატოვებს  
მზე სარეცელს, გაღვიძებული, დასვენებული, ჯანიანი, ახალთახალი,  
რაც ამოსვლისას ძღვეამოსილ თავის სიცოცხლეს  
კონუსისებურ და დაბინდულ სიწითლით გვამცნობს.  
ასეთი ფერის წითელ ღვინოს ვერსად იხილავ,  
იმნაირ ფერთან მეწამულიც ვერ მივა ახლოს,  
სისხლსაც არ ძალუძს წარმოსახვა ისეთი ფერის.  
და ჰა, იღვრება ფერი იგი, გადმოინთხევა  
და ფეთქდება და გიზგიზდება ღრუბელთ სიშავე,  
და იმ ღვარდიან ლალის ბურთი აღივლივდება,  
რაც ჯერ ოქროსი არაა და მალღდება უკვე!

ოჰ, ვერცხლისფერი სივრცის ნახვა უმაღვე გვაქცევს  
ჩვენ მოუთმენელ მოლოდინად იმ სინაზისა,  
რაც არ გიზგიზებს, თუმც სიბნელეს გარდაგვისახავს,  
რაც ღვთისმშობელი ქალწული დედისმომედე ოცნებებია.  
ამიტომ გვიყვარს ჩვენ – პოეტებს – ისინი,

ვიცით: მუზეუმი ჩვენი სატრფოები კი არა, ჩვენი დები არიან,  
რამეთუ, როგორც ციებიანნი,  
ვწევართ ვარვარა, ცხელ ბალიშებზე  
და ვილა გვიგრძნობს ჩვენ ცვალებად ამ სამყაროში,  
თუ არა – ხელი ჩვენს შუბლებზე, მაცოცხლებელი,  
თუ არა – ჩვენივ ბაგეებთან, მკურნალ ნექტარით, მოტანილი  
მხურვალე ხელი?!

## გულისკმერა

ეჟენ ანტუანი † 1947 წლის 15 ოქტომბერს

ნეტავ ვიცოდე, მიცვალებულებს  
ახსოვთ თუ არა

ტყის ნაკადულის ჩუმი რაკრაკი? ან - ვარდისფერი  
ღრუბლების წყება მწუხრის ეთერში?

ან - მარწყვის სიტკბო, პირში რომ დნება?

მათ უსასრულო არარაში გაქცევიათ თავისი ყოფა.

სამაგიეროდ ის არარა ხომ სავსეა იმ პირველქმნილი სიყვარულით,  
მის წინაშე მოკვდავთ შიშით რომ აცახცახებს.

ჭექა-ქუხილი –

ოდესღაც რომ წამიკითხავს ჰუმბოლტის წიგნში –  
ჩვენს ანტიპოდებს ფეხქვეშ გრუხუნით ეძუქრებოდა.

ოღონდ რომელი ღრუბლებიდან გამოსხლტება

უეცრად ელვა? არა ოქროსფერად, არამედ შავად

რომ დაგელავს კენწეროებში.

ალის ენები არ ავარდება, იგი ისე დაეძგერება

ჩახლართულ ფესვებს.

ეჰ, ჩვენი ფესვი, რომ არ ვიცით, საით მიიღტვის?

ხეს აქვს ძარღვები, შიგ უდგას წვენი. ჯიუტთხიერად

რომ მოწანწკარებს, ის კი სისხლია, ოღონდ თუ ვიცით,

იგი მტკიცედ რას ეჭიდება?

ფესვები არის ჩვენი გული. ვაი რომ ფესვებს

მუხანათურად ეპარება ვეება გველი,

ხის ძირს ყვითელი ღრუბელივით, ვითომ მთვლემარე რომ ახვევია.

შენ კურთხეული სახლის კარი გამოიხურე,  
გულს გიხარებდა მაღლიერი დამშვიდობება.  
მრუმე ღამეში, ფარნების შუქზე  
ქუჩა ზუსტად იქ გადაკვეთე,  
სად ბოძკინტებზე ეკიდა ფარი და თეთრ-წითელ  
ტრამვაის ვაგონს გაჩერებას აიძულებდა.  
გაჩერებაზე რამდენიმე თუ იდგა მგზავრი. გიჟმაჟმა ქარმა  
კვლავ ლოყაზე მოგიალერსა. ცაზე გაბნეულ ვარსკვლავთაგან  
ერთი ვარსკვლავი ნაღვლიანად ჩამოგცქეროდა.  
ყრუდ ჩაგესმოდა შორეული ფორნის რახრახი.  
შენი ნატიფი, თლილი თითებით პირიდან ფერფლით დამძიმებულ  
სიგარეტს იღებ, ფერთხავ ჰაერში, რაც დღეს უკვე  
შენ თვითონა ხარ.  
ბუნდოვან ფიქრებს ვერ გაექეცი,  
ზაფხულის დამდეგს იალაღებს ნათლად ხედავდი  
დაწაფებულთ ალპური ტბის დატალღულ წყალზე.  
თუ მიმოდინ კვლავ გოგონები ჟინით აღსავსე  
გამტერებულ თვალთა წინაშე?  
აღბათ მოგიკრავს ჩემთვის თვალი, როცა წყლის პირას  
მარტოდმარტო დაკეხეტები, მანამ, სანამ ჩემს ხატებაში  
რაღაც უცხო და ცოცხალი არ გამოკრთება. შენ ფიქრობდი:  
ბოლოსდაბოლოს ხვალ მივწერ წერილს. ანდა გრძნობდი:  
რომ დღეს ძილის წინ შევშინდებოდი და ვერაფრით  
ავხსნიდი მიზეზს.  
ტკივილი ჩემი შენ ხომ თვალით ვერ დაინახე.  
ვინ არის, ნეტავ, ის ბებრული, მომცრო ფიგურა,  
უხმოდ, უჩინრად თავის თავში რომ ჩაძირულა?  
რუხ ფილაქანზე დაეცა იგი. შენ კი მაშინვე  
შეშინებულთა რკალმა დაგფარა. მათგან ერთ-ერთი  
ახლა უკვე შენსკენ დახრილა. ახ, იმ უცნობმა უკვე იცოდა,  
უხილავ ელვას მეძებარივით რომ ეპოვა ერთი ბილიკი,



შენს გულისგულში რომ მიდიოდა.  
ის გული იყო, იმედით სავსე მოდარაჯე ყურს  
ასე ბრიყვულად რომ გაუჩუმდა.  
და ახლა თვალი  
მან სხვებს მიაპყრო. მხრებმა მაშინვე  
ჩიტებივით შეიფრთხიალეს.  
რადგან შენ უკვე გაფრენილიყავ,  
ხოლო ახლა წევხარ ქვაზე,  
ვით უსახლკარო, ვით მათხოვარი  
და ღრმა ძილით, ქვასავით გძინავს.

ო, მეგობრებო! ვის ძალუძს, ნეტავ, რომ გაზომოს  
სამყაროს წამი უზარმაზარი, რომელშიც ჟამი მარადისობას  
კვლავ უბრუნდება? რომელსაც მხოლოდ ჩვენი სხეული  
ემორჩილება? (რადგან ჩვენს სხეულს გამართულად მხოლოდ  
სული გვატარებინებს). ო, წამო, წამო,  
მოუსაველეთში შენ გადაგვტყორცნი!  
რაც თავი მახსოვს, თოვლის სიოზე არის იგი უფრო მსუბუქი.  
ისე მსუბუქი, რომ ვინც ჯერაც ისევ ამტკიცებს,  
თითქოს კვლავ ცოცხლობს, ანდა სადმე არსებობს აწმყო,  
რომელსაც იგი დაჰკანკალებს, გრძნობებს ახარჯავს,  
ცრუობს! რადგანაც აღარაფერი აღარ არსებობს.  
მაშ ჩამივარდით, მეგობრებო, გაშლილ მკლავებში,  
მკლავი ღამისკენ მაქვს გაშვერილი!  
ჩაახშეთ სიტყვა იმ პირიდან გადმონთხეული,  
მეტისმეტად ხმამაღლა რომ მოთქვამს და გოდებს!  
თუკი სისხლის წვეთს, გზააბნეულს შეუძლია  
მზის დაბნელება, თუკი ჩერდება ჩვენი გული სიცოცხლის მჩენი,  
თუკი შესაქმეს შეჩერება ვარსკვლავედთა დაღუპვას ნიშნავს,  
მაშინ ჩვენ რაღა დაგვრჩენია,  
უნდა განვიხვნეთ და, ვით ორფევესი, ოლონდ

სიმების აუქლერებლად, ხელის ცეცებით შთავიდეთ მღვიმეს.  
მარტოდენ ეს თუ აგვაშორებს  
ცოცხლადყოფნის დამთრგუნველ სირცხვილს.  
მაშინ ხომ აღარ განვერიდებით  
ჩვენს საკუთარ საბრალო გულებს,  
რომლებიც ძგერას განაგრძობენ,  
მაშინ როცა წინარე გულში ბევრი ძვირფასი  
რამ განისვენებს, რასაც ამრეზით ყურს ვუგდებთ ხოლმე?

## მეგობარი

ის, რაც მე შენთვის გამინდვია, ვინ იცის ახლა?  
ის, რაც შენს მეტმა არვინ უწყოდა, ვინ უჩურჩულებს  
ერთ-ერთ აჩრდილს და თან ანიშნებს,  
რომ არაფერი გამიგონია? ო, საყვარელო, ყოველთვის, მუდამ  
სასურველო! როგორ შესძელი ხუმრობითა და მანჭვა-გრეხით ისე შენიღბა,  
რომ არაფერი შემიძჩნევია – თურმე სარკის წინ  
შეძრწუნებულს სული გითრთოდა. მისი შიშველი  
საიდუმლო, იქ არეკლილი, ყოველლამე გაოგნებას იწვევდა შენში?  
ო, ღმერთო ჩემო, ჩვენ მეგობრებსაც  
ვუმაღავთ იმას, რაც ზურგს გვაქცევს,  
და შენც ის გრძნობა, რასაც სულაც არ გაუბოდი,  
მაშინვე მხოლოდ იმ ერთადერთს მიანიშნე,  
ვინც განგვერიდა. ოღონდ, ვაი, რომ ნავსაყუდლად  
შენ ჩემი გული არ აირჩიე.

დღეს შემოდგომის პირველი დღეა. შენ აღარ გახსოვს,  
ზღვის სველ სიოს როგორ მოაქვს ჩვენსკენ სიცივე,  
როგორ იკვალავს გზას ღუნე ნისლში,  
შუადღემდე რომ მოიზლახნება.

შენ დაგავიწყდა, რომ მქრქალ მინდვრებზე  
აფენია ხმელი აგვიტი,  
აჩრდილებივით ამოდიან ლილისფერი სათოვლიები  
და ვერცხლისფერი თავები გვიმრის  
მთვარის გარშემო მიმოხნეულ ვარსკვლავებს ჰგვანან.  
ზემოთ, უმზეო ქარაფებზე მოციმციმე ნაზი სითეთრე  
ახალი თოვლი გეგონება.

ხოლო ქვემოთ, გლახურ ბალებში, ყვითლად ღუიან  
სადაფნი და ქრიზანთემები. მაშ, ჩაგვატარე

ნაშუადღევს ტბის ნაპირებზე, ოღონდ  
გოსლამდე ნუ მიგვიყვან, იგი შორსაა,  
შენ ხომ არ გიყვარს სიარული,  
სამაგიეროდ გიყვარს სოფლის  
პატარ-პატარა სასტუმროები.  
იქ გემოს ატან უბრალო კერძებს,  
მარდი გოგონა ხალისით რომ მოგვართმევს ხოლმე.  
რაკი თუთუნი გაახვიე აუჩქარებლად,  
რალა გვაკლია გულითადი საუბრისათვის?  
ამ დროს უეცრად ტბის ტალღები უფრო ღონივრად  
მოასკდება ქვით ნაგებ შვერილს, რაზეც ვერანდა  
არის მკვიდრად დაშენებული.  
ადრეულ დაისს ზოგჯერ ქარის სუსხი ერევა,  
შენ ხელს მიაწვდენ ალპურ მოსასხამს,  
უხერხულად მოიგდებ მხრებზე  
და კვლავ სიგარეტს მიუბრუნდები,  
თუმც მოკიდებას ამაოდ ლამობ,  
თითქოს ნიავე ჭინკასავით გეთამაშება  
და ალს გტაცებს ანცად და მარდად.  
შემდეგ ესპანელ მწერლებს ახსენებ,  
კალდერონსა და ლოპე დე ვეგას,  
და არც სმეტანას „გაყიდული პატარძალი“ არ გავიწყდება,  
უცრემლოდ რომ არასოდეს მოვისმენია.  
მერე იხსენებ ჩვენს პოეტებს,  
გრილპარცერს, ნესტროს,  
არც მეგობრები არ გავიწყდება.  
ოღონდ ყველაფერს გირჩენია  
მხოლოდ ქალებზე ლაპარაკობდე,  
რადგანაც შენთვის დედამიწას მათი რონინი ალამაზებდა.  
მანც არცერთი ქალთაგანი შინ არ წამოგყვა,  
რადგან ბევრისკენ გაგირბოდა ყოველთვის თვალი.

თვალს არ აშორებ ახლაც ცბიერ ქალს, რომ გვეკითხება  
აქ გარეთ ძალზე ხომ არ ცივაო (რადგანაც ჩვენი  
მოშორება უნდა თავიდან). შენ მძიმედ ღებები –  
აქ ხომ ჯდომა გსიამოვნებდა. მე გული დიდხანს  
მაინც არსად არ მიღებოდა,  
რაიც ყოველთვის გულისწყრომას იწვევდა შენში,  
წინ დიდი გზა გვაქვს და საუბარიც მრუემ ღამეში  
უკეთესია. ბევრი რამ მინდა ახლა გაამბო.  
ნეტავ, ვისა აქვს შენებრ დიდი მოსმენის ნიჭი  
და მოთმინება. ფრთხილად იყავი!  
ხედავ, ჭადარი როგორ ჩრდილავს საკუთარ ფესვებს?  
სახლში საყვარლად ინთება შუქი.  
ვანშამზე უკვე დავაგვიანეთ.  
ტბაზე მიცურავს ეული ნავი და ნიჩბებს, ალბათ, მიჯდომია  
შვედი ასული, შენ საალერსო სახელი რომ შეგირქმევია.  
ახ, ამბობ ახლაც და ხელს აიქნევ, ალბათ ვილაც  
თავქარიანი მას უეჭველად უზისო ნავში.  
ჩვენ ვლაპარაკობთ შვედ ასულზე, სხვა გოგონებზეც,  
საჩვენო სულაც რომ არ არიან, თითქოს უფლება  
გვექონდეს იმედის. და აი აქ დგას შენი სახლი.  
ღამემ ისევე გადაჩრდილა ჩვენი საღამო,  
როგორც ჭადარმა თავის ფესვები.

რა დროა ახლა? შენი სახლის წინ დავყუდებულვარ,  
შენ იქ შეხვედი, ოღონდ ჯერაც არ გამოსულხარ.  
თითქოსდა ყველა ფანჯარაში ჩამქრალა შუქი.  
ყველა სტუმარი, ალბათ, ვანშამებს, შენ კი რასა იქმ,  
ჭიშკრიდან რომ არ გამოდიხარ?  
სახლს ირგვლივ ისევ ახვევია  
მრუემ სიბნელე, ვერც კედლებს ვარჩევ, ვეღარც სახურავს.  
მაშ, რა მღლის ასე? ყველაფერს სჯობდა,

შენს ოთახში რომ მომენახე.  
ნეტავ ჭიშკარი რატომ იყო გამოკეტილი?  
ვინ გადასწია შიდა ურდული?  
ახლა ვერავინ, გვიან მოსული,  
სახლში თავისით ველარ შეაღწევს.  
უეცრად მივხვდი, რომ ყველას სძინავს, შენც გძინავს ალბათ  
და მეც ძილი უცებ მერევა. ნეტავ სადამდე გაგრძელდება  
ჩემი ლოდინი ღამეულ ქარში? იქნებ შენ კიბით  
ჩამოდიხარ, ურდულსაც გასწევ. მაშინ ჭიშკარი  
გაიღება და შემომიშვებს თავის წიაღში.

## მევიოლინე ქალის სიკვდილი

სულ ოთხმოცდარვა  
გაფრენა ჰქონდა  
დიდ ფრანგ პილოტს  
ჟან დე ლა ნუის  
თავის ორლიდან ნიუ-იორკამდე –  
ნიუ-იორკიდან უკან, ორლიმდე  
ბედნიერად დასრულებული.  
ატლანტიკური ღრუბლების თავზე,  
ცაზე, რომელიც უხსოვარ დროში  
მონტესუმას და კორტესს უხილავთ,  
ზვირთების თავზე, სადაც სიღრმეში  
წყალმცენარეებს ზვიგენები შეჰფარებიან,  
სადაც გემები არ დაცურავენ,  
სადაც დელფინი არ დასრიალებს,  
მფრინავი თევზიც წყლის სიღრმეში არ გამოკრთება.  
უდაბნოეთში, რომლის ხსენებაც  
ბავშვობიდანვე ჟრუანტელს გვეკვრიდა,  
რუნყვითელი ტალღების თავზე  
თეთრ შხეფებშეყრილ ქულა ღრუბლებში  
ჟან დე ლა ნუის თავის შტურვალი  
გმირის ხელებით ეჭირა მტკიცედ.  
ოთხმოცდარვაჯერ  
დაეშვა იგი  
იქ, სადაც კოლუმბს კარაველა “სანტა მარიას”  
კიჩოლან შორით უცხო ნაპირი არ დაუზვერავეს.

პილოტთან ერთად  
იმ ხომალდში მსახურობდა

სულ შვიდი კაცი და ორი ქალი.  
ოცდათვრამეტ მზავრს,  
სავარძლებში მსხდომს,  
მათთვის საფრენად მიენდო თავი.  
ამერიკელებს, ფრანგებსა და მრავალთა სხვათა,  
სულსწრაფ ხალხს, ვისაც  
გემი ნელი ეჩვენებოდა.  
დღემოკლეთ სურდათ დროის მოგება,  
ფულის მოგება - მიწათმორწმუნეთ,  
პატივმოყვარეთ დიდება სურდათ,  
ძალის დიდება სურდა მოკრივეს,  
ვინც სიკვდილსა და სიცოცხლეს შორის  
სუნთქავდა მხოლოდ, იმას სწყუროდა ჩემპიონობა.  
სურდა მსოფლიო ჩემპიონად აღიარება  
(ოღონდ ვიცით კი ჩემპიონად ვინ იწოდება?)  
ჰოდა, ისიც ხომ დიდებაა,  
ზეცის ლაჟვარდში  
ერთადერთი ვიოლინო რომ დანანაობს?  
მევიოლინეს დახრილ თავზე ჰანგებს დააღვრის,  
ქალს, ვისაც ძველი ვიოლინო უძვირფასესი  
ნიკაპითა და მხრით უჭირავს ნაზად, სათუთად.  
ვიოლინო - ო, ვიოლინო! -  
ძველთუძველესი  
ოსტატს შენტვის არ შეუქმნია.  
იგი ხომ თვითონ არ უკრავდა,  
მას მხოლოდ ყურთან მიჰქონდა იგი,  
ხით და ჰაერით და სიმებით  
ის ბგერებს გრძნობდა.  
ო, ვიოლინო ხემის გარეშეც ნეტარებით  
მას უმღეროდა.



ოთხმოცდამეცხრედ დღეს  
მოფრინავ დასავლეთისკენ,  
ფიქრობდა გულში დე ლა ნუი და, აი, მის ქვეშ  
მწვანედ ხასხასებს პაწაწინა კუნძულთა წყება.  
სამხრეთული მთები ნაზია,  
კლდოვან კუნძულებს მწვერვალები არ აქვთ მაღალი.  
იქნებ, გავბედო და ახლოდან ვიხილო იგი?  
თუ უნახავს ვინმეს ციდან ეს სილამაზე?  
ნეტავ, რა ჰქვიათ? რუკა სად არის?  
სადღაც მივაგდე? არა, აქ არის! სანკტ მიხაელის  
კუნძულები ყოფილა თურმე.  
რა ლამაზია ეს სახელი. მეც ხომ მაქვს ფრთები,  
როგორც მიხაელს,  
ვინც სატანას მარცხი აგემა.  
ახლა ნელ-ნელა ქვემოთ ვეშვები.  
როგორ მიყვარხარ, მარტოსულო კუნძულო ჩემო,  
როგორც კაცთაგან ყველა სიშორე. —  
ო, მეგობრებო! არცერთ თქვენგანს  
არ უხილავს შავბნელი ხელი,  
იქვე, ახლოს ვერაგულად რომ დაფათურობს,  
ფარისევლურად გააღერსებს თითებზე ისე,  
რომ საფრთხეს სულ არ ელოდები და მცირე ადგილს  
უთმობ შტურვალთან, ზუსტად იმდენს,  
რამდენიც კმარა  
გადახვევა ველარ მოასწრო,  
ალვერიას კლდე შენს წინ როცა აღიმართება!

ახ! ვინ უძღეროს შეჯახებას ან თუნდაც ვარდნას,  
ძველი, ჩამქრალი ვულკანიდან ამოფრქვეულ ცეცხლს,  
ან ვინ უძღეროს მოტორის მსხვრევას,  
როცა ხელიდან გაუსხლტება მავანს ხომალდი?

უვიოლინოდ  
ვინ უძღეროს ამას ყველაფერს,  
თუკი ვერც მის ფერფლს,  
ველარც თავის ცხვრებს  
ვერ იპოვიან  
ფარის მწყემსები?

მევიოლინე ქალის  
ფერფლს ხომ ვერ იპოვიან  
ვერც პაწაწინა ნორჩი ბატკნები. – ჟინეტ!  
ო, ჟინეტ ნევო! ანდრომედასებრ  
ვარსკვლავების ქვეშ რომ ხარ ჩასმული,  
რომლებიც ცაზე ჩანგისებურად განლაგებულან.  
ოღონდაც, ჟინეტ, იქ მარტო ხარ, უვიოლინოდ  
და თქვენს სიკვდილს  
ვერ დაუკრავ საბრალო სულებს,  
შენთან ერთად უსახელოდ ზეცაში ასულს.  
თუმცა ისინი სხვაგან მაინც იციმციმებენ.  
ჩანგში კი მხოლოდ შენი ძმა და შენ იციმციმებთ,  
ვისაც ოდესღაც ბავშვურ შიშებს უზიარებდი,  
კვლავ და-ძმურად გადაჯაჭვულხართ  
თქვენს სიცოცხლეში უკანასკნელ შიშის წინაშე.  
მილივლივებდით და ყვიროდით,  
რომ ანგელოზს ცეცხლის აღისგან  
მხოლოდ თქვენთვის  
იქნებ როგორმე გადაერჩინა ვიოლინო  
სტრადივარიუსის.

შენ ხომ გიპოვეს და შენთან ერთად ვიოლინოც,  
გაშეშებული ხუთი თითით რომ ჩაფრენოდი,  
ახ, როცა უწინ ნაზად გეჭირა იგი!

გიჭირა და დემონს არაფრით არ ანებებდი.  
განა მან მწვერვალს შენი ზომალდი  
ამ ნადავლისთვის არ მიანარცხა?  
შენც, ვიოლინოს, მძინარეებს მოგაგნეს მერე,  
ხელი დაგავლეს და ორივე შინ წაგიყვანეს  
კუპერინის, ცეზარ ფრანკის და რაველის  
დიდ სამყაროში,  
იქ განისვენებთ სამარადისოდ.  
მაგრამ თქვენ მაინც დაგტირიან ადამის ძენი,  
ოღონდ ტირილი ჩემი არ იყოს,  
ვისაც მართლა არ ეხერხება,  
მათ სურთ იმ კუნძულს დაადგან ფეხი  
და სალამოხანს  
ალვერიას პიკზე ავიდნენ.  
როცა ღრუბლები შეფერადდება,  
ისინი მეჩხერ ბალახებში წამოწვებიან  
ან ჩაცუცქულნი მშვიდ გარემოს აყურადებენ,  
მაგრამ ბალახში ხავერდოვანი მწვანე ფერის  
მხოლოდ ხვლიკი დამარიშურობს  
და სადღაც ნაზად იგალობებს ეული ჩიტი.  
ან სიოს მოაქვს თევზისა და მარილის სუნი,  
წყალმცენარეთა სუნთან შერწყმული.  
ცა იღრუბლება,  
თუმცა დიდხანს მოქუფრულ ღრუბლებს  
მეწამული არშიები გარს ახვევია.  
გვაცალე კიდევ ცოტახანს წოლა,  
გვაცალე ყური მიუგდოთ მანამ,  
სანამდე, ჟინეტ,  
ვიოლინო არ ამღერდება.  
ო, ჟინეტ, ხომ არ დაგვიწყებია -  
უვნებელ ხელში უვნებელი გიჭირავს იგი.

მაშ, რაღას უცდი, აახშიანე,  
იგი ოქროსებრ ბგერებს ჩამოღვრის.  
ხემი არა გაქვს? დაგეწვა ხემი?  
შენ ვიოლინო გაფითრებულ ლოყასთან მიგაქვს  
და იცდი, ვინმე ნეტარი სული  
ანგელოზის ხემს როდის მოგაწვდის.  
იქნებ იქ, გაღმა,  
სხვანაირი იციან დაკვრა?  
უვიოლინოდ, უხემოდაც კარგად უკრავენ?  
იქნებ სულები უხმოდ მღერიან?  
სილატაკესაც არაფერი უჭირავს ხელში,  
მაგრამ ვინ მღერის მასავით ამოდ?

## ოდა სიკვდილისადმი

შენს წინაშე შიშს ყველა უნდა გადავეჩვიოთ.  
ჩვენთან ერთად სადაც უნდა მიშრიალებდე,  
ეთერის ჩრდილთა სფეროებით სად მიგვიყვან,  
თუ არა ოდენ ნეტარების აღსავლის კართან?  
ჯერ იყო შიში. იფეთქა სისხლმა  
შეძრწუნებულმა, ჩვენი გულის პარკუჭებიდან,  
უეცარი დარტყმის პასუხად.  
მაგრამ მე უკვე დაფარვატებ,  
დამატარებენ დასვენებულს,  
ჩაკიდულ თავით, რომელსაც ჯერაც მიწაზე  
სურს დაბრუნება. სატრფოს მკლავებში უნდა ჩავარდნა, მაგრამ იმ მკლავებს  
შეუძლიათ მხოლოდ მოტანა, იქ სიყვარულის გულზე ოდენ უნდა ილოცონ,  
რომლის არილი არის მზე და სხვა არაფერი.

ო, მაცნევ, მაცნევ! რაც დავიღალე,  
მხოლოდ მას შემდეგ დავინახე შენი ნიშნები,  
რომელთა კითხვას მისხალ-მისხალ,  
თანდათან ვსწავლობ, -  
მაგრამ, ძვირფასო,  
ეს ნამდვილად მალე იქნება?  
სიამოვნებით მინდა  
დღესვე რომ განგადიდო,  
ისევე, როგორც მეგობარი საღამოხანს  
უკვე ოთახს რთავს საყვარლისათვის,  
რომელსაც ელის.  
ის, მომლოდინე, მართალია ყოყმანით, მაგრამ ბალიდან მაინც  
უკანასკნელ ვარდს და კოკორს ულამაზესს  
მოეზიდება, რომლებიც უყვარს და ამიტომაც

დიდხანს უყურებს, სანამ ნანატრი მიჯნურისთვის  
მოსაწყვეტად გაიმეტებდეს,  
მოახლეები უკვე სადილს რომ უმზადებენ,  
ხოლო მსახურნი გრილი მარნიდან  
ისეთ ღვინოს ამოუტანენ,  
მამა-პაპანი ქორწილისთვის რომ ინახავდნენ.  
ღიას, აქატის ფიალიდან ღვინოს მხოლოდ შენ შეგასმევენ,  
მაგრამ ფიალა შენ ხელიდან გაგივარდება.

ეს - იმიტომ, რომ, ანგელოზო, მხოლოდ შენს თვალში  
ირეკლება წინასამყარო, რომელშიც ფრთები  
ჩვენ გარეშე შენ ვერ შევიყვანს,  
იქ მხოლოდ ჩვენთან ერთად ძალგამს იმყოფებოდე,  
თვალდავსებულო, შენ იქიდან გამოგაძევეს  
და თეთრ თვალებში აწ ჩრდილების ჯვარი წერია.  
ჯვრის შუაგულში უღრმეს სიღრმიდან  
ნაპერწკლები ცვივა ოქროსფრად.  
ჩვენ ძარცვასა და გამოტყორცნას წინ აღვუდგებით და თავს ვუშველით,  
როგორც - ბავშვობის ავ სიზმარში, რომელიც მხოლოდ  
სიცხით გათანგულთ გვიბრუნდება, სადაც ჭაობში  
სნეული შუქი კვლავ ჯიუტად აირეკლება და გულს გვიფლეთავს.

რაო, რაო, ნაზი ჩურჩულით ვითომ არ თქმულა,  
ზემიწიერნი ღიმილით რომ საუბრობენ  
კაცთა გეგმებზე?  
არა, სულებო, მე ხომ კარგად მომეხსენება,  
იქ ყველაფერი სხვაგვარადაა და არა ისე,  
ჩვენ რომ გვკონია.  
მაგრამ ის ვიცი, უღრმესია ერთი ადგილი,  
თავად სიცოცხლეს გარდაქმნის გზით  
რომ გადაადნობს ისევ სიცოცხლედ.

ეს საიდუმლო უსახელოა, წმინდათაწმინდა,  
მას კურთხეული ბაგეც ვერ ახსნის,  
თუმც იგი მაინც შეგვიძლია წარმოვიდგინოთ.

თუკი მან, ღმერთმა, შექმნა სამყარო,  
რომელიც, ვიცით, არის თვითონვე,  
მას გაახარებს ყოვლადქცევა, სანამ ყოველი სახიფათო თამაშ-თამაშით  
ყოველივეზე ჯერ არ გაცვლილა.  
რადგან მკვლევობაც და სიყვარულიც მის სისხლს ხარბად დაეწაფება.  
მის სუნთქვის კანონს ლალად ბაძავს ზღვა უსასრულო,  
უფრო ნახად კი - ხის ფოთლები მისი ყოფნის დიად მსვლელობას,  
ხოლო პეპელა ფრთამესხმული ისე ფარფატებს,  
ჩვენ რომ ვფარფატებთ დასასრულში ჩასაკარგავად.  
და მიგვითითებს საკმაოდ მკაცრად,  
რომ მოკვდავნი გარდასახვის სამ საფეხურს სრულად გავივლით:  
სიჩლუნგის ხანას, ჩაღრმავებას, ბოლოს აღდგომას.

ეს სიგიჟეა, რასაც ახლა მართლა გავბედავ  
და თქვენ გეტყვით, ყოვლისმცოდნენო:  
იმ ადამიანს, განგის წყალი რომ არ შეუსვამს  
და ნილოსისგან არ ყოფილა გამოკვებილი,  
ვერა ძალა ვერ გაურღვევს იმ ვიწრო მიჯნას  
უზარმაზარ ჰორიზონტების, მის თვალის კაკალს  
ცასაც კი მცირედ რომ მოაჩვენებს.  
მაგრამ ღონივრად ზევით აფრენით  
შენ ლურჯ შუშისებრ კედელს გაარღვევ,  
ღია ცის მიღმა აღმოჩნდები და ჩვენც აგვიყვან  
იქ, სადაც სხივთა ნაპირებიდან ნეტარებით გამოიჭვრიტავს  
პირველი სხივი სულთა სადგომის.

იქ წამიყვანე! აღარ დაუშვა - დედამიწაზე

კვლავ დავიბადო ადამიანად!

არც ვაჟიშვილი მინდა ვიყო, აღარც ძმა,  
აღარც - მეგობარი და აღარც – ოი, რომ იცოდეთ,  
რა მართალი ვარ,

როცა სიყვარულს აღარ მოვითხოვ.

რა ტკივილითაც ჩვენ ვარგუნებთ ქალებს სიყვარულს,  
იმ ტკივილითვე მას ვლებულობთ ცხოვრებისაგან.

სიყვარულით სავსე ხელებში, მკლავებს შორის,  
მკერდებს შორის და ამ ქალთა სათუთ გულელებზე.  
ვენების გამო რომ არად ვაგდებთ

ჭკვიანურ აზრებს,

უბიწოებას, ღვთიურობას თავს რომ ვარიდებთ,

მაშინ რატომღა უნდა გვეგონოს, რომ ისინი

თავიანთი ხარბი ტურებით სიყვარულით, გულით გვეკოცნიან?

და სადაც მათში ვიძირებით, იქ არ არის ოქროს უფსკრული,  
თუნდაც იქ ჯვარი გამოსჩანდეს გამოსახული.

საით მისხლტება ახლა ფიქრები, ნუთუ მაცდუნებს

კვლავ მოგონება დედამიწისა? ნუთუ იქამდე

არ ვარ მისული, რომ ლოდინში გარინდებული და სანახევროდ

თვალდახუჭული ვიჯდე ჩანგრეულ ცივ კერიასთან,

სად ცეცხლი ალბათ ჩამქრალია უხსოვარ დროში?

რაკილა თითით შემძილია ცივ ნაცარში ლექსები ვწერო?

აი, ეს ლექსიც რუხ ნაცარში დამიწერია.

ო, მოდი, მოდი! რა დუნედაც უნდა გეძახდე,

ეჭვებით თავი მიმძიმდება

და თავს დაბლა ვხრი: ნუთუ, შენა ხარ,

პირველად რწმენით ანბანის წიგნში რომ შემოგხედეთ?

ნუთუ, ღმერთია ეს საშინელი, მკაცრი მოხუცი,

მისი წვერის დანახვაზე რომ გვაჟრიალებს?

მამაკაცების ტურ-პირს მომდგარ თეთრ და ხშირ წვერში,



თუ განვირისხდა, თეთრი კბილები  
მხოლოდ მაშინ თუ გამოკრთება? არა, ღმერთი სხვანაირია:  
არ არის მამა, არ უყვარს, არ სჯის  
და შენც მისი ანგელოზი არა ხარ, არა:  
არც დიდი ძალის გამოვლენისას,  
არც დაცემისას და არც მერე, წამოდგომისას.  
ვიცი, უხეშად როგორ გამჭიმავ,  
შეუბრალებლად დამაშორებ დღის შუქს, ყვაველებს სამარადისოდ,  
მწვანე მინდვრების ალიონის შუქით შემოსილს.  
მე დამრჩენია მხოლოდ ტკივილი!  
იგი თავზე მზეს ჩამომამხობს  
და სამყაროსაც ზედ მიაყოლებს და მერე მათგან  
ქაოსს, ჩრდილებს, უკუნეთს შექმნის.

## საიდუმლო

ყველაფრის ცოდნა  
აკრძალულია, მაგრამ რასაც  
გუმანით ხვდები,  
იმ ღამის თვალი მოიძიე,  
ვინც ეს აგიხსნა.

ო, საიდუმლოვ მამა-ღმერთის, ძე-ღმერთის და სულიწმინდისა!  
ო, საიდუმლოვ დრო-ჟამისა! საიდან იღებს სათავეს იგი?  
ღმერთის თავიდან?  
მაგრამ ის თავი, ვიცით, არის  
მარადიული,  
მარადისობა უსასრულო დრო კი არ არის,  
იგი ჟამია უდასაბამო,  
ანუ აწმყო, იმ წრის მსგავსი, რომელსაც, ვიცით,  
არც დასაწყისი და არც ბოლო არ გააჩნია  
და საკუთარ თავს უბრუნდება დაუსრულებლად.  
და შიგ ხაზები თუნდაც ჩვენი ხელით გაკავლოთ,  
მხოლოდ იმ ვარსკვლავს გამოსახავენ,  
რომელიც ჩვენში ღვთაებიდან გამობრწყინდება.  
ვიცით, დრო-ჟამში მარადისობის სიო რა არის,  
ისიც არ აღწევს და მაინც მისგან შვა გონმა იგი,  
რადგან ის ქმნიდა, ასე გახდა დროებითი  
თვითონვე გონი და გადაიქცა ზეციურ მამად.  
მიხვდი, ვინ შეძლო ამის ჩადენა: მარადიულმა  
დროებითი გამოაძევა და საკუთარი თავიც შესწირა მსხვერპლად,  
მაგრამ რომელ სიყვარულს? მარადიული  
საკუთარ თავს რად გამოეყო და ქმნას თვითონვე რად მიჰყო ხელი,  
თუ დაამსხვრია წრე წმინდა და ძველთუძველესი,

რომელიც მყისვე იქცა არსებად, ოღონდ უძღურად  
და უძღური უძღურსავე შობს? მაშ, მიხვდი,  
გული ყვირილისგან ვის არ უსკდება!  
ო, გონის ბრალი შესაქმეში! და მაინც გონის სიყვარული შესაქმისადმი!  
ო, მამა-ღმერთის სიყვარული, მარადიულს რომ შეეღვია,  
ეს ძის ტანჯვაზე გაცილებით დიდი მსხვერპლია!  
ო, შიშისზარო უზარმაზარ საიდუმლოსი, რომელიც თითქოს მოკვდავი იყოს,  
გაყმაწვილებულ საიდუმლოში შობას განაგრძობს?

პირველად იყო გონი. მაშ, მამა მხოლოდ გონის ძე ყოფილა?  
და ძე მამისა განა კვლავაც გონს არ წარმოშობს?  
ამაღლებული ეს წრებრუნვა, დაუსაბამო და უსასრულო,  
ჩვენ გაგვანათლებს ძირფესვიანად, და, აი, მაშინ  
წმინდა სამების ყოველი წევრი  
თვით იქნებოდა მამა-ღმერთი, ძე-ღმერთი და თან სულიწმინდა.  
მაშინ გამოდის, იმთ ჩვენ ყოფთ პიროვნებად და გადავაქცევთ დროებითებად,  
თუმცა ისინი არსებობენ უკუნითი უკუნისამდე.  
მაშინ რაღაა იგი ძალა, მარადისობის საუფლოდან  
მათ მიწისკენ რომ ეზიდება?  
რომ იტრიალონ დედამიწაზე, ისე, როგორც ზეციურ ტივზე,  
წელიწადის დედის გარშემო, მზის გარშემო,  
რომელიც ისე წყნარად სულ არ ზის ზეციურ ტახტზე,  
ჩვენ რომ გვეგონია, მისგან და მისი ვარსკვლავებიდან  
გამობრძანდება დრო-ჟამის ღმერთი. ოღონდ იმ გულში,  
სადაც დიდი სიყვარულია, დასადგურებას მოერიდება.

მაგრამ როგორ! მას უყვარს, ვინც ქმნის?  
მხოლოდ მას უყვარს, ვინც თავს გასწირავს.  
მსხვერპლი არის ღვთაების სუნთქვა, და ხშირად,  
რაც კი რამ გვიქმნია, ჩვენი მსხვერპლი  
სწორედ იმას გაანადგურებს. ცოდვის ფესვები

მალლა, ზევით მიისწრაფვიან და თან მიაქვთ  
მსოფლიო ხის კენწეროები.

ნუ მოითმენ, მე რომ მის ქერქს ხელით ვეხები!  
მოთქმა-ვაებას გამომარიდე! რადგანაც იყო განუზომელი  
მამა-ღმერთის მონანიება, ეს იყო მისი მისაგებელი.  
თვით ამ სიტყვაში თუ იგრძენი ძე-ღმერთის სუნთქვა?  
და შენი სული ღრმა უფსკრულში ისე ბზრიალებს,  
როგორც - ფოთოლი ზეთისხილის, მტრედს ოდესღაც რომ დაეკარგა,  
მაგრამ მტრედის თვალს შეუძლია ზემოდან ზვერვა  
მხოლოდ იმიტომ, ღვთის საიდუმლოს ამოცნობა  
ბავშვმაც რომ შეძლოს. მაშ, შენ ამბობ:

მამა-ღმერთი და სულიწმინდა, ღროის ეთერში ჩაყვინთულები,  
უფრო იოლად ჩასწვდებოდნენ ქალწულის სხეულს,  
რათა შემდგომ ღმერთის სახით, კაცით სახით კვლავ შობილიყვნენ,  
მერე მცენარედ, მერე ცხოველად, ადამიანზე აღმატებულებს  
ღვთაებრივში დაბრუნება რომ შეძლებოდათ აღდგომის შემდეგ,  
და, ყველაფრის მიუხედავად, გამოთიშულთ ღვთაებრივის მთლიანობიდან?  
ნუთუ დრო-ჟამი ამ დაცილებით ზეცამდე არ ამალლებულა?  
მანამდე, სანამ სიყვარული ძალას მხოლოდ  
ხელმარჯვენე უზის, მანამ იქნება განშორება მუდამ თავლია,  
და სამებასაც, დამსხვრეულსაც, თვალი ისევ გაუმტერდება,  
თუმც იგი უკვე დაფარფატებს მარად წმინდა და განდგომილი.  
შეიძლება კი სიყვარულიც ასე განგვიდგეს?  
ო, სულიწმინდის უკანასკნელო გაბრძოლებავ ჩვენს დასახსნელად!  
შეხედე, თვითონ სამსახოვნება თავს როგორ სწირავს სიყვარულისთვის,  
თითოეული სულისათვის?  
თუმც ერთი სამად გახლენილია  
და აწვედნს დრო-ჟამს თავის წმინდა მარადისობას,  
იქ ქმნის, იქ უყვარს და იქ ზეიმობს.

## ზიარება

მოძღვარი თესავს  
თეთრ თესლს პირთა  
ღია ხნულებში.

მონანიეთ, მუხლმოდრეკილს  
ყველას არგუნებს.  
უეცრად ხე რომ ამოიზარდოს!

ისე დგებიან საკუროთხველიდან,  
ტყესავით რომ დგას  
ყველას სულებში.

ნუთუ, ლოცვებში შრიალებს იგი? ნუთუ, ტყე ჰქვია  
ტანშიშველ და განტოტვილ ხეებს,  
მწვანე ვარჯი სხეულივით ზედ რომ ჰკიდიათ!

ო! ის სხეული ჩემშია, ჩემში!  
ო! როცა წითლად ამოხეთქავს  
ის ხუთ ყვავილად!

ხის წმინდა ბღვილი, წყლად და სისხლად  
როცა მოწვეთავს! ო, სისხლო, ჩემს სისხლს შემოერიე!  
სისხლის ნაყოფი, ნეტავ, ოდესმე ვით დამწიფდება?

ქრისტე ჯვარზე ჩემში ჰკიდია! შენს ჯვარზე! შენში! ჩვენში, ყველაში!  
ხელით შეეხოს, ვინც კი მისწვდება! სამყოფ მიწას  
ვინ არგუნებს, ნეტავ, თეთრ ფესვებს?

ვინ შეინახავს იმდენ წყალს, რომ იგი მოირწყას?  
ნეტავ, ეთერი კერწერობს ვის უგუგუნებს? და ვის უნათებს საემარისად

შინაგანი მზე?

ქრისტე! არა, იესო ჩვენში! ო, ხელები ანგელოზების!  
ის თქვენ ფრჩხილებს ამოვიბრუნებთ,  
ვისი თითებიც უხვად არის ეკლებით სავსე.

სად მარხავთ იმას? ასეთი გული საკმაოდ ღრმაა  
გარდაცვლილისთვის? საკმაოდ ღრმაა  
ცოცხლად მყოფი ანგელოზისთვის?

ღრმაა მორწმუნე ქალთა თვალთათვის,  
მას რომ აღარ უთვალთვალებენ? მაგრამ იქ მიდის  
ის, უკვე როგორც მათი მებაღე. –

„Ite. Missa est“. ყურს ვინ უგდებდა ორღანის ხმას,  
როცა გარშემო ტყე შრიალებდა,  
მოძაგბავე ტყე ტანგაძარცულ ღიღი ხეების?

ფეხარეულნი როგორ შედიან ღია კარში ტაძრის ორღანის!  
ყოველი კაცი თავისიანს სახლში აბრუნებს,  
ის, ვინც მისი ძარღვების ხეში სამარადისოდ ჩაიკარგება.

იქ სულიერად თავის საქმეს აგრძელებს იგი,  
მაგრამ დიდხანს გრძელდება მხოლოდ  
გარდაუქმნელი არსი თვისი თეთრი თესლისა.

იგი ხელ არ გადაქცეულა. ის კვლავ ღმერთის და  
სულიწმიდის საკუთრებაა, რომელიც ჩვენზე  
გადმოდის, მაგრამ ჩვენ მათით ტკბობა არ გვიწერია.

და დედა ჩვენი, სათნო დედა  
კერას დარაჯობს და ინარჩუნებს  
თავისი თეთრი სიყვარულით.

## სიტყვა

პირველად იყო სიტყვა.

მაგრამ იმ სიტყვებს,  
წარმოთქმა რომ არ შემიძლია, განა არა აქვთ  
ნაზი გრძნობა დედების მიმართ?  
ანდა ნაზ გრძნობას დედისადმი  
სიყვარული არ გააჩნია?  
დელა არა ჰყავს სიყვარულს, რადგან იგი მთლიანად უფალს ეკუთვნის  
და ამიტომაც მხოლოდ ანგელოზს შეუძლია მას მიესალმოს;  
ჩვენ კი არა გვაქვს ამის უფლება. სიტყვები ჩვენი, ეს, ნეტავი რაებს შეთხზავენ?!  
გლოვას კი - არა.  
ისინი კი სიყვარულთან არიან ახლოს და ამიტომაც  
უსიტყვოდ ვდგავართ საფლავის პირას.

უცრემლოდ ვდგავართ. რაო? გრძნობები მალე კვდებიან?  
კვდება უკვდავი სიყვარული მოყვასთ გულებში,  
იქ დააბოტებს შენიღბული მოთქმა-გაება, როგორც  
მოხუცი, დანაშაულს მრავალს რომ მალავს;  
მაგრამ სიკვდილთან როცა წარსდგება, აღიარებას ვერსად წაუვა.  
და ასე დაძრწის ცრემლგამშრალი მიწაწაყრილ ბორცვის გარშემო,  
ზედ გვირგვინების ყვავილები რომ აჭკნებიან. ქვემოთ კი ის წევს,  
ჩაძინებული ჩვენი სატრფო, სული უეცრად  
გაშეშებულ ღია პირიდან საითკენღაც რომ გაფრენია.  
საით, რომელი ვარსკვლავისაკენ, ოქროსლელიან სანაპიროზე  
იისფერი ცის შუქის ზვირთი რომ ენარცხება?  
ვითომ დგანან კი იქ სახლები, სადაც ისინი იცხოვრებენ  
შორს გაფრენილნი? იყურებიან ვითომ სარკმლიდან  
გათეთრებული მათი თვალები?

და დედამიწა

მათთვის ახლა არის ვარსკვლავი?

ვითომ იქიდან გვითვალთვალებენ,

ჩვენ კი ისინი იშვიათად თუ გვაგონდება?

არც შეღონება ჩვენი გულის და არც სისუსტე ჩვენი ნებისა,  
სიყვარულისთვის ძალის არქონა

ჩვენი შერცხვენის და შეცბუნების არის მიზეზი.

თავს იმიტომაც იბურავდა ბერძენთ ხელმწიფე, რომ ასული,  
შეწირული ღმერთების მსხვერპლად,

მან ცხარე ცრემლით ვერ დაიტირა.

ღრმად დაფლული, დაბეჭდული ცისტერნებიდან

სიხარულს უფრო ეიოლება ამონაპოს ცრემლი მრავალი,

ვიდრე - ტკივილს, ღონე მალე რომ ეშრიტება.

და, აი, ასე ვდგავართ საფლავთან,

უძვირფასესი ნეშტი ნელა ქვევით ეშვება

და ჩვენც მივაყრით კუბოს მაგარ, გამხმარ გოროხებს,

იმ გოროხებს, ჩვენ თვითონ რომ ვართ.

და დამალული ჩვენი დაიკო

საკუთარი სულია ჩვენი,

მან მიგვატოვა და იქვე დგას, როგორც უცხო, გადამთიელი,

ჩვენსკენ გულგრილად ზურგშექცეული.

გაოცებული სახით ჩვენსკენ თუ მოტრიალდა,

მას აღენტება თვალში შუქი მკაცრი ვარსკვლავის.

ნეტავი ვინ ვართ,

ვინც ჯერაც ვსუნთქავთ? ანდა ისინი ვინ არიან,

ვინც აღარ სუნთქავს? ვარსკვლავთსიმრავლე

საცხოვრისად ვისთვის მომზადდა? მოკვდავნი

სულთა საუფლოში მარტოდმარტო,

მძიმედ შედიან. სასაფლაოზე დარჩენილი მგლოვიარენი

ხრიოკ კუნძულზე გადმოსხმულთ ჰგვანან.



მათ ეშინათ, რადგან უწყინ - მალე თვითონაც გაშეშებულთ და თვალდახუჭულთ  
პირზე ხროტინი შეაცივდებათ და პირი მათაც დარჩებათ ღია.  
ამბორს ისინი ველარ იგრძნობენ,  
გამოსათხოვრად გაყვითლებულ შუბლზე აღბეჭდილს.  
ხელებსაც, უკვე გალურჯებულს, გულზე დაკრეფილს  
ვერა ამბორი ველარ შეაკრთობს.  
აღარაფერი იმათ ხელებს აღარ უჭირავთ.

ნეტავ ხელებში ჩვენ რა გვიჭირავს? სიყვარულს  
არ სურს რამე ეჭიროს. მას ხომ ამქვეყნად  
ყველაფერი აქვს. სილატაკეს კი  
ხელი ფართოდ გაუშვერია, მაგრამ ამაოდ.  
გულში ვერც სულებს, ვერც სხეულებს ის ვერ ჩაიკრავს.  
მხოლოდ და მხოლოდ ნაყოფიერს მოსდის ცრემლები  
და სიტყვა იგი ეფურჩქნება ძალის სისავსით.  
როგორც პირველად, ისე ბოლოს იქნება სიტყვა  
და მას შესაქმე კვლავ ღვთის გულში მიუჩენს ბინას.

# დანარბი

# ანტონ ვილდგანსი

## შემოქმედებითი აღმავრენისა და ხელოვანის შრომის შესახებ

სიტყვა, წარმოთქმული ვენის მეცნიერებათა აკადემიაში  
1929 წლის 21 მარტს, წიგნის დღეს

ვისაც კი, ერთხელ მაინც, საკუთარ თავზე გამოუცდია ის გზნება, რომლისგანაც უეცრად ამოიმართება ხოლმე ახალი პოეტური ნაწარმოების კონტურები, ისევე, როგორც შეიარაღებული ათენა პალადა ამოიზარდა ზევსის თავისგან, და ვინც თვინიერად ემორჩილება იმ მიუწვდომელს, რომელმაც სწორედ ის ამოირჩია თავის იარაღად, დაფიქრებულა აღბათ იმაზე, რომ ადამიანები მხოლოდ წამიერად შეიგერძნობენ, მიილტვიან თუ საუბრობენ ერთმანეთთან, ცალი ყურით უსმენენ ერთმანეთს და მათმა უმრავლესობამ არც კი იცის საერთოდ, თუ რა ხდება იმ ადამიანის გულში, რომელთანაც ისინი, ხშირად მთელი ცხოვრების მანძილზე, იყოფენ ოთახს, ლოგინს და ყველანაირ საზრუნავს. რომ აღარაფერი ვთქვათ იმ ცოდნაზე, რაც მათ გააჩნიათ იმათ შესახებ, ვინც საერთოდ არ ხვდება მათი მხედველობის არეში. მაგრამ მათ შორის იმყოფება ერთი **ვინმე**, ვინც ისმენს მათი სიტყვების მიღმა, იყურება მათი გამომეტყველების იქით, რომელსაც შუბლია ახსნას შუა ლაპარაკის დროს ჩამოვარდნილი შეჩქვივებული სიჩუმე და ერთმანეთისთვის ნატყორცნი წუთიერი მხერა და რომლისთვისაც ერთი რომელიმე დედაკაცის ბაგეზე გამოსახული მიმქრალი თუ იქედნური ღიმილისა თუ ერთი რომელიმე მამაკაცის ჩამწყდარი ხმისგან იქმნება ისეთი ტრაგედია, რომელიც მარტო ამ ორ პიროვნებას კი არ მოიცავს, არამედ ბევრ სხვასაც, და, შეიძლება ითქვას, - ყველას.

და კიდევ ერთი: მთელი თაობები ცხოვრობენ ერთსა და იმავე დროში. ნიშანი და სასწაული ხდება ყველას თვალწინ, მაგრამ ეს მილიონები ვერ ამჩნევენ ვერც ნიშანს და ვერც სასწაულს. და **რომც** შეამჩნიონ, მაინც ვერ მიხვდებიან, თუ საიდან მოვიდა და რას მოასწავებს იგი. მაგრამ მათ შორის არის ხოლმე **ვინმე**, ვისთვისაც ყველა ეს უჩვეულო კავშირი ხილული და ცხადია. კავშირი, რომელიც მან ხელოვნების იმ ხერხით უნდა შეინარჩუნოს, რომელიც ისევე აუხსნელი სახით მიეცემა მას, როგორც სმენის, ხედვის, ან შეგარძნების უნარები; და ეს იმ დროს, როდესაც სხვა დანარჩენი არის ყრუ, ბრმა და მუნჯი. სა-

---

Anton Wildgans. *Gesang vom Menschen*. Stiasny Verlag, Graz 1959, S. 68-71.

მყაროს აღსასრული, ახალი ერა, ისტორიის რომელიმე დიადი ეპოქა მას უეცრად წარმოუდგება ხოლმე ამღვრებული ან – ეპიკური ნაწარმოების თავებად გარდაქმნილი და აზრობრივად მოწესრიგებული.

და კიდევ, მესამეც: დედამიწის არსებობის მანძილზე, ყველა საუკუნეში, უთვალავ ადამიანს უნახავს დილა-საღამოს მზის ამოსვლა და ჩასვლა, განუცდია სიყვარული, მიღწეულით სიამაყე, უარყოფით გამოწვეული ტანჯვა და მონატრების სიტკბო თუ სიმწარე. მრავალ მათგანს უგრძენია, მრავალნი კი დღესაც გრძნობენ რაღაც მოუხელთებელს, იღუმაღს, მარადიულს, რომელიც ცოცხლობს ამ სინამდვილისა და წარმავალის მიღმა. ენა დამძიმებული აქვთ იმით, რასაც შეიგრძნობენ, მაგრამ ვერ გამოუთქვამთ. მაგრამ მათ შორის ყოველთვის არის ხოლმე **ვინმე**, ვისაც საიდანდაც, ალბათ მაინც სისხლისმიერი სიღრმეებიდან, ებობება ხოლმე უეცრად ის სიტყვები, რომლებიც უმტკივნეულოდ და კანონზომიერად, პირველადვე და გამონაკლისის გარეშე, ემორჩილებიან მას და – ახალ რითმებად და თანახმიანობად აჟღერებულნი – იკვრებიან სიტყვათა მელოდიად, ლექსებად!

ის, **რომ** ეს ასეა და **რომ** ასეთი რამ ემართება მარტო ამ ადამიანს, და ეს მაშინ, როცა ათასობით სხვა მოკლებულია ამას, ისეთივე სასწაულად შეიძლება ჩაითვალოს, როგორც არის დაუზიანებელი ღივებადობა პირამიდული ხორბლის სათესლე მარცვლისა, ან – ინდივიდუალურ მონაცემთა მექანიკური თვითობა ფოტოპლანქტონის მეშვეობით, ან – დედამიწის არსებობა თუ ვარსკვლავთა სახეცვლილებანი. ხოლო იმის პასუხი და მადლიერება, ვისაც ასეთმა სასწაულმა მუშაობის წყურვილი გაუღვიძა, უნდა გამოიხატებოდეს შრომაში!

რა ხდება ხოლმე, როდესაც, ამასთან დაკავშირებით, ლაპარაკი იწყება შრომაზე, რა იგულისხმება ამ, ერთი შეხედვით, კეთილგონიერი და დამრიგებლური სიტყვის მიღმა? პასუხი, რომელიც მხოლოდ ხატოვანი და ქარაგმული შეიძლება იყოს, ჟღერს შემდეგნაირად: სახეზეა მოვლენა, რა მნიშვნელობა აქვს, მსოფლიოს აღსასრულს შეეხება საქმე თუ ბალახის ღეროზე გარინდებულ ნამის წვეთს, და ამ დროს დიდი შფოთი ისადგურებს ამ მოვლენის გმირის სულში, ხმათა და სხეულთა, ადამიანურ სახეთა და სიტყვათა შფოთი. და მერე დგება წამი, რომელსაც ისე ვერ ეღირსები, თუ არ გააღვიძე და ხვეწნა-მუდარით კალთები არ დააგლიჯე; და, აი, უამრავი მუხრუჭითა და ნაკლოვანებით შემოსაზღვრულ სიმაგრეს გადმოხეთქავს გათავისუფლებული ნიაღვარი და ფურცელ-ფურცელ დაიფარება დაბანგულივით ფეხმოცელილი თუ რის ვაი-ვაგლახით დაურჩებული ასოებით, თითქოს გაუჩერებლად ბადიას ეზიდებოდეს ვინმე დაუშრეტელი ჭიდან, ან კარნახი ისმოდეს გარედან, ზემოდან. ეს არის აღმაფრენა. ამის შედეგია მხატვრული ნაწარმოების მონახაზი, ან სულაც ჩანაწერი. მაგრამ არის კი ეს უკვე ნაწარმოები? არსებობენ მწერლები, რომლებიც ამით იკვებნიან, მაგრამ რეალური შედეგები სულ სხვა რამეზე მეტყველებს. სინამდვილეში, თუკი საქმე არ შეეხება მცირე ზომის ლირიკულ ლექსს ან სასიყვარულო სცენას რომანსა თუ პიესაში, სიმათლე უფრო ის არის, რომ იმ პირველმა ნიაღვარმა მოშალა და ამ გიჟური სრბოლისას თან წამოიყოლა უამრავი დანალექი დაუსრულებლობისა, ტალახი სრული ხელმოცარულობისა, უამრავი ფესვებიანად მოთხრილი ხე მეორეხარისხოვნებისა, სა-

ეჭვო საგუბარი შემთხვევითობისა. შეიძლება, ზოგიერთ ადგილას ეს დინება ისე დაიწმინდოს, რომ ფსკერზე კენჭის დათვლაც კი შეიძლებოდეს; ხანდახან შეიძლება ისე დაეუფლოს თავს და გაიყურსოს, რომ შინაგანად ნაგრძობის თითქმის სრულყოფილად გადმოცემაც კი შეიძლოს. მაგრამ **სხვა** ადგილას მანაც აიძვრება, დაიშლება და განტოტდება, ნაპირიდან გადავა, მიიღევა და ხანდახან სრულად გაიჟონება ხოლმე ნიადაგში გარკვეული პერიოდის მანძილზე. ამ დროს ხდება იგი სწორედ იმაზე დამოკიდებული, ვისგანაც გაითავისუფლა თავი, სწორედ მან უნდა გაუღრმავოს სადინარი და დააგუბოს, მან უნდა აუშენოს დამხმარე ნაგებობა და თავი სწორად მიუქციოს, უწინარეს ყოვლისა კი, იმაზე იზრუნოს, რომ შეუფერხებლად და აუძვრევლად დაუბრუნდეს იმას, საიდანაც გადმოედინა: ღმერთს!

ეს არის სწორედ ხელოვანის შრომა. მისი მიზანია დაუნდობელი თვითკრიტიკის, მხატვრული აღქმის უნარისა თუ პროფესიული ოსტატობის დახმარებით მის მიერ სიტყვადქმნილი ნაწარმოები სრულად დაამსგავსოს იმ ხილვას, რომელიც თავიდან მოეკლინა და წარმოადგენდა განგების საჩუქარს. მუშების მიერ შთაგონებული შემოქმედებითი აქტის **ეს** ფუნქცია კი შეიძლება მართო, მაგრამ შთაგონებას ვერ უბრძანებ. მაგრამ ხომ ურევია რაღაც ადამიანური იმაში, რაც ყველა სხვა შემთხვევაში მხოლოდ წმინდა ღვთიური იქნებოდა! და სწორედ ამ ადამიანურს ვუმაღლით ჩვენ იფიგენიას სალექსო ფორმას, ან – იმას, რომ თავდაპირველი ოსტატისგან შეიქმნა “ვილჰელმ მაისტერის სწავლების წლები” და თავდაპირველი ტრაგიკული ფაუსტისგან – ტრაგედიის პირველი და მეორე ნაწილები.

შეიძლება თუ არა ამ გზით – ამ კითხვის დასმა ხომ მანაც შეიძლება – შემოქმედებითი აღმაფრენა შეიცვალოს ხელოვანის შრომით? ვაცხადებ გადაჭრით და ერთმნიშვნელოვნად: არასოდეს! არ არსებობს იმაზე მცდარი გამონათქვამი, რომელიც ამტკიცებს, რომ გენია არის სიბეჯითე. რადგან უნიჭოსა და ზოგიერთ შემთხვევაში გრაფომანის სიბეჯითის შედეგი მუდამ არის მკვდრადშობილი ქმნილება. ამავე დროს, ხელოვანის შრომას, გარდა იმისა, რაც შეიძლება მიღწეულ იქნას თვითკრიტიკის, მხატვრული აღქმის უნარისა თუ პროფესიული ოსტატობის დახმარებით, გააჩნია სხვა ეფექტიც:

ის, რაც ყოველთვის იწვის და იღაგება ნაწარმოების სამსახურში; ის, რაც მუდამ და მუდამ მოითხოვს ყველაფერ იმის მტანჯველ უარყოფას, რასაც ადამიანური ბედნიერება ჰქვია; ის, რომლის პროცესშიც შესაფერისი ეპითეტის პოვნა შეიძლება იქცეს დღის მთავარ მოვლენად, უმნიშვნელო შეფერხება კი – უამრავ ჯოჯოხეთურ ღამედ: ეს ყველაფერი არის ხელოვანის შრომა. მართალია, ის ვერასდროს გაუთანაბრდება შემოქმედებით აღმაფრენას, მაგრამ მას შეუძლია გაუმზადროს ამ აღმაფრენას გზანი სავალნი. ბოლოს და ბოლოს, განა მხოლოდ მას არ ძალუძს იმ კურთხეული მღვთმარეობის გამოწვევა, რომლის გარეშეც სულ იოლად გამოგვეპარებოდა ის წამი, როცა ზეციური სასიძო მოდის ჩვენთან სტუმრად?

## ჭეშმარიტი ხელოვნებისა და უცხო ენების შესახებ

ინგლისელებს, ფრანგებს, ბელგიელებს, რუსებს, ან ბალკანელ წერა-კითხვის უცოდინართ, ანუ ყველა იმ ხალხს, რომელმაც ბრძოლის ველზე ვერაფერს მი-აღწია, სურს კი, რომ საკუთარ თეატრებში მაინც, და შეძლებისდაგვარად იაფად, დაიკმაყოფილოს შელახული თავმოყვარეობა? წარმატებულ ხალხს არ სჭირდება მსგავსი თამაში ეროვნულ გრძნობებზე. არაფერს ვიტყვოდი, თუკი თავიანთი შო-კინიზმის გასაღრმავებლად ფრანგები ყველა ქალაქში შილერის „ორლეანელ ქალწულს“ წარმოადგენდნენ. გერმანელებს კი ეს არ სჭირდებათ. პატრიოტიზმი ისეთი რამაა, რაც თავისთავადია, წმინდაა და არ არის საჭირო მისი იმ დოზით მოწოდება, გაუთლელი და გარეგნულ ეფექტს გამოდევნებული სცენის ხელოსნები რომ მიიჩნიევენ საჭიროდ. სამწუხაროდ, ბევრ ქალაქში ახლა ჩვევად იქცა „პატრიოტული“, ანუ ყოველგვარ მხატვრულ ღირებულებას მოკლებული პიესების თამაში, რომელთა მთავარ დანიშნულებას წარმოადგენს მამულიშვილური გრძნო-ბების გაღვივება. ნამდვილად პატრიოტული კი მხოლოდ ჭეშმარიტი ხელოვნება შეიძლება იყოს; კლასიკის ნებისმიერი სიტყვა ბევრად უფრო პატრიოტულია, ვიდრე ლაუფის ან ბლოემის მთელი შემოქმედება, რომ აღარაფერი ვთქვათ სი-სხლში ხელგასვრილ სხვა მედროვე პოეტთა უხეირო ნამუშევრებზე. ყველანაირ მტკიცებულებაზე მეტად ამის სასარგებლოდ მეტყველებს ის, რომ კლასიკის კო-მედია „გატენილი დოქი“ გამოუთქმელად უფრო მეომრული, შემტვევი, მამაკაცური და მშობლიურია, ვიდრე პოპულარულ თუ საგანგებოდ პატრიოტული მიზნებისთვის შექმნილ დეკორაციათა ყველა რევიუ თუ ჯარისკაცული პიესა. ჩვენს კლასიკოსთა მიერ შექმნილი დრამები ქმნიან ხელოვნებას, თანაც გერმანულენოვანს, რასაც, უდიდესი სურვილის შემთხვევაშიც კი, ვერ იტყვი ნამუსგარეცხილ მედროვეთა, ვითომდაც პატრიოტულ, სკანდალურ და ხმაურიან პიესებზე. მოკლედ და კონ-კრეტულად: გამოქვეყნლ საქმოსანთა მიერ დადგმული ყველა ეს მასობრივი წარმოდგენა სხვა არაფერია, თუ არა „პატრიოტული“ ბაქი-ბუქი და ისეთი სისუ-სტის მანიშნებელი, რომელსაც კონკრეტული საფუძველი არ გააჩნია. კიდევ ერთხელ გავიმეორებთ: ჭეშმარიტად პატრიოტული და ხალხის უჭკნობი ყვაილობის მაჩვენებელი შეიძლება იყოს მხოლოდ ხელოვნების ნაწარმოები.

---

Albert Ehrenstein. *Werke*. Band 5. Herausgegeben von Hanni Mittelman. Wallstein Verlag, Göttingen 2004, S. 73-77.

ჩვენ ვცხოვრობთ ერთი საგანგებო გამოცემიდან მეორემდე. კომმარულ სიზმრებში კი საკუთარი ახლობლების დაჭრასა და მკვლელობას ვხედავთ. მაშასადამე, ვერც ძილში ვისვენებთ. ჩვენ გვჭირდება მოღუენება. კვირაში ერთხელ რომ თეატრში მივალთ, იქ მაინც არ უნდა გვიხსენონ ომი: ორ საათში იქიდან გამოსულელებს ზომ მაინც ზღურბლთან დაგვიხვედება და გაზეთის გამყიდველთა გამყინავი შეძახილებით შეგვახსენებს თავს. გარემომცველი სამყაროს დროდადრო დავიწყების ამ სურვილში სულაც არ გამოსჭვივის მეტისმეტი მგრძნობიარობა ან სისუსტე. ზოგიერთ, პოეტური მადლით გამორჩეულ, სცენაზე წარმოთქმულ სიტყვას მართლაც შესწევს იმის უნარი, რომ აგვამალლოს ყოველდღიურობაზე, ადამიანურ სისუსტეებსა თუ სხვა ამქვეყნიურ პრობლემებზე და გვაზიაროს ერთადერთს, ღვთიურს, მარადიულს. განა ამ თქვენს დიდ მსახიობებს, მართლაც რომ ნამდვილ პატრიოტებს, სიამოვნებთ კი, რომ იძულებულნი არიან ამ სასაცილო პიესების პატრიოტული გრიმი იკეთონ?! ისეთი პათეტიზმია, ვეღარ გაიგებ, თეატრის ომია თუ ომის თეატრი! ამ ვაშაპიესებში ატეხილი უგვანი ბათქა-ბუთქი კრიტიკოსს მხოლოდ იმას თუ მოაგონებს, რომ მშვიდობიან დროში იგი ქვას ქვაზე არ დატოვებდა ამ პიესისგან. მაგრამ ახლა თავს ერევა ზოლმე, მადლიერებას ადავლენს იმ გაბედულთა მიმართ, რომლებიც უძლებენ არა მარტო სიტყვების, არამედ ტყვიების წვიმასაც, თანაც ისე, რომ თვალსაც კი არ ახამხამებენ. რამდენიმე თვის წინ მწერალს და მსახიობს ხუთი აქტის განმავლობაში ასე ამკარად რომ გამოემქლავნებინა ასეთი, უკვე ძვალ-რბილში გამჯდარი, გულგრილობა, ეს კრიტიკოსი ისე გავარდებოდა მანკობელ კაფეში, რომ პროლოგის გასვლასაც კი არ დაელოდებოდა. ახლა კი გვირუღად უძლებს ამ აგრესიულ სისულელეს, ძრწოლვით მოელის ახალგაზრდული გემოვნების სრულ დაცემას და გულმხურვალედ შესთხოვს აპოლონს და მასთან ერთად ყველა მუზას მხოლოდ კლასიკური, მხატვრული სპექტაკლების მოვლინებას; ანუ ჭეშმარიტად გერმანული და ამდენად, მხატვრული თვალსაზრისითაც, პატრიოტული ნაწარმოებების.

მაგრამ ეს უნაყოფო სულიერი მოძრაობა, რომელიც მოითხოვს მხოლოდ ტენდენციურ და პლატონურ აზროვნებას და არ ენაღვლება, თუკი ამას შეეწირება გერმანული ან სხვა ხელოვნება, მარტო თეატრში როდია გამეფებული. ქუჩა გადაჭედლილი ისეთი ხალხით, რომელიც პატრიოტიზმის ამ თავისთავად ნაგულისხმებ, ბუნებრივად თანდაყოლილ გრძნობას ასე უხამსი ფორმით აამკარავებს. სამწუხაროდ, ავსტრიაში არ იგრძნობა ისეთ ადამიანთა ნაკლებობა, რომლებიც მხოლოდ გარეგნულად ირგებენ ამ შავ-ყვითელ სამოსელს, არც აბსოლუტურად მშვიდობიანად განწყობილი ისეთი ინდივიდებია ძნელი მოსაძებნი, რომლებსაც სჯერათ, რომ ამ შავ-ყვითელი ხერხით მოახერხებენ იმის დამტკიცებას, რომ ისინიც საჭირონი არიან და მათ არსებობასაც აქვს აზრი; მგავს მტკიცებულებას ზომ მათი ეგონისტური ბუნება და ჯიბე ამაოდ ელოდა უამრავი საქველმოქმედო დაწესებულებისგან. ეს პატენტპატრიოტები იმაზე კი არ ფიქრობენ, რომ მხოლოდ იმას აქვს უფლება, ქვეყნის ეროვნული დროშის ფერებით შეიმოსოს, ვინც მზად არის, ნებისმიერ დროს გასწიროს თავი. ასეთები კი მხოლოდ მეომრები და სანიტრები არიან. ჭეშმარიტ მაშულიშვილად და ადამიანად ზომ მხოლოდ ის შეიძლება ჩაითვალოს, ვინც რაიმე ფორმით გამოხატა საკუთარი თავგანწირვა.

შეიძლება, საკუთარ თავში ამ საყოველთაო ჩაღრმავებამ და უკან დაბრუნებამ მართლაც გამოიწვიოს გარდატეხა სამშობლოს სიყვარულთან მიმართებაში. ამან კი მომავალში უნდა დაიცვას ჩვენი ახალგაზრდობა ყოველად მოუხმარი უცხო ენებით ზედმეტი გადატვირთვისგან. აქ მე უნდა დავაყენო სასკოლო და აღმზრდელობითი პროგრამებიდან რომანტიკული ელემენტის, კერძოდ, ლათინური და ფრანგული ენების ამოღების საკითხი.

ყოველმა მეტ-ნაკლებად რიგიანმა გიმნაზიელმა იცის, რომ რომაელები იყვნენ ლიტერატურულ ორიგინალობას სრულიად მოკლებული ეპიკონები. შესაბამისად, ათასობით და ათიათასობით მოწაფე თუ სტუდენტი არსებობს, რომელიც თავისუფლად გადათარგმნის მათ – და არა ჩვენს – ჰორაციუსს თუ ყოველად მდარე ლიბიუსს, მაგრამ, სამაგიეროდ, არ ესმით ჩვენი მისტიკოსების საშუალოზემოგერმანული, არადა ისინი ხომ ლათინებზე უფრო საჭირონი არიან ყველა გაგებით, იქნება ეს რელიგიური, ეთიკური თუ ფილოსოფიური. უსამართლოდ სულ უფრო და უფრო შევიწროებული ბერძნული კი, პირიქით, შემოქმედებითი და პოეტური ნიჭით დაჯილდოებული, ავტოქტონური კულტურის მქონე ხალხის ენაა. თავდაჯერებულ ელინებს ხომ აზრადაც არასოდეს მოუვიდოდათ, რომ მათ მიერ აღზრებული რომელიმე კულტურული ხალხის ისეთი ენა შეესწავლათ, როგორცაა ბაბილონური, სპარსული ან ეგვიპტური; არც დიდ ჰიპოკრატეს უფიქრია იმაზე, როგორ გავამდიდრო ჩემი საუბარი ქალღმერთი გამონათქვამებითო. ამ დროს კი ჩვენში მიღებულია, რომ ექიმმა აუცილებლად უცხოური ტერმინოლოგია უნდა გამოიყენოს; გაუგებარია, რატომ არ უნდა შევერძმოდლოთ ძველისძველი ენებით მოსწავლე-ახალგაზრდობის გადატვირთვის კულტს და რატომ არ უნდა დავეკაყოფოდეთ მხოლოდ ყველაზე აუცილებლის სწავლებით. ჩვენთვის უაღრესად დასანანი იყო და ბევრი დროც შეიწირა იმან, რომ ალექსანდრემ დაწვრილებით გამოიკვლია სპარსეთის სამეფოს ყველა ის სისუსტე, ჯერ კიდევ მისმა (იდეურმა) წინამორბედმა ქსენოფონემ რომ დაადასტურა ათი ათასი ბერძენის დახმარებით, ნაცვლად იმისა, რომ მთელი თავისი ენერგია მიემართა დასავლეთისკენ და ამით ჩვენთვისაც აუცილებინა ამ ღარიბული ლათინური ენის შესწავლის აუცილებლობა... მაგრამ ალექსანდრე თუ შეცდა და ასე არ მოიქცა, ჩვენ მაინც შევეშვით ამ ფუჭ საქმეს და ნულარ გავფლანგავთ ტყუილად დროს: თუკი არ გვინდა, რომ დავადასტუროთ ჩვენი ენისა თუ სამართალმცოდნეობის სიმწირე, მაშინ მშობლიური ენა უნდა გავათავისუფლოთ იმ ცნებებისა და გამონათქვამებისგან, ასე რომ ეპიკურფასება მკვდარი კულტურის მოყვარულ ზოგიერთ იურისტსა თუ მქადაგებელს. ვინც მომავალზე ფიქრობს, ის უნდა შეელოოს ვადაგასულ ხარახურას! უპირველეს ყოვლისა კი, წესად უნდა დამკვიდრდეს ის, რომ ავსტრია-უნგრეთის არაგერმანულ სკოლებში ყოველგვარ ძველ თუ ახალმოდურ უცხოურ ენებზე მაღლა ყოველთვის იდგეს გერმანული ენა!

რა თქმა უნდა, დღესდღეისობით ჩვენთვის ფრანგული ენა ბევრად უფრო საჭიროა, ვიდრე ლათინური. და არა იმიტომ, რომ თანამედროვე ადამიანები საუბრობენ ამ ენაზე. თუმცა, ახალგაზრდობის გათავისუფლება მარტო იმაში კი არ გამოიხატება, რომ აღარ ვაიძულებთ იმ ხალხთა ენების შესწავლას, რომელთაც,



რომაელების მსგავსად, **ფასდაუღებელი** როლი ითამაშეს კაცობრიობის ისტორიაში; არამედ აღარც დაღმავლობის გზაზე მღვარი, 40 მილიონიანი ხალხის ენა უნდა მოვახვიოთ მათ თავზე. შერჩევითობის კანონი გვაიძულებს და უნდა გვაიძულოს კიდევ, რომ მასობრივად ხმარებულ უამრავ კულტურულ ენას შორის მხოლოდ იმას მივანიჭოთ უპირატესობა, რომელიც მარტოოდენ სასწავლო მასალად კი არ გამოგვადგება, არამედ ყველანაირად დაგვეხმარება თვითდამკვიდრებაში. თუკი კაცობრიობის მომავალი კეთილდღეობის პერსპექტივიდან ამოვალთ, მკვდარ ენათა შორის მხოლოდ ბერძნული თუ იმსახურებს კვლავაც მოფრთხილებას. ომის შემდეგ მსოფლიო ეკონომიკაზე გაბატონების სურვილი დედამიწის მოსახლეთაგან შეიძლება ჰქონდეთ მხოლოდ ანგლოამერიკელებს და აზიელებს. შექსპირის ენას აუცილებლად ექნება უპირატესობა ბოლშევისა და ვერლენის იდიომებთან შედარებით. შეიძლება, ამ მდგომარეობაში ჩაყენებული მოსახლეობისთვის ძნელი გასაგები აღმოჩნდეს ის ფაქტი, რომ მომავალში ფრანგული ენა მხოლოდ დიპლომატების ურთიერთობის საშუალებად, თანაც კომპრომეტირებულად, იქცეს. რაც შეეხება მოგზაურებსა და ვაჭრებს, მათთვის უფრო ხელსაყრელი იქნებოდა, თუკი შეისწავლიდნენ ესოდენ გავრცელებულ აზიურ დიალექტებს და მოითხოვდნენ დასავლური აზიური ენების, კერძოდ რუსულის, ან სულაც ჩინურის სწავლების შემოღებას.

მაგრამ ამ ომს და მისშემდგომ პერიოდს, ამ სასტიკ და დაუნდობელ დროს არ უნდა შეეწიროს შემოქმედება. შემოქმედებაში არ ვგულისხმობ თეოდორ კორნერის საღარ იმ სტრუქტურებს, რომელთაც ზოგიერთი თავზეხელაღებული პოეტი, ენთუზიასტი პატრიოტი თუ ყოჩაღი დილექტანტიც კი დღესაც აწერს ხელს. მაგრამ თუკი თეატრი დაემორჩილება ამ ყოველად უსარგებლო და ბარბაროსულ განწყობას, ათასობით ულუკმაპუროდ დარჩენილი მხატვარი, არქიტექტორი თუ მწერლი ჩათვლის, რომ ისინი ფუფუნების საგნების გამო გაიწირნენ და არსებობის ყველანაირი უფლება მოესპოთ. დღეს, ამ წიგნთმოძულე ხანაში ხომ მხოლოდ თეატრი წარმოადგენს იმის ერთადერთ მტკიცებულებას, რომ კვლავაც არსებობს შემოქმედებითი მისწრაფება. მისი დამსახურება იქნება სწორედ ის პატივი, უნივერსალურ ევროაზიურ განათლებას რომ მიეგება მომავალში; მისი დამსახურება იქნება სწორედ, რომ არავინ დაივიწყებს გარდასულ დროთა გერმანულ მისტიკოსებსა თუ პოეტებს.

## სიტყვა ახალგაზრდა ხელოვანებისადმი

კაცობრიობის გამჭრალ ან გაჭრობის პირას მისულ არცთუ მცირე ავლადიდებას, რომელსაც თავის დასასრულს მეცხრამეტე საუკუნე სათანადოდ ვეღარ პატრონობდა, თუმცა ეს ავლადიდება ჯერ კიდევ შემორჩენოდა, მიეკუთვნება ესთეტიკაც, მოძღვრება მშვენიერების შესახებ. მართალია, ამ საგანზე დაწერილი წიგნების უმრავლესობა დღეს აღარ გამოდგება, მათ შორის ლამის – გოეთეს თხზულებანიც კი ხელოვნების შესახებ, მაგრამ კანტმა, ლესინგმა, განსაკუთრებით კი შილერმა თავის დროზე მანც დაადგინეს ჭეშმარიტებანი, რომლებსაც დღეს, ფაქტობრივად, აღარავინ იყენებს. მშვენიერება საერთოდ სათუო რამ არის და სწორედ ეს სათუობაა, რაც ევროპული ხელოვნების დღევანდელ მდგომარეობას განაპირობებს.

რომელიღაც ორიენტალურ ჟურნალში ერთი აზიელი მწერლის ნარკვევს წავაწყდი, რომელსაც სათაურად ჰქონდა “როდიდანა ავად ევროპული მწერლობა?” ახლა ზუსტად ვეღარ ვიხსენებ, ეს დიდად ნაკითხი ავტორი რა თარიღს გვთავაზობდა, მაგრამ რაკი ბოლდერს, რემბოს, ფლობერს, ნიცშესა და დოსტოვესკის ახსენებს, ალბათ მეცხრამეტე საუკუნის მეორე ნახევარი იგულისხმებოდა, როცა რაღაც ავადმყოფური ან ავადმყოფობით დაღდასმული რამ შემოიჭრა ხელოვნებაში. იმ წამს, როცა კლასიკურობას ახალი ელემენტი დაუპირისპირდა, რომანტიზმი იქნებოდა ეს თუ ნატურალიზმი, შეიცვალა საზომი, რასაც ხელოვნებისთვის უპირველესი მნიშვნელობა აქვს, სახელდობრ, ფორმის, პროპორციისა და კომპოზიციის საზომი, და ეს ცვლილება აუცილებელია, რადგან იგი – პრესტიჟორიული ხანიდან მოყოლებული ვიდრე ჩვენს დრომდე – ყველა კულტურაში მჟღავნდება, როგორც განმეორებადი მოვლენა, საიდანაც გამომდინარეობს, რომ სტილთა თანმიმდევრობა კანონზომიერია. მშვენიერება, როგორც ჰარმონიის გამოვლინება, ხანმოკლეა, ამ სახით იგი ერთ რომელიღაც მომენტში იჩენს თავსო, მითხრა ერთხელ ჰანს კარლსამ, როცა პალერმობი, ლამით ზღვისპირას გასულები, მეხუთე საუკუნის საბერძნეთზე ვსაუბრობდით. ხელოვნების ყოველი ასეთი დიდი ეპოქა მხოლოდ მცირე ხნით ასაზრდოებდა კაცობრიობას. გამონაკლისია ვენეციური მხატვრობის ხანგრძლივი პერიოდი, რომელიც ზემოხსენებულ კანონს ემორჩილება, რაკი იგი ტიციანის ჰარმონიის შემდეგ ტინტორეტოს, ვერონეზესა და ტიპოლის შემოქმედებაში ფერთა უფრო ლალ მუსიკას აძლევს გასაქანს.

---

Felix Braun. *Anrufe des Geistes*. Verlag Styria, Graz, Wien, Köln 1965, S. 9-24.

თუკი მშვენიერებას ჰარმონია ქმნის, როგორც ეს ბერძნულ ხელოვნებაში, იტალიურ რენესანსში და მეცხრამეტე საუკუნის ცალკეულ ქმნილებებში დასტურდება, მაშინ იგი ისეთ უაღრესად ანალიზურ ეპოქაში, როგორც ჩვენია, შენარჩუნებული ვერ იქნება, მაგრამ სამაგიეროდ არსებობს მონუმენტალიზმის ხელქმნილი მშვენიერებაც, როგორცაა ეგვიპტური ქანდაკებები და, აი, მეოცე საუკუნის სურვილები სწორედ მას უახლოვდება. მესამე ტიპის მშვენიერება სულის მშვენიერებაა, რასაც მოწმობს რომანული და გოტიკური საუკუნეების ხელოვნება. ბიზანტიური ხელოვნება ჯერ კიდევ კლასიკურად შეიძლება ჩაითვალოს, სადაც, სხვათა შორის, გონი ჯაბნის ფორმას, ხოლო ბაროკო მოძრაობის სასარგებლოდ მსხვერპლად წირავს მუსიკალური თუ რიტმული მშვენიერების აზრსა და ფორმას. აქედან გამომდინარე, ვინც ბაროკოს ხელოვნებაში, ხოლო მოგვიანებით რომანტიკულ პოეზიასა და მხატვრობაში იმ “სნეულს” დაინახავს, მას აღარც კი გაემტყუნება. და მაინც, სანამ ხელოვნება საკუთარ, გამორჩეულ ინსტანციად რჩება, სანამ რელიგიისა და სხვა სულიერი სფეროების გარდა მას სხვა უცხო არაფერი ეკარება, მანამ ღირებულებების რღვევის სიმპტომი მას არ გამოაჩნდება.

არისტოფანეს სასტიკი თავდასხმები ევრიპიდეზე, საბერძნეთის მესამე და უკანასკნელ ტრაგიკოსზე, დღეს უფრო გასაგებია, რადგან იქაც ესთეტიკაში მომხდარ ისეთივე ცვლილებებს ეხებოდა საქმე, როგორსაც დღეს ვხედავთ. ევრიპიდეს დრამებში ბედისწერის ძალა ახსნილია და ამდენად – შესუსტებულიც, მაშინ, როცა ექსტილეს და ჯერ კიდევ სოფოკლეს ტრაგედიებში იგი ერთ მთლიანობას წარმოადგენდა. იქ, სადაც რელიგია ეჭვმიტანილად ბატონობს ადამიანებზე, ხელოვნება გაუბზარავია და მთლიანი, როგორც იყო ეგვიპტური, ბერძნული, ბიზანტიური, შუა საუკუნეების, ჯერ კიდევ რენესანსის, მეჩვიდმეტე საუკუნის პოლანდიური, ნაწილობრივ ბაროკოს ეპოქისა და ცალკეული გვიანდელი მხატვრების შემოქმედება. პირველივე დატყვევა ამღვრევს კონცენტრაციას. მისგან მომდინარეობს სურვილი, მოაწესრიგონ ადამიანის ქმედებანი, განიზილონ, ახსნან ისინი და რა ზომითაც ვითარდება სულისმცოდნეობა, იმ ზომით კარგავს აღწერის ძალა თავისთავადობასა და უეჭველობას. ესთეტიკურში იჭრება უცხო ელემენტი, პოეზიაში ჩნდება ფსიქოლოგიურობა და ტენდენციურობა, მუსიკაში – პროგრამა, სახვით ხელოვნებაში დეკორატიულობა ან ილუსტრაციულობა, განზრახულობა, ბოლოს კი აბსტრაქტულობა და, ყოველივე ამის გამო, სამივე სფეროში ჩნდება საფრთხე, სათანადოდ ვეღარ მოიწადინონ თავდაპირველი ამოცანის ამოხსნა. საბოლოოდ ამოცანა ამოუხსნელი რჩება, უფრო მეტიც, ამოხსნა თვითონვე ამოცანად გადაიქცევა.

მაინც რა გაჩნდა ზეცის იმ ადგილას, სადაც ოდესღაც მშვენიერების ვარსკვლავი ნათობდა? რა და, მრავალმნიშვნელოვანი საავდრო ღრუბელი. ჩვენ ჭექა-ქუხილის ეპოქაში ვცხოვრობთ. თუნდაც დაღუძმდეს გარეგანი ჭექა-ქუხილი, შინაგანი ელვა მაინც ვეღვთოს ზეცას და დედამიწას ბუგავს. მაშინ დინამიკურობა საფრთხედ ჯერ კიდევ არ აღიქმებოდა. განა მიქელანჯელო და შექსპირი საფრთხეს წარმოადგენდნენ? დინამიკურობა არ არის ის ძალა, რომელიც ისე შეიძლება ჩაენაცვლოს მშვენიერებას, როგორც თავის დროზე მიქელანჯელო ჩაენაცვლა რაფაელს. რასაც დღეს ხელოვნებისთვის უცხო პრინციპების ინვაზია სჩადის,

იმას შეიძლება სხვადასხვა სახელი დავარქვათ. ეს არის დაუნდობელი ანალიზურობა, რომელიც გასაქანს აღარ აძლევს სულის პასუხისმგებლობას, ესაა დაუნდობელი ტენდენციურობა, რომელიც არავითარ თავისუფლებას აღარ ცნობს. ეს არის სენსაციურობა, საინტერესო რამ, რომელიც ნერვებს ეხება და არა სულს, მას ეფემერული ზემოქმედება სწავლია, ისეთი, როგორიც კინოს ან რადიოს ახასიათებს. ეს გახლავთ დროისმიერი მოვლენა, რომელსაც არამცთუ არაფერი წარმაგალი აღარ აღარდებს, არამედ თვითონვე ჩაივლის ისე, რომ თავის სვლაში ჩაკეტილი, იმ ერთადერთ სამყაროსაც კი ვერ აღმოაჩენს, ხელოვანს ქმნადობისაკენ რომ მოუწოდებს.

ამიტომაც ჭარბობს ხელოვნების დღევანდელ სახეობებში ცდები, ეკვქვემ დააყენონ ისინი: მუსიკაში ჭარბობს დისონანსი, პოეზიაში – ანალიზი, სახვით ხელოვნებაში – უსაგნობა. გარეგანი ფანტაზია, გამოძმონებლობა დაშრეტილია შინაგანის სასარგებლოდ, რომელიც თავის მხრივ აღარც შინაგანია და აღარც გამოძმონებლური. არქიტექტორი, როგორც თავის ყურადსაღებ წიგნში აღნიშნავს ჰანს ზელდმარი, ინჟინრის სასარგებლოდ ბევრ დათმობაზე მიდის. მრავალი ნიშანი მოწმობს, რომ ხელოვნებაში მეცნიერებას ეპატიუებთან და სადაც კი ეს არ დასტურდება, იქ მაინც წამყვანი რჩება მეცნიერული ელემენტი, რომელიც კონკრეტულ სახეს აბსტრაქციას, შვიდ ტონს თორმეტ ტონს, ლექსს პროზას ამჯობინებს, თუმცა აქვე უნდა აღვნიშნოთ, რომ ისეთი ნათელი აბსტრაქტული ქმნილებანიც არსებობს, როგორიცაა კანდინსკისა და კლევს სურათები, ჰოლდერლინის ლექსებზე ჰაუერის მიერ შექმნილ სიმღერებს საკრალური ჟღერადობა აქვს და კიდევ, არსებობს არცთუ ცოტა ახალი ლექსი, სახელდობრ, ახალგაზრდა ავსტრიელებისა, რომლებიც დროს გაუძლებენ.

ეს, ცხადია, გამონაკლისი ან ერთეული შემთხვევებია. ამერიკულ, ინგლისურ, ფრანგულ, შვედურ ლირიკაზე თვალის ერთი გადავლევაც კმარა იმის დასანახად, რომ ეს ლექსი კი არა, ლექსს მიმსგავსებული სტრიქონების წყებაა, რომელიც მხოლოდ აზრს გვთავაზობს. აქ შეგნებულადაა ნათქვამი უარი იგაფურ გარდასახვაზე. სიტყვის მუსიკაზე, უპირველეს ყოვლისა კი – გრძობაზე. იგი არაფრისკენ არ მიისწრაფის, ტრანსცენდენტურობას არაფერს არ ანიჭებს, ბეტონის თანხმონებთა და ფოლადის ხმოვნებით შექმნილი ცივი პროზა პოეზიის კურთხეული სივრცის უზურპაციას ახდენს. ეს თანაბრად ეხება ხელოვნების სხვა სახეობებსაც, თუმცა შიგადაშიგ მაინც იქმნება ისეთი დიდებული ნაწარმოებები, როგორიცაა გუნდური სიმღერები ელიოტის ნაწარმოებში “მკვლელობა ტამარში” ან ლორკას ლექსები და დრამები, როგორიცაა თუნდაც ალბან ბერგის “ვოცეკი” ან ორფის “აგნეს ბერნაურელი” და “Catulli Carmina”, როგორიცაა პიკასოს ნატურმორტები და ჰენრი მურის ქანდაკებები.

თუკი ამას ვადიარებ, თქვენ მკითხავთ, მაშინ რაღას მოგვიწოდებთო? განა ისტორიიდან არ უნდა მესწავლა, რომ მასში აღნუსხული არ არის ადრეული უკან მოსაბრუნებელი გზები? განა მე, ხანდაზმულ ადამიანს, არ უნდა შემეძინა სათანადო გამჭრიახობა, რომ ყველაფერს, რაც კი ოდესმე შესაძლებელი გახდება, უფლება აქვს იარსებოს და აღიარებულ იქნას? და თუკი ის სწორია,

რაც შპენგლერმა წინასწარ განჭვრიტა, მაშინ რა უფლება მქონდა იმედი გამჩენოდა, რომ ჩემი ერთი სიტყვა შეაჩერებდა იმას, რაც მას დაღუპვისაკენ მიაქანებს? მაშინ დიდი ხელოვნების მაგალითები, რომლებიც დავასახლე, ტრაგედიის იმ მომენტისთვის შეიძლებოდა შეგვედარებინა, რომელსაც სურს ერთხელ კიდევ დადწიოს თავი კატასტროფას და შეაჩეროს იგი. მაინც რა მსურს მე? რისთვის დაემდგარვარ აქ და რისთვის მოგმართავთ? რა ნაყოფიერი აზრი ან მიზანი შეიძლებოდა ჰქონოდა ჩემს ვედრებას თქვენდამი? ანდა რა მიზანი ექნებოდა ასეთ საჭოჭმანო მოწოდებას? სულ ცოტა, ერთი რამ მაინც: თქვენთვის შემეხსენებინა, რომ ხელოვნება თავისი არსით ისეთივე უდროუჟამოა, როგორც მევენახეობა ან საქსოვ დაზგაზე მუშაობა; გამეფრთხილებინეთ, რომ რეკოლუციები ხელოვნებაში მხოლოდ ხანმოკლე საწყისებს წარმოადგენდნენ, რომლებიც განადგურებას კი არა, უფრო გზების გაკვალვას ესწრაფვოდნენ და რომ არც ერთ დიდ ხელოვანს არ შეიძლება სურდეს მრავალწლიანი რეკოლუცია, რადგან მისთვის ქმნადობა ყველაფერია. დიდი ხელოვანი სინთეზისტია და არა ანალიტიკოსი, მას სურს ჩაეჭიდოს სიცოცხლეს, რათა სიკვდილს გამოსტაცოს იგი. მისი ექსპერიმენტი ესკიზია, იგი იღვის ხორცშესხმისას ექსპერიმენტს არ ატარებს. მას სძულს ეჭვი, ამბიციურობა, ნეგაცია, და ძალიან დიდი რომ არის, იმიტომაც ძალუძს შეპბედოს ფსიქოლოგიას ან იმპრესიონიზმს, როგორც ეს შეძლეს დოსტოევსკიმ და ვან გოგმა.

ერთხელ, საუბარში ჰუგო ფონ ჰოფმანსთალმა მითხრა: “გერმანელებს ლიტერატურა არ გააჩნიათ: მათ ჰყავთ ვოეთე და აქეთ საწყისები”. ეს აზრი გამაოგნებლად სწორია და გერმანულ ლიტერატურას ყველა ლიტერატურისაგან გამოარჩევს, რომლებიც ვითომ ზედმიწევნით რადიკალური და რეკოლუციური ჩანდნენ, მაგრამ მაინც დიდ ტრადიციებთან იყვნენ მტკიცედ დაკავშირებული. ჩვენთან ტრადიცია ყბადღებულია. ესა თუ ის ხელოვანი თავის მომდევნოებს ჩირაღდანს რომ გადასცემს, როგორც ბელინიმ გადასცა თავისი ჩირაღდანი ჯორჯონეს, ჯორჯონემ – ტიციანს, ტიციანმა – ტინტორეტოს, ტინტორეტომ ვერონეზეს, განა ეს ბუნებრივი თანმიმდევრობა ყველგან არ უნდა ყოფილიყო დაცული? ჰენდელმა თავისი მემკვიდრეობა გლუკს გადასცა, გლუკმა იგი დაუტოვა ჰაიდნს, რომელმაც იგი მოცარტს უწილადა და ასე შეგვიძლია მრავალი სულიერი გენეალოგიური ხე მოვხაზოთ. კოკოშკას პეიზაჟებში ჩანს ბაროკოს შტრიხები და განა არ ვიცით, ჰოფმანსთალი გრილპარცერთან რა მჭიდროდაა დაკავშირებული? ეს მიბაძვა არ გახლავთ, მიბაძვა პატარ-პატარა ტალანტების საქმეა. და მაინც შეიძლება მოხდეს ისე, რომ ასეთი გარდამავალი ხაზი გაწყდეს და ხანგრძლივი აღმოჩნდეს იმ წყვეტილობის ან სიცარიელის ხანა, რომელმაც მხოლოდ ახალი ცხოვრების სტიმული შეიძლება გააღვიძოს და მეტი არაფერი.

კარგახანია, - ცხადია, დროგამოშვებით, - იტალიურად ვკითხულობ ტორკვატო ტასოს მნიშვნელოვან ნაწარმოებს “გათავისუფლებული იერუსალიმი” და ვიცი, რომ თვით იტალიაშიც არცთუ ბევრი მცოდნე მოიძებნება ამ დიდი პოეზიისა, რადგან ეპოსი, როგორც პოეზიის ჟანრი, შპიტელერის “ოლიმპიური გაზაფხულის” შემდეგ აღარ არსებობს და ამაოა მისი განახლების გერჰარტ

ჰაუბტმანისეული პატივმოყვარე ცდები. იგივე ითქმის ანტონ ვილდგანსის “კირბიშხეც”. მაგრამ არის კი ხელოვნების ამ ფორმის ჩაკვდომის ფაქტი აღიარებული, ისევე, როგორც ისტორიული სურათისა ან იქნებ გულისტკივილით ისიც უნდა ვაღიაროთ, სიმღერის ფორმაც რომ აღარ არსებობს და ამიტომაც ჯერ კიდევ ცოცხალ ხელოვნანთ შეზღუდული აქვთ შემოქმედებითი თავისუფლება? განა ბალადაც გამჭრალი არ არის? განა ლექსად დაწერილი დრამა კი ძლებს სცენაზე, მაქს მელის პოეტურ თამაშობებს თუ არ მივიღებთ მხედველობაში და ელიოტისა და ფრის მონდომებას, დრამატულ ლექსს რომ არ ღალატობენ? სხვათა შორის, დიდებულების წარმავლობაზე საწუწუნოდ არ მიხსენებია “გათავისუფლებული იერუსალიმი”, ამას ორი მიზეზი აქვს, რომელთა დაწვრილებით განხილვასაც აქვე ვაპირებ.

ვისაც ამ პოემის თუნდაც ერთი სტროფი მანც წაუკითხავს, არ შეიძლება აღტაცება არ დაუფლებოდა ლექსის ფილიგრანული დამუშავების გამო. სადავო არ არის, რომ რომანული ლექსი უფრო მეტ სიმკაცრეს მოითხოვს, ვიდრე შედარებით თავისუფალი გერმანული და სლავური ლექსი. ცხადია, ჩვენ უცხო წესებს ვერ ჩავებლაუჭებით, რომლებიც დღეს საფრანგეთსა და იტალიაშიც შერყეულია, მაგრამ ხელოვნებას სრულყოფილება ან ხელმისაწვდომი საზომი მანც სწადია, რომელიც მნიშვნელოვანი კანონების დაცვას გვიბრძანებს. ასეთი სიმკაცრე ახასიათებს ყველა დროის დიდ ხელოვნებას, როგორც პრეისტორიულს, ასევე თანამედროვეს. ის, ვინც სახელდახელოდ მსჯელობს პოეტურ ხელოვნებაზე, ხომ უნდა დაფიქრდეს, რომ კლოპშტოკის “მესიას”, რომელსაც დღეს აღარავინ კითხულობს, ათი ათასიდან არცერთ ლექსში ერთი ჰიატუსი არ ურევია და იგი ჟან პაულის პროზაშიც კია უარყოფილი? რასაც დღეს პოეტურ ხელოვნებად გვთავაზობენ, ის სხვა თვალთ უნდა დაინახოთ: იმასთან, რაც ადრეულ ხანაში ყველა ერის ლექსში არსებობდა, მას ცოტა რამ თუ აქვს საერთო.

გარდასახვა ხელოვანისგან, განსაკუთრებით კი პოეტისგან, დიდ ხელოვნებას მოითხოვს. გარდასახვა შედარებით, ენის მუსიკით, სახის სიმბოლოდ ქცევის მეშვეობით მიიღწევა. გამონათქვამი ჯერ კიდევ არ არის ხელოვნება. ამ აზრს თუ გავიზიარებთ, მაშინ უნდა ვაღიაროთ, რომ აბსტრაქციაც შეიძლება გარდასახვა იყოს, ისევე როგორც დოდეკაფონია და დისონანსი. მაგრამ პოეზია, რომელიც გარდასახვას მოკლებულ, უბრალოდ ნათქვამ სიტყვად რჩება, მხოლოდ მეტყველებაა და არა პოეზია.

შეიძლება კი დღეს არსებობდნენ ისეთი პოეტები, როგორც ტასოა? სადღა არიან ისეთი პოეტები, რომელთა ამოცანა ერთადერთი ნაწარმოების შექმნაა, რომელსაც მთელ სიცოცხლეს უძღვნიან? ამადლებულის უკანასკნელი მაგალითი “ფაუსტი” გახლავთ. რა მოწოდებაა ეს, რამაც ოდესღაც ხელოვანი წინასწარმეტყველის რანგში აიყვანა და სხვებისგან გამოარჩია? რაკი ტასო ვახსენეთ, აუცილებელია გავიხსენოთ, რომ მამამისი ბერნანდო ცნობილი პოეტი გახლდათ, რაც უფლებას გვაძლევს მემკვიდრეობითობაზე ვილაპარაკოთ, მაგრამ ახალგაზრდა ავტორს კიდევ ერთი მემკვიდრეობა ერგო, სახელდობრ, ლექსის ფორმა – რვასტრიქონიანი სტანცა, ოტავერიმი, რომელიც მან თავის ეპოსს

მოარგო. ტასომ ეს ფორმა თავისი დიდი წინამორბედისგან, არიოსტოსგან გადმოიღო, ოღონდ იგი არც არიოსტოს აღმოუჩენია, ისევე, როგორც შექსპირს არ გამოუგონია ხუთსტრიქონიანი იამბი. შექსპირი ამ ფორმას და როლანდის მითის მასალას თავის წინამორბედ ბოიარდოს უმაღლის, რომელსაც წილად არ რგებია თავის მომდევნო პოეტების დიდება. ასევე უმაღლიდა გოეთე “ჰერმან და დოროთეას” ფორმას ვოსის “ლუიზეს” და ხელოვნების ისტორია საესეა ამგვარი მაგალითებით. მაინც რა უნდა ეთქვა კრიტიკას ასეთ აშკარა სესხებაზე? განა არ მართებდა გაეკიცხა მიმბაძველობა? მაგრამ სადღა მიაგნებდა ამ თავდაპირველ მაგალითებს? ის კრიტიკოსი, ვინც ტრადიციას პატივს არ სცემს, განა არიოსტოსა და ტასოს შეფასებას შეძლებს? განა შექსპირი მარლოსგან არ მოდის? განა ელისაბედის თეატრის სამეფო დრამა მარლოს “ედვარდ მეორით” არ იწყება? და, მიუხედავად ამისა, შექსპირი დიდია მარლოზე. მაინც რითი? ტასო არიოსტოზე დიდი არ არის, მაგრამ მან, ასე თუ ისე, მაინც მიაღწია სრულყოფილებას. ამრიგად, ტრადიცია ესთეტიკური ვალი კი არ არის, არამედ იგი ხელს უწყობს ფორმის განუმეზღვრებას და საქმეც სწორედ განუმეზღვრე ფორმას ეხება. ამ პოსტულატს საკამათოდ ვერ გავხვდი.

რაკი ასეა, ანუ რაკი ხელოვნებას ფორმა სჭირდება, უფლება მაქვს ახალგაზრდა ხელოვანებს მოგიწოდოთ, მთელი თქვენი სიცოცხლის მანძილზე მიეცეთ მუსიკას, პოეზიას, მხატვრობას, ქანდაკებას, ცეკვას, არქიტექტურას. უფლება მაქვს გთხოვოთ, ამ მოწოდებას ისე სერიოზულად მოეკიდოთ, როგორც რელიგიურიბამდე ამადლეზულ სიყვარულს, იმედსა და რწმენას მოეკიდებთ. მე გთხოვთ, მცდარად არ გაიგოთ თქვენი ამოცანა და თვალი დროებით ფასულობებს არ მიაპყროთ. არ გაუგონოთ იმ მწერლებს, ეპოქის სულზე ჭკვიანურად რომ ლაპარაკობენ! დრო წარმავალია, ხელოვნება კი წარუვალბას მოითხოვს. ხელოვნებას სურს სამყაროს სურათი შექმნას. იგი სამყაროს ერთგულია, რადგან სულის ალს მხოლოდ ვარსკვლავებში ან ვარდებში კი არ ხედავს, არამედ მას ბალახის პაწია ღეროშიც და ქვამიც ჭკერეტს. მართალია, სამყაროც წარმავალია, მაგრამ საკუთარ თავშივე არა, როგორც ეს დრო-ჟამს სჩვევია. დაავიწროვებ დროის შეგრძნება, გაიფართოვებ სამყაროს შეგრძნება და თვალსაწიერი! მუსიკა იმ სფეროების ჰარმონიაში მთავრდება, საიდანაც იგი ჩვენთან ჩამოვიდა, პოეზია – ღვთიურ საქმეთა განდიდებაში, რომელთაგანი იგი თავად შეიქნება, სახვითი ხელოვნება კი შეთავაზებულის მიღებასა და ზეციურშივე დაბრუნებაში ჰპოვებს თავის დასასრულს.

თუკი მიზანს ასე ავიმადლებთ, მაშინ მიგხვდებით, რომ მის მისაღწევად ერთი სიცოცხლე არ ემარა. უსასრულო სასრულში – განა ეს აზრი სასოს არ წარგვიკვეთს, როცა პაწაწინა წარმატებას მივალწევთ ხოლმე? გენიოსს, თუნდაც ყველაზე დიდს, არასოდეს სძულდება შრომა და გარჯა და არც იმ კანონებზე უთქვამს უარი, მასალის კომპოზიციისკენ, გამოსახვის მკაცრი კანონებისკენ, რიტმული ცვალებადობისკენ რომ მიგვიძღვებინან. მას არასოდეს გაუბედავს დაერღვია პირველქმნილი პრინციპი, რომელიც თავისი ბუნებით მათემატიკურია. მათემატიკა ღმერთების ენააო, ნათქვამია ნოვალისის ერთ ფრაგმენტში. ეგვიპტური და ბერძნული ტაძრები მათემატიკური, უფრო მეტიც, ასტრონომიული წესების მიხედვითაა



ნაგები, სვეტებშორისები ისეა გამოთვლილი, რომ ნაშთი არსად რჩებოდაო, წერს პოეტი ალბერტ შეფერი თავის წიგნში ეგნას ტაძრის შესახებ. კარგად დაფიქრდეთ ამაზე, სამშენებლო ხელოვნების შეგირდნო! თქვენ კი, მხატვრებო, ლეონარდო და ვინჩის “საიდუმლო სერობის” გეომეტრიულ კომპოზიციასზე ან რაფაელის “დის-პუტის” ელიფსზე იფიქრეთ, რაზეც სიამოვნებით იჩენავთ ხოლმე მხრებს. თქვენ კი, პოეტებო, იმაზე იფიქრეთ, რომ კლასიკოსების გაკვალულ გზებს უყურადღებოდ აღარ მოეკიდოთ. ნუთუ, ამაოა ყველაფერი, რასაც ლესინგი, ჰერდერი, გოეთე, შილერი გვასწავლიდნენ? განა სავალალო არ იქნება გაგრძელდეს ახლანდელი ამორფული მდგომარეობა?

მაინც საიდან იღებს დასაბამს იგი? ვცდილობ პასუხი გავცე ამ კითხვას და ერთი შეხედვით საკუთარ თავს უნდა შევეწინააღმდეგო. მე თქვენ მოგიწოდებ, შეგერბილებინათ დროის შეგრძნება, მაგრამ ხელოვანი ხომ თავისი დროის შვილიცაა, დღეს კი იგი შვილზე მეტიცაა, თუ გნებავთ, მას მარტვილსაც კი დავარქმევდი. ხელოვნებას სამი მოსისხლე მტერი ჰყავს: ატომის გახლეჩა, ფსიქოანალიზი და მასების ამბოხი, როგორც ოტევა ი გასეტი უწოდებს სოციალურ რევოლუციას. სამივე საფრთხემ იქონია გავლენა პიკასოს სტილის ჩამოყალიბებაზე. თუკი არ არსებობს ერთი მთლიანი სული და არსებობს მხოლოდ კომპლექსები, მაშინ ველარც ადამიანის სახე იარსებებს, რომელიც ისევე დაიშლება, როგორც ამას ფიზიკა გვასწავლის. მაგრამ იგივე ფიზიკა ატომგულის ირგვლივ ელექტრონების ბრუნვას მზის ირგვლივ პლანეტების ბრუნვას აღარებს და ამგვარად იგი, ეჭვებს რომ ბაღებს, მაშინვე უკან, რწმენისაკენ გვბიძგებს ხოლმე; ის, ვინც ეჭვის უფსკრულში ჩადის, უკუნივთიდან კვლავ ვარსკვლავებს ჭვრეტს. ტამინოს ჯადოსნური ფლეიტა ხსნას თანამედროვე ადამიანსაც რწმენის მეშვეობით ჰპირდება.

თვით მასების ამბოხიც კი იძლევა მსგავსი სიკეთის იმედს. მაინც რა ზომით? ნუთუ მას ცალკეული ჩაგრულის საკეთილდღეოდ ტირანული კოლექტიურობა სურს? მას სურს ან უნდა სურდეს ეს. ეს კი იმას ნიშნავს, რომ პიროვნებას განვითარების უფლება აღარ რჩება. გოეთეს ცნობილი გამონათქვამი, რომელიც პიროვნულობას “დედამიწის შვილების უზენაეს ბედნიერებად” მიიჩნევს, მოულოდნელი აღმატებითი ხარისხი ხომ არ არის? განა სიყვარული არ არის ჩვენი უზენაესი ბედნიერება? ეს აზრები, როგორც ჩანს, შესაწყნარებელი აღარ არის. რენესანსის ეპოქაში და მის მიმბაძველ მეცხრამეტე საუკუნეში ხელოვნება პიროვნებას, მის მოვლა-პატრონობასა და განდიდებას ემყარებოდა. რა ხელოვნება შეიძლება არსებობდეს ჩვეულებრივზე ზეაღმატებული ადამიანების გარეშე? ჩვენ ვიცით, რომ ხელოვნების დიდი ეპოქები არ ასახელებდნენ და არ განადიდებდნენ ხელოვნების მსახურთა სახელებს და ახალგაზრდობა დღესაც ანონიმური ხელოვნებისკენ მიილტვის. ეგვიპტური, ბერძნული, რომაული ხელოვნების ქმნილებების, ბიზანტიური მონაქების, რომანული და გოტიკური ტაძრების შემოქმედთა სახელებს იშვიათად თუ მოუღწევიათ ჩვენამდე. საბერძნეთში პიროვნებას მხოლოდ პერიკლეს ეპოქის შემდგომ პერიოდში მიეზღო სათანადო პატივი და გოტიკური ნაგებობების ცალკეული ოსტატები – ერვინ ფონ შტაინბახი, ჰანს ფონ პრახსტიცი, ანტონ პილგრამი – ცნობილი არიან ჩვენთვის. ანონიმურობა დვთაებრიობის სამსახურს



ნიშნავს. ვინ იცის სელინ-უნტის მეტოპების მოქანდაკეთა სახელები, რომელთა ქმნილებები იმ სიმაღლეზე იყვნენ აღმართულნი, რომ მათი ჭვრეტა მხოლოდ ღმერთებს შეეძლოთ? ვინმემ თუ იცის რაკენასა და ცეფალუს მოზაიკის ოსტატთა სახელები? დიახ, ასე სწირავდნენ ღმერთს თავიანთ ხელოვნებას უსახელო ოსტატები. ანონიმურობას ფესვები რწმენაში ჰქონდა გადგმული. დღეს რაღა გამართლება მოიძებნება საამისოდ? თუკი რომელიმე თქვენგანს დადებითი პასუხი მოეძებნება, ეს ნუგეში იქნება ჩვენთვის. უარყოფითი პასუხები უხვად არსებობს. ისინი ეგზისტენციალიზმმა არცთუ უსაფუძვლოდ მოგვაყარა, მაგრამ ნიჰილიზმი უნაყოფოა და გოეთეს გვიანდელი გამოხატვაში, “რაც ნაყოფიერია, მხოლოდ ის არის ჭეშმარიტი”, დღეს ისე მყარია, როგორც არასდროს.

მე მრავალ შეხედულებას შევეხე – იმაზე მეტს, ვიდრე ერთ დამკვირვებელს ძალუძს – და საწინააღმდეგო აზრებსაც განგებ არ მოვრიდებივარ. რაღა დამრჩა გირჩიოთ? ყოველი თქვენგანი ხანგრძლივი, მკაცრი თვითგამოცდის შემდეგ უნდა მისვდეს, რა არის მისი მოწოდება. ხელოვნების სფეროში მოღვაწეობისთვის ნიჭი საკმარის უფლებას არ იძლევა. ყოველი ბავშვი გენიოსია, ყოველი ახალგაზრდა – ტალანტი, მაგრამ ამ ტალანტს მთელი სიცოცხლე უნდა მისდიო. რილკეს შეკითხვას ერთი ახალგაზრდა პოეტისადმი (რომელიც, სხვათა შორის, დიდი ვერაფერი პოეტი დადგა) – მოკვდებოდით, ლექსების წერა რომ აღარ შეგძლე-ბოდათო, მეც გისვამთ და მოველი, რომ თქვენი პასუხი გულწრფელი იქნება. მეორე მხრივ, თითოეული თქვენგანი არანაკლებ გულწრფელად გაიცნობიერებს იმ ფარგლებს, რომელთა გადალახვის იმედი არასოდეს ექნება. ჩვენ ყველანი უნდა დავიბნეთ, შევცდეთ, რაღაცაზე ვთქვათ უარი – ეს დასახული გზის საპოვნელად არის საჭირო. ჩვენი შეცდომებიც, ჩვენი დაბნევაც, უარყოფაც ჩვენ გვეკუთვნის, ისინი ჩვენი შემადგენელი ნაწილია. დამარცხების ნუ შეგეშინდებათ! დასეტყვილ მარცკლეულს წამოდგომა ძალუძს. მხოლოდ ნაუცბათევი გამარჯვებების გეშინოდეთ! გამარჯვების მზეს ძალა შესწევს გადაბუგოს მომავალი მოსავალი. ახალგაზრდა ხელოვანებო, გეშინოდეთ მხოლოდ ერთი სიავისა: არ დაუშვათ კომპრომისი მხოლოდ გარეგნული მოგების ხათრით. ვინც ამას სჩადის, იმას შეწყალების იმედი აღარ უნდა ჰქონდეს. ასეთ ხელოვანზე უარი უნდა ვთქვათ. იგი გამოეთიშება იმ საიდუმლო ორდენს, რომელსაც ხელოვნების ყველა ერთგული მსახური მიეკუთვნება, ერთმანეთთან რა შეურიგებლებიც უნდა იყვნენ ისინი. და თუ სიცოცხლის დასასრულს თქვენი ნაღვაწი ამო აღმოჩნდება, რის განსჯის უფლება მომდევნო თაობას ყოველთვის არცა აქვს, ეტყობა, ნებისმიერი მსახურება ნაკლებად ამაოა, ისევე, როგორც – კარგი საქმენიც, რომელთაც არავითარი შედეგი არ მოჰყვება ხოლმე.

ერთი რამ მინდა კიდევ ვიამბოთ. ძველ, ღვთისმოსავ რუსეთში ხატ-მწერისათვის არ კმაროდა ხელობის ცოდნა. ეკლესია ხატმწერის უფლებას მხოლოდ იმ მხატვრებს აძლევდა, ვინც უმწიკვლო ცხოვრებით ცხოვრობდა, მაგრამ სამაგიეროდ ასეთ მხატვარს ლამის ისეთივე პატივის მიაგებდნენ, როგორც – იმ სასულიერო პირს, ვინც იერარქიის მეორე საფეხურს მიაღწევდა. ასეთ მოთხოვნებს, რამდენადაც ვიცი, მხატვარს სხვა ქვეყნებში არ უყენებდნენ. მე მგონი,

დღეს თქვენ ასეთივე ღირებულება გენიჭებათ. ცხადია, საერო ცხოვრებაშიც მულავენდება სულის სიწმინდე. განა რელიგიურ მხატვრობაში ვგრძნობთ განსხვავებას ბიზანტიურ ლეთისმშობელსა და რაფაელის მადონას შორის? სიწმინდეს ვგრძნობთ რემბრანდტის სურათებში, განყენებულობას ვხედავთ იზენჰაიმერის საკურთხეველში თუ ტოლედოს სანახებში. ვიცი, ზოგი რამ შეიძლება ჩემი მოწოდებისთვის საზიანო აღმოჩნდეს, მაგრამ მაინც გაეხედავ და ვიტყვი, რომ ხელოვნება ტრანსცენდენტური უნდა იყოს. არატრანსცენდენტური ხელოვნებაც შეიძლება გენიალური აღმოჩნდეს, ოღონდ იგი იშვიათად თუ შეგვეძრავს და დაგვიპყრობს. ყოველი სურათი, რომელსაც ვხატავთ ან ვთხზავთ, ყოველი ბგერათა წყება, თუნდაც იგი სასულიერო მუსიკად არ იყოს ჩაფიქრებული, უფრო მაღალი ჰარმონიის მაუწყებელი უნდა გახდეს. ხელოვანს მხოლოდ მიწიერი სამშობლო არ გააჩნია, იგი იმ წინაპრებში სახლობს, რომლებიც მიღმა სამყაროდან იღებენ დასაბამს. ეს აზრი რომანტიკულად არ უნდა გავიგოთ. ეს რწმენის რეალობა გახლავთ, რომელიც შესაძლებელს ხდის “ორივე სფეროდან ფართოდ ამოიზარდოს” და დაგვარწმუნოს, რომ ამ ორ სფეროს შორის არაფერი ისეთი ტრაგიკული არ ძევის, რომლის შემადრწმუნებელი მაგალითები ხელოვანთა ბიოგრაფიებში ასე უხვად მოიძებნება. სწორედ ამ შიშისგან თავის დაღწევა და მისი გადალახვა წარმოადგენს ახალი ეპოქის ხელოვანთა ამოცანას. აი, მაშინ შეიძლება პიროვნული უსახელოსთან, შემოქმედებითი – რელიგიურთან, ხოლო წარსული მომავალთან შეუღლდეს.



# შ ი ნ ა ა რ ს ი

## ანტონ ვილდგანსი

### ზევით ატყორცნილი მზერა

პწკარელი ეკატერინე კიკალიშვილის, ლიტ. თარგმანი ვია ჯოხაძის  
**მარტოობის ბედნიერება**

პწკარელი ეკატერინე კიკალიშვილის, ლიტ. თარგმანი ვია ჯოხაძის  
**შუადღის დასვენება**

პწკარელი ეკატერინე კიკალიშვილის, ლიტ. თარგმანი ვია ჯოხაძის  
**საყვარელი მიდამოსადმი**

პწკარელი ეკატერინე კიკალიშვილის, ლიტ. თარგმანი ვია ჯოხაძის  
**მე ქალაქის შვილი ვარ**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**ავსტრიული სიმღერა**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**ავსტრიული მრწამსი**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**მცირე ყოველდღიურობანი**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**მსახურები**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**ახალგაზრდა მოსამართლისადმი, რომელიც ფიცს დებს**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**ტუსაღები**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**წმინდა შემოდგომა**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**კამერული მუსიკა**

პწკარელი ეკატერინე კიკალიშვილის, ლიტ. თარგმანი ვია ჯოხაძის  
**მბჟუტავი წამი**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**უკანასკნელი აღსარება**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**კიდევ ერთი დღე მიიწურა**

პწკარელი თენგიზ ხაჭაპურიძის, ლიტერატურული თარგმანი ვია ჯოხაძის  
**ლექსი, მიძღვნილი იარაღასხმულ ხალხისადმი**

პწკარელი ნატო თხილაგასი, ლიტერატურული თარგმანი ბათუ დანელიასი  
**ომში მიმართვა ღვთისადმი**

პწკარელი ნატო თხილაგასი, ლიტერატურული თარგმანი ბათუ დანელიასი

**ჩემი ბავშვის თვალსაზრისით**

პწკარედი ნატო თხილაკასი, ლიტერატურული თარგმანი ბათუ დანელიასი  
**ჩემი ძველი ვიოლინო**

პწკარედი ნატო თხილაკასი, ლიტერატურული თარგმანი ბათუ დანელიასი  
**ნაირ-ნაირი ხალხი მესტუმრა**

პწკარედი ნატო თხილაკასი, ლიტერატურული თარგმანი ბათუ დანელიასი  
**შედეგი**

პწკარედი ნატო თხილაკასი, ლიტერატურული თარგმანი ბათუ დანელიასი  
**ციკლიდან სონეტები ედის**

პწკარედი ნატო თხილაკასი, ლიტერატურული თარგმანი ბათუ დანელიასი  
**წარუმატებლობის ელეგია**

პწკარედი ნატო თხილაკასი, ლიტერატურული თარგმანი ბათუ დანელიასი  
**გაზაფხულის ბალადა**

პწკარედი ნატო თხილაკასი, ლიტერატურული თარგმანი ბათუ დანელიასი  
**მითი შემოდგომისა**

პწკარედი ნატო თხილაკასი, ლიტერატურული თარგმანი ბათუ დანელიასი  
**ღრმა გამოხედვა**

პწკარედი ნატო თხილაკასი, ლიტერატურული თარგმანი ბათუ დანელიასი  
**ადაჯიო ჩელოსათვის**

პწკარედი ნატო თხილაკასი, ლიტერატურული თარგმანი ბათუ დანელიასი  
**შუა ქალაქში**

პწკარედი ნატო თხილაკასი, ლიტერატურული თარგმანი ბათუ დანელიასი  
**მხოლოდ მსურს მაინც**

პწკარედი ნატო თხილაკასი, ლიტერატურული თარგმანი ბათუ დანელიასი  
**ერთ უცნობს**

პწკარედი ნატო თხილაკასი, ლიტერატურული თარგმანი ბათუ დანელიასი

**ალბერტ მარენშტაინი\***

**დილის ლოცვა თარგმანი დალილა ბედიანძის**  
**Ich bin des Lebens und des Todes müde**

მე დავიღალე სიცოცხლითაც და სიკვდილითაც თარგმანი ნინო დარბაისელის  
ეროსი თარგმანი ნინო დარბაისელის  
მეზღვაურული თარგმანი ნინო დარბაისელის  
ომის ღმერთი თარგმანი ნინო დარბაისელის  
კასტილიელი ბერნალ დიასი თარგმანი ზვიად რატიანის  
გეორგ თრაკლი თარგმანი ზვიად რატიანის  
დედა თარგმანი ზვიად რატიანის  
ღამის ლოცვა თარგმანი ნინო დარბაისელის

\* ალბერტ მარენშტაინის ყველა აქ წარმოდგენილი ლექსის ქართული პწკარედი შესრულებულია ნანა გოგოლაშვილის მიერ.

ძახილი თარგმანი ნინო დარბაისელის  
ვერცხლის ქორწილი თარგმანი ნინო ჟორჟოლაძის  
სურვილი თარგმანი ნინო ჟორჟოლაძის  
შეკითხვა თარგმანი ნინო დარბაისელის  
საყდარი მინდვრად თარგმანი ზვიად რატიანის  
ღმერთის სიკვდილი თარგმანი ზვიად რატიანის  
ქადაგება თარგმანი ნინო დარბაისელის  
ხორცი თარგმანი ნინო დარბაისელის  
გამარჯვება თარგმანი გიორგი კეკელიძის  
საშველად ხმობა თარგმანი შარლოტა კვანტალიანის  
სიკვდილს თარგმანი შარლოტა კვანტალიანის  
უძლურება თარგმანი შარლოტა კვანტალიანის  
მომაკვდავი ევროპა თარგმანი მერი შალვაშვილის  
ხმა ბარბაროპას თავზე თარგმანი მერი შალვაშვილი  
მოკლულ ძმას თარგმანი გიორგი კეკელიძის  
დიდი ქალაქი თარგმანი გიორგი კეკელიძის  
მელანქოლია თარგმანი გიორგი კეკელიძის  
გამოთხოვება თარგმანი გიორგი კეკელიძის  
მეკობრეთა სიმღერა თარგმანი გიორგი კეკელიძის  
საწყისი თარგმანი დალილა ბედიანიძის

## **ფელიქს ბრაუნი**

### **მკითხველი**

პწკარელი მაია ბადრიძის, ლიტერატურული თარგმანი ბათუ დანელიასი

### **მარადისობა**

პწკარელი მაია ბადრიძის, ლიტერატურული თარგმანი ბათუ დანელიასი

### **შინაგანი ცხოვრება**

პწკარელი მაია ბადრიძის, ლიტერატურული თარგმანი ბათუ დანელიასი

### **მე**

პწკარელი მაია ბადრიძის, ლიტერატურული თარგმანი ბათუ დანელიასი  
**იმედი**

პწკარელი შორენა შამანაძის, ლიტერატურული თარგმანი ბათუ დანელიასი

### **წმინდა ექო**

პწკარელი მაია ბადრიძის, ლიტერატურული თარგმანი ბათუ დანელიასი

### **ასტროლოგია**

პწკარელი მაია ბადრიძის, ლიტერატურული თარგმანი ბათუ დანელიასი

### **ლოცვა**

პწკარელი მაია ბადრიძის, ლიტერატურული თარგმანი ბათუ დანელიასი

### **მუზის დამშვიდობება**

პწკარელი მაია ბადრიძის, ლიტერატურული თარგმანი ბათუ დანელიასი

**ზალცბურგული სონეტები**

აწკარედი შორენა შამანაძის, ლიტერატურული თარგმანი ბათუ დანელიასი  
**ვაჟიშვილი**

აწკარედი მაია ბადრიძის, ლიტერატურული თარგმანი ბათუ დანელიასი  
**სირიელი ქალი**

აწკარედი მაია ბადრიძის, ლიტერატურული თარგმანი ბათუ დანელიასი  
**ომი და უცნობი ქალაქში**

აწკარედი მაია ბადრიძის, ლიტერატურული თარგმანი ბათუ დანელიასი  
**წმინდა აგატას ფეხი**

აწკარედი შორენა შამანაძის, ლიტერატურული თარგმანი ბათუ დანელიასი  
**წინასწარმეტყველება**

აწკარედი შორენა შამანაძის, ლიტერატურული თარგმანი ბათუ დანელიასი  
**სტუმარი**

აწკარედი შორენა შამანაძის, ლიტერატურული თარგმანი ბათუ დანელიასი  
**შელამება**

აწკარედი მაია ბადრიძის, ლიტერატურული თარგმანი ბათუ დანელიასი  
**ერთი მისტიკური შეგონების მიხედვით**

აწკარედი მაია ბადრიძის, ლიტერატურული თარგმანი ბათუ დანელიასი  
**გამოეთხოვე**

აწკარედი მაია ბადრიძის, ლიტერატურული თარგმანი ბათუ დანელიასი  
**უხილავი ძელსკამი**

აწკარედი მაია ბადრიძის, ლიტერატურული თარგმანი ბათუ დანელიასი  
**სიცარიელე**

აწკარედი მაია ბადრიძის, ლიტერატურული თარგმანი ბათუ დანელიასი  
**სული**

თარგმანი დალი ფანჯიკიძის

**ოდა წყლისპირას**

თარგმანი დალი ფანჯიკიძის

**შემოდგომის ოდა**

თარგმანი დალი ფანჯიკიძის

**წვდომა**

თარგმანი დალი ფანჯიკიძის

**დაიკო**

აწკარედი მაია ბადრიძის, ლიტერატურული თარგმანი ბათუ დანელიასი  
**გულისძვერა**

თარგმანი დალი ფანჯიკიძის

**მეგობარი**

თარგმანი დალი ფანჯიკიძის

**Der Tod der Geigerin**

**მევიოლინე ქალის სიკვდილი**

თარგმანი დალი ფანჯიკიძის

**ოდა სიკვდილს**

თარგმანი დალი ფანჯიკიძის

**საიდუმლო**

*თარგმანი დალი ფანჯიკიძის*

**ზიარება**

*თარგმანი დალი ფანჯიკიძის*

**სიტყვა**

*თარგმანი დალი ფანჯიკიძის*

**დანართი**

**ანტონ ვილდგანსი**

**შემოქმედებითი აღმაფრენისა და ხელოვანის შრომის შესახებ**

*თარგმნა შორენა შამანაძემ*

**ალბერტ ერენშტაინი**

**ნამდვილი ხელოვნებისა და უცხო ენათა შესახებ**

*თარგმნა შორენა შამანაძემ*

**ფელიქს ბრაუნი**

**სიტყვა ახალგაზრდა ხელოვანებისადმი**

*თარგმნა დალი ფანჯიკიძემ*